


RBSC Libm
BM 610 ★
C35
1888

Author.....	Caleb,
Title.....	Yahowá
FORM 214	
MG7	
24.5.61	



2953053

ko qabúl kiyá hai ? Agar kiyá hai, to tú mubáarak hai, hán, tú amn men hai, aur chúnki tú amn men hai, terá haqq hai, ki tú Yahowáh ke liye ek nayá gít gáwe. Aur agar nahín kiyá hai, to ai azíz jaldí kar, kyúnki waqt bahut hí tang hai, is liye ki gor men jahán tú játá hai, na kám, na mansúba, na ágáhi, na hikmat hai. Pas jab tak ki K̄hudáwand mil saktá hai, tú use dhúnḍh, aur jab tak ki wuh nazdík hai, us ko aur us kí naját ko qabúl kar, aur jab tú yih karegá, to tú bhí muqaddason ke sáth shámil ho, Yahowáh ke liye ek nayá gít gáwegá.—*Amin.*

TAMÁM SHUD.

aur daulat, aur aql o táqat, aur izzat o jalál, aur barakat páwe. Aur un kí tamjíd yih hogí, ki Ai K̄hudáwand K̄hudá, Qádir i Mutlaq, tere kám bare aur achambhe ke hain, ai muqaddason ke bádsháh, terí ráhen rást aur durust hain.—*Muk.* 15: 3.

Aur ab ai dosto,—Jab ki Yahowáh ne tumháre liye yih, aur aise ajíb kám kiye hain, to kyá tumhen us ke liye ek nayá gít gáná munásib nahín hai? Hán, jab ki us ne tumháre liye yih ajíb álam banáyá, aur ek ajíb aur nádír hukúmat muqarrar kí, aur is álam ko ajíb ajíb qúwaten atá farmáin, aur ek ajíb naját taiyár kí, aur Kalám i Haqq atá kiyá, aur kamál fazl ká izhár kiyá, aur hamáre jism ke liye ek ajíb tabdílí muqarrar kí, to kyá in barakaton ko sochte húe rawá nahín hai, ki ham sab yih kahen, ki Ai merí ján, Yahowáh ko mubárakbád kah, aur wuh sab jo mujh men ho, us ke muqaddas nám ko. Hán, Yahowáh ko mubárakbád kah, ai merí ján, aur us kí sab niámaton ko farámosh na kar, balki ai merí ján, yún pukár ut̄h, ki Yahowáh ke liye nayá gít gáo, kyúnki us ne ajáib kám kiye hain, us ke dahine háth aur us ke muqaddas bázú ne us ke liye us kí ummat ko bacháyá hai. Hán, Yahowáh ne apní naját mashhúr kí hai, qaumon kí nigáh men apní sadáqat záhir kí hai.—*Zab.* 98: 1, 2. Ab chúnki Yahowáh ne baní Ádam ke liye yih kuchh kiyá hai, aur apní naját ko bhí maḡ apní sadáqat ke mashhúr kar chuká hai, to kyá ai ázíz, tú ne us kí is barí naját

2. Agarchi ásmán men̄ kull muqaddas khush o khurram honge, tau bhí jab un ká muqábala ehhoṭe bare maṃúr zurúfon se kiyá játá hai, to darjon ká boná páe subút ko pahunchtá hai.

3. Toron̄ kí tamsíl men̄ mihnat ke muwáfiq ajr diyá jáná darjon̄ ke hone ká isbát hai.—*Matí* 25: 15.

4. Púlús Rasúl ke is kalám se, ki jo thoṛá botá hai, thoṛá káṭegá, aur jo bahut botá hai, bahut káṭegá, darjon̄ ke hone ko sábit kartá hai.—2 *Qur.* 9: 6.

5. Dániel kí kitáb ke is hawále se ki Ahl i dá-nish falak kí chamak kí mánind chamkenge, aur we jin kí koshish se bahutere sádiq ho gae, sitáron̄ kí mánind abad-ul-ábád tak, (*Dán.* 12: 3,) ásmán men̄ darjon̄ ke hone ká subút hai.

6. Rasúl ká yih qaul bhí, ki Aftáb ká jalál aur hai, aur mábtáb ká jalál aur hai, aur sitáron̄ ká jalál aur hai, ki sitára, sitáre se jalál kí banisbat farq rakhtá hai, darjon̄ ke hone kí taraf ishára kartá hai.

Lekin in sab jhagron̄ kí nisbat hamári ráe yih hai, ki Ham *pahle* yih jáneṅ, ki jis sila ká ki waḍa hai, so niháyat hí beshqímat hai, aur *dústre* yih, ki jo ise hásil kiyá cháhte haiṅ, unheṅ jí ján se koshish karní wájib hai. Aur tab go dindáron̄ ká thahráyá húa hissa cháhe barábar ho, yá na ho, tau bhí yih to zálhir hai, ki har ek apní hálat men̄ kamál razámand hokar lábayán khushí men̄ khush aur magan rahegá. Aur un kí hamd ká gít yihí hogá, ki Barra jo zabh húa, is láiq hai, ki qudrat

Lekin kyá ásmán par muqaddason ke darmiyán darje honge? Is kí nisbat Masíhion ke darmiyán do ráen hain. Is liye ham yahan donon ko pesh karke apní ráe ko pesh karenge. Yane—

Awal. . Baz ká yih khiyál hai, ki ásmán men muqaddason ke darmiyán darje na honge. Is liye ki—

1. Kull muqaddas Masíh kí rástbázi se malbús kiye jáenge. Pas jab ki unhon ne yih haqq páyá, tab wuh sári barakaton men barábar hí haqqdár aur hissadár thahre.

2. Ki wuh sab pahlauthon kí tarah Kḥudá ke beṭe honge. Pas jab beṭe húe, tab mirás ke bhí hissadár húe, balki Masíh ke sáth ham-wáris thahre.

3. Ki agar ek muqaddas ko dúsre muqaddas se jalál men fauqiyat ho, to ásmán men yih chhuṭái barái kí numáish thík nahiñ khátí, balki baráks is ke ek khwáhish barábarí kí paidá hotí hai.

4. Ki hamáre Kḥudáwand ne kull muqaddason se bádsháhat ká waḍa kiyá hai, aur yih bhí farmáyá hai, ki Wuh súraj ke mánind núrání honge. Is liye jab ham muqaddason ke darmiyán darjon ká zikr karte hain, tab ham be-mañí aur be-matlab lafzon ko, jin se ki kuchh bhí matlab nahín nikaltá hai, istiamál karte hain.

Down. . Baz ká yih khiyál hai, ki ásmán men muqaddason ke darmiyán darje honge. Is liye ki—

1. Is dunyá men muqaddason ke bích fazl ke darje páe játe hain. Is liye ásmán par bhí in ká honá mumkin hai.

4. *Khudáyá*, tú merá hai, dáim mudám :

Khudáyá main terá hún, dil se tamám :

Yá jíte, yá marte, har hál meṅ har já,

Tú merá hí hissa hai,—merá *Khudá*.

Is ke aláwa yih *khushí* is liye bhí bahut barí aur behadd hogí, ki ásmán meṅ hamáří aql aur hamáří samajh ko kamál darje ká kamál hogá, is liye ki ásmán meṅ badí ká nám o nishán tak bhí na hogá. Aur jab yih na hogá, tab koí shai ham-eṅ kisí naṅ se bechain aur beárám bhí na karegí, aur jab ham bechain, aur beqarár na honge, tab hamáří samajh aur hamáří aql par bhí futúr ká parda na pafegá. Aur jab yih na hogá, tab *khushí* bhí afzúd hogí, is liye ki aql aur samajh sab thík rahégí, balki hamesha barhtí hí jáegí, kyúñki ásmán meṅ muqaddason kí zindagí lá-ákhir hogí : aisá ki wahán rát tak na hogí, aur na kabhí us sarzamín meṅ zulm kí áwáz suní jáegí, aur na us kí sarhaddon meṅ *kharábí* aur barbadí hogí, balki wahán kí díwáron ká nám Naját hogá, aur wahán ke darwázon ká nám Sitúdagí hogá. Wahán kí roshní din ko súraḡ se, aur rát ko us kí chándní chánd se na hogí, balki *Khudáwand* us ká abadí núr hogá, aur hamará *Khudáwand* us ká jalál hogá. Us ká súraḡ phir kabhí na dhalegá, aur us ke chánd ká kabhí zawál na hogá. Kyúñki *Khudáwand* us ká abadí núr hogá, aur us ke má-tam ke din ákhir ho jáenge.—*Yas.* 60: 19, 20. Ab gaur karo, ki muqaddason kí yih *khushí* kaisí labayán hogí !

Is ke aláwa, ásmán is liye bhí khushí kí jagah hogá, ki us men maut ká daḡhl na hogá, balki wahán ke báshinde us ká nám tak bhí na jánenge ! Aur kyún us men maut ká nám tak bhí na hogá ? Is liye ki aglí chízen guzar gáin.—*Muk.* 21 : 4. Tum jánte ho, ki gunáh ká hásil maut hai, par jab ásmán men gunáh na hogá, tab wahán us ká hásil bhí na hogá, aur jab us ká hásil na hogá, tab gam aur áh aur nála bhí na hogá ! Aur kyún na hogá ? Is liye ki Ḳhudá muqaddason kí ánkhoṅ se sab ánsú ponchh dálegá. Lekin un kí khushí ká sirf yihí ek sabab na hogá, par Ḳhudá kí huzúrí un kí khushí ká kháss sabab hogá : kyúnki shurú men yane, Bág i Adan men Ḳhudá hí kí huzúrí thí, jo hamáre awwal wálidain kí khushí ká báis thí. Aur jab ki ímándáron ko yih phir nasíb hogí, tab un kí khushí kyá kuchh na hogí ! Aur kyá un ká rág yih kuchh na hogá ! ki

1. Ḳhudá, merá hissa hai, mahbúb o habíb ;
Main banda hún terá, majbúr o garíb ;
Sab rúe zamín, aur ásmán par kahín
Hai tere siwá merá kói nahín.
2. Jo tú hí na hotá, to sára ásmán,
Aur sári zamín bhí hai, kháli butlán ;
Sab izzat hai zillat ; sab daulat hai dhúl ;
Ḳhushwaqtí kí tú hí hai, asl i usúl.
3. Hán, súraj kí roshní,—maḡhlúq ká jamál,—
Aur doston kí khúbí,—aur mál o manál,—
Jo howe so howe ; par mujhe manzúr
Hai tujh men khushwaqtí haqíqí mamúr.

yih $\text{\textcircled{K}}$ hushí tanháí kí na hogí. Hán, ásmán men ab ká rishta to beshakk $\text{\textcircled{t}}$ ut jáegá, lekin haqíqí bhái aur Masíhí $\text{\textcircled{K}}$ hándán ká rishta báqí rahegá, aur wuh sab ek sáth mile jule aur Masíhí $\text{\textcircled{K}}$ hándán hokar $\text{\textcircled{K}}$ hushí aur piyár aur muhabbat men zindagí basar karenge, aur ek hí sáth $\text{\textcircled{I}}$ bádat bhí karenge, aur yih bát is hawála se sábit hai, ki Bád is ke main ne nazar kí, aur kyá dekhtá hún, ki har ek qaum aur firqa, aur log aur ahl i zabán men se, ek aisí barí jamáat, jise koí shumár nahín kar saktá, sufed jáma pahine, aur $\text{\textcircled{K}}$ hurma kí $\text{\textcircled{D}}$ alíán háthon men liye, us takht aur Barra ke áge kharí hai, aur baland áwáz se chilláke yún kahtí hai, ki Naját hamáre $\text{\textcircled{K}}$ hudáwand se, jo takht par baithá, aur Barra se hai.—*Muk.* 7: 9-10. Hán, wahán we, jo yahán $\text{\textcircled{K}}$ hudáwand ke ghar men ek sáth $\text{\textcircled{I}}$ bádat karne ko játe the, ek dúsre se muláqát karenge, aur az hadd $\text{\textcircled{K}}$ hush honge, balki wahán wuh bhí, jo zamín par ek dúsre se muláqí nahín húe the, milenge, aur ápas men bháíon kí sí $\text{\textcircled{K}}$ hushí karenge, aur yún ásmán tanháí kí $\text{\textcircled{K}}$ hushí kí jagah na hogá, balki ek jamhúrí $\text{\textcircled{K}}$ hushí kí jagah hogá.

Lekin aisí jagah men muqaddason ká shugl kyá hogá? Is ke jawáb men ham yih kahte hain, ki Ásmán men muqaddason ká shugl hamd hogá. Hán, wahán us kí haikal men, we rát din us kí bandagí karenge, aur wahán we apne $\text{\textcircled{K}}$ hudáwand ko dekhenge, aur insán aur firishtagán milkar búd o bášh karenge.

apná jalál aur izzat us men láte hain. Aur us ke darwáze kabhí band na honge. Aur we qaumon ke jalál aur izzat ko us men lāwenge, aur koí chíz jo nápak, yá nafratí, aur jhúth hai, us men kisi tarah dar na áwegí, magar sirf we hí jo Barra kí kitáb i hayát men likhe húe hain.—*Muk.* 19: 21-27.

Ab is kull bayán se ayán hai, ki ásmán men K̄hudáwand kí huzúrí ke, záhiri ásar honge, hán, yahán to ham us ko Kalám, aur kácnát ke wasíle se dekhte hain, par ásmán men ham us ko rú-ba-rú dekhenge. Ab gaur kíjiye, ki aise hál men yih mubáarak jagah kaisí pur-jalál hogí! Aur jab ki is ká aisá hál hai, to kaun is ká púrá bayán kar saktá hai? Lekin hán, ajib jagah hai, aur jo is ko mirás men lenge, wuh kaise mubáarak honge!

Lekin kyá is mubáarak jagah men ham ek dúsre ko pahchánenge? Is kí nisbat ham yih kahte hain, ki Hán, ham ek dúsre ko pahchánenge: kyúñki is pahchán se hamárá k̄hushí aur bhí ziyá-da afzúd hogí, hán, is jagah men muqaddas har tarah kí iztirábí aur beqarári se barí hokar apní maşúm muhabbat men k̄hush o k̄hurram rahenge: balki wuh us jagah men is aur aise suwálon ke bagair, ki Kyá hamáre bachche aur hamáre yagá-ne aur rishtedár, aur wuh jin se ham apní k̄hushí ko barháte, aur k̄hush-ikhlátí karte the, aur jin ko maut ne ham se judá kiyá hai, yahán hain, k̄hushí karenge! Par kyá un kí yih k̄hushí tanháí kí hogí? Is kí nisbat ham yih kahte hain, ki Un kí

náqis samajh se báhar hai ; kyúnki jo jagah kabhí dekhí nahín gai, us kí haqíqat ká púra bayán kyúnkar ho saktá hai ! Par tau bhí us jagah aur us kí k̄húbí ká bayán hamári samajh mené áne kí k̄hátir kalám mené tamsílan yún húa hai, ki Us ne áb i hayát kí ek sáf naddí mujhe dikháí, jo billaur kí tarah shaffáf, aur K̄hudá aur Barra ke taḡht se nikaltí thí, aur us kí sarak ke bích, aur us naddí ke wár-pár zindagí ká daraḡht thá, jo bárah phal látá, har ek mahíne mené ek phal : aur us daraḡht ke patte, qaumon kí shifá ke wáste the.—*Muk.* 22 : 1, 2. Aur us shahr kí díwár kí newen har tarah ke jawáhir se árásta thín. Pahlí neo, yasham kí thí : aur dúsri, nílám kí ; aur tísri, shab-chiráḡ kí ; aur chauthí, zamurrud kí ; aur pánc̄hwín, aqíq kí ; aur chhaṡhí, lal kí ; aur sátwín, sunahre patthar kí ; aur áṡhwín, fíroza kí ; aur nawín, zabarjad kí ; aur daswín, yamaní kí ; aur gyárahwín, sang-sumbulí kí ; aur bárahwín, yáqút kí. Aur us ke bárah darwáza bárah motí the, har ek darwáza ek ek motí ká, aur us shahr kí sarak k̄hális sone kí, shaffáf shíshe kí mánind thí. Par mainé ne us mené koí haikal na dekhí, is liye kí K̄hudáwand K̄hudá Qádir i Mutlaq aur Barra us kí haikal hain. Aur wuh shahr súraj aur chánd ká muhtáj nahín, ki we us ko roshan karen ; kyúnki K̄hudáwand ke jalál ne use roshan kar rakhá hai ; aur Barra us kí roshní hai. Aur sab qaumené jinhon ne naját pái, us kí roshní mené phireugí : aur zamín ke bádsháh

Dústre. Ki muqaddason ke gunáh ká zikr Masíh ke be-bahá kafáre kí buzurgí ká izhár hai.

Tísre. Is se K̄hudá ke behadd fazl kí, jis ke wasíle se ki unhoṅ ne yih muáfí páí, aur is martabe ko pahunché, bharpúrí maḷúm hotí hai.

Chauthé. Agar in ke gunáhoṅ ká zikr na kiyá jáe, to sharíroṅ ke baḷ gunáhoṅ ká bhí zikr nahín ho saktá hai, kyúnki baḷ gunáh aise niklenge, jin men ki muqaddas bhí un ke sharík the.

Páñchweṅ. Jab ki Kalám men baḷ díndároṅ ke qabíh aur kabíra gunáh darj haiṅ, aur us ke wasíle se wuh kull jahán men mashhúr haiṅ, aur is liye ki wuh muáf kiye gae haiṅ, balki Masíh ke kafáre se dhámp diye gae haiṅ, pas aise hál men, un ká zikr sharm ká bhí báis nahín hai, is liye agar díndároṅ ke gunáh ká zikr adálat men bhí kiyá jáe, to is men koí qabáhat nazar nahín áti, balki us se hamáre K̄hudáwand ká jalál aur us kí buzurgí záhir hogí, aur ímándároṅ ko ek kamál k̄hushí hogí.

Lekin chúnki gaur karne se donoṅ ráeṅ ko kuchh na kuchh Kalám kí pushtí ká zor miltá hai, is liye ham yahán k̄hámosh ho, har ímándár ke faisale par is bahs ko ehhoṛ dete haiṅ. Par hán, jab muqaddas kull dawoṅ se barí kar diye jáenge, tab wuh hamesha kí zindagí ke wáris hongé. Aur yih to záhir hai, ki wuh jagah jahán ki muqaddas búd o báš karenge, so ásmán hai. Lekin wuh kaisí jagah hai? Is kí haqíqat ká púrá bayán karná hamáří

Lekin yih zikr kuchh is bunyád par na hogá, ki goyá wuh un ke bach jáne kí bunyád hai, kyúnki un ká bachná aur un ká naját páná, to sirf ímán aur fazl aur Masíh kí maút aur kafára aur us ke sawáb kí bunyád par húá hai, par chúnki nek aamál haqíqí ímán ke hásil aur us ke phal hain, is liye wuh sirf un ke is haqq ko ki we bihisht ke páne ke láiq hain, sábit karne ke liye karegá. Par suwál yih hai, ki Kyá muqaddason ke gunáh ká bhí zikr hogá? Is kí nisbat ham yih kahte hain, ki

Awal to kalám men jahán kahín aḍálat ká bayán húá hai, muqaddason ke gunáh ke zikr ká kahín bayán hí nahín húá hai, balki un ke gunáh ká zikr majázan yún húá hai, ki Wuh samundar ke muntahá men ḍál diye jáenge, aur un ká zikr phir kadhí kiyá na jáegá.

Dúsré. Yih Qází i Mutlaq kí shán se, ki wuh un ke gunáhon ká zikr ek aisí baḗ jamáat ke sámhne kare, baḗd hai.

Tísre. Ki wuh to un ke gunáhon ká ḡhud hí kafára húá hai.

Lekin go yih sárí báten qábil i taslím hain, tau bhí Kalám men yún áyá hai:—ki ḡhudá har ek fiḷ ko har ek poshída chíz ke sáth, ḡhwáh bhalí ho, ḡhwáh burí ho, aḍálat men tahqíq karegá.—

Wáiz 12 : 14. Is ke siwá.

Awal. Aḍálat bhí yih taqáza kartí hai, ki har ek fiḷ insáfan záhir kiyá jáe.

udúlí kí hai? is liye ki wuh to usí waqt jab ki unhoṅ ne Masíh ko qabúl karke pahin liyá thá, aur us par ímán láe the, us ke dawe se barí kar diye gae the, jaisá ki áyá hai, ki Un sab par, jo Masíh Yisú meṅ haiṅ, aur jism ke taur par nahín, balki Rúh ke taur par chalte haiṅ, sazá ká hukm nahín; kyúṅki us Rúh i Zindagí kí shariát ne, jo Masíh Yisú meṅ hai, unheṅ gunáh aur maut kí shariát se chhuṙá diyá hai.—*Rúm.* 8: 1, 2. Aur chhúṭne ká kḥáss sabab yihí hai, ki we ab shariát se, yá shariát meṅ apní sadáqat nahín ḡhúṅḡhte, par ab un kí sadáqat aur un kí rástbází Masíh hai. Is liye un meṅ sirf yihí talásh kiyá jáegá, ki áyá wuh, wuh ímán rakhte the, jo naját-baḡhsh aur muassir hai, aur jis ko Kḥudá ne naját ká ek kḥáss wasíla thahráyá hai. Aur is liye ki is adálat ká faisala sab kí nigáh meṅ beḡhatá aur bilkull munsifána thahre, aur ki muqaddas haqíqat meṅ insáfan aur haqqan bihisht ke haqqdár aur hissadár haiṅ, un ke aamál ká bhí zikr us munsif i Buzurg se yúṅ kiyá jáegá:—ki Ai mere Báp ke mubáarak logo, us bádsháhat ko, jo dunyá kí paidáish se tumháre liye taiyár kí gaí hai, mirás meṅ lo, kyúṅki main bhúkhá thá, tum ne mujhe khiláyá, main piyásá thá, tum ne mujhe pání piláyá; main par-desí thá, tum ne merí kḥátirdárá kí; nangá thá, tum ne mujhe kapṙá pahináyá, bímár thá, tum ne merí kḥabar lí, qaid meṅ thá, tum mere pás áe.—*Matí* 25: 34—36.

kiye jáenge. Aur hamará K̄hudáwand Yisú Masíh bare jáh o jalál aur barí qudrat ke sáth zá-hir hogá, aur apná takht bádalon ke bíeh men qáim karegá, aur us ke k̄hidmatguzár us ke firish-te honge. Inhín ko wuh apne kull muqaddason aur barguzídon ko jo kull zamín ke atráf men rahte the, yá jahán ki un ke jism madfún the, ikaṭ-ṭhá aur jama karne ke liye bhejegá. Hán, ab to dindár aur bedín mile jule páe játe hain, aur ek hí sáth zindagí basar karte hain, balki Lút kí tarah sharíron ke sáth rishta aur náta bhí rakhte hain, lekin us waqt we gehún aur bhúse, yá bher aur bakrí kí tarah hamesha ke liye judá kiye jáenge. Aur is kí nisbat áyá bhí hai, ki Sab qaumen us ke áge házir kí jáengí, aur jis tarah garariyá bheron ko bakríon se judá kartá hai, wuh ek ko dúsre se judá karegá. Aur bheron ko dahine, aur bakríon ko báen khará karegá.—*Matí* 25 : 32, 33. Us waqt kitáben bhí kholí jáengí, aur ek dúsri kitáb, jo *Zindagí* kí kahlátí hai, wuh bhí kholí jáegí; aur murdon kí ádalat, jis tarah se un kitábon men likhá hai, kí jáegí.—*Muk.* 20 : 22. Ab is zindagí kí kitáb ke bamújib jis se yá to Injíl, yá K̄hudá ke azalí iráde murád hain, aur jis se ki we naját ke liye muqaddar kiye gae the, muqaddason kí ádalat kí jáegí.

Lekin is barí ádalat men muqaddason se yih na púehhá yá suwál kiyá jáegá, ki áyá unhon ne sha-riát ko púra kiyá hai, yá ki unhon ne us kí hukm-

Yahowáh ke liye ek nayá gít gáo. Lekin táki tumhári khushí aur bhí ziyáda ho, aur ki tumhen Yahowáh ke liye ek nayá gít gáne ká aur bhí ziyáda mauqa mile, main us bayán ko bhí, ki *qiyámat ke bad phir kyá hogá*; tumháre áge pesh karúngá.

Ab jáno, ki qiyámat ke bad adálat hogí; kyúnci K̄hudá ne ek din muqarrar kiyá hai, ki jis men wuh rástí se Yisú Masíh kí marifat, jise Báp ne kull iqtidár aur adálat somp dí hai, jahán kí adálat karegá; aur us din men na sirf bargashta firishton kí adálat kí jáegi; balki wuh sab, jo zamín par zinda rahe the, Masíh kí masnad ke áge házir honge: táki apne k̄hiyalon, aur báton, aur kámon ká hisáb den; aur jo kuchh unhon ne badan men kiyá ho, k̄hwáh nek, k̄hwáh bad, us ke mutábíq páen. K̄hudá ne yih din is liye muqarrar kiyá hai, ki barguzidon kí abadí naját se apní mihrbání ká jalál aur mardúdon par, jo sharír aur náfarmán hain, fatwá dene se, apne insáf ká jalál záhir kare; kyúnci us waqt sádiq log hayát i abadí men dákhil hokar wuh kámil khushí o tázagí páwenge, jo K̄hudá ke huzúr se sádir hogí. Lekin sharír log, jo K̄hudá ko nahín pahchánte, aur hamáre K̄hudáwand Yisú Masíh kí mubáarak Injíl ko nahín mánte, abadí azáb men dále jáenge, aur K̄hudá ke huzúr aur us kí qudrat ke jalál se abadí halákat kí sazá páwenge. Aur yún is barí adálat men, sab chhoṭe aur bare apná ákhirí fatwá páne ke liye házir

aur zindon kī nisbat wuh farmatā hai, ki wuh badal jāenge. Pas ab jab ki muqaddas pahle hī se uṭh baiṭhen, to phir zindon meṅ yih tabdilī kyūṅkar hogī? Aur agar ho, to ham yih kahte haiṅ, ki Pichhlī aur āmm qiyāmat meṅ dīndār honge hī nahīṅ! Par rasūl to farmatā hai, ki Dekho main tumhen ek bhed kī bāt batātā hūṅ, ki ham sab sowenge nahīṅ, par ham sab badal jāenge.—1 *Qur.* 15 : 51. Ab is se zāhir hai, ki Masīh kī āmad par zinda dīndāron meṅ ek tabdilī wāqā hogī, jis tabdilī se we āsmān aur Kḥudā kī huzūrī ke laīq ban jāenge. Aur yih tabdilī ek ān kī ān meṅ hogī.—1 *Qur.* 15 : 52. Lekin hāṅ, is tabdilī ke peshtar muqaddason kā uṭhnā zarūr hai. Aur jab yih uṭh khare honge, tab ek ajīb hī manzar dikhāī degā, hāṅ fānī baqā ko, aur yih marnewālā hamesha kī zindagī ko pahin legā, aur zamīn aur samundar apne apne murdon ko uchhāl phenkenge, aur tab rūhen jismon meṅ dākḥil hongī, aur tab is ke bad ham meṅ se jo jīte chhūṅenge, un samet badlīon par nāgāh uṭh jāenge, tāki hawā meṅ Kḥudāwand se mulāqāt karen, so ham Kḥudāwand ke sāth hamesha rahenge.—1 *Tas.* 4 : 17. Ab ai Masīhīo, jab ki Yahowāh ne hamāre fānī jismon ke liye ek aisī ajīb tabdilī muqarrar kī hai, to kyā ham par wājib nahīṅ hai, ki ham is ajīb barakat ke liye us kā ek nayā gīt gāwen, aur us ke pāk nām ko sarāhen? Hāṅ, imāndāro, yih tumhārā haqq hai, aur yih tum ko zebā hai, ki tum

mán hai, ki ámm qiyámat ke pahle muqaddason yá shahídon kí ek k̄háss qiyámat hogí, aur is kí biná sháyad wuh Mukáshafát 20 : 4, 5 kí pushtí par qáim karte hain, jahán yih marqúm hai, ki Phir main ne takht dekhe, aur un ko jo us par baithe the, aur adálat unhen dí gaí, aur un kí rúhon ko bhí dekhá, jinhon ne Yisú kí gawáhí aur K̄hudá ke kalám ke wáste apná sir diyá, aur jinhon ne na us haiwán, na us kí múrat ko pújá, aur na us ká nishán apne máthon aur apne háthon par qabúl kiyá thá; we zinda húe, aur Masíh ke sáth hazár baras tak bádsháhí karte rahe. Aur báqí murde, jab tak hazár baras púre na húe, na jíe. Yih pahlí qiyámat hai. Ab in áyaton se aksaron ne yih k̄hiyál kiyá hai, ki hamará Shafí jism men phir záhir hokar hazár baras tak apne muqaddason ke sáth saltanat karegá. Par yih sára bayán aise bárik k̄hiyálon se pur hai, ki jis par un kí yih bunyád baq̄húbí qáim nahín ho saktí hai. Mumkin hai, ki is ká matlab jismání ke iwaz rúhání ho, aur haqíqat ke iwaz men majázi, kyúnki Kalám men aksar aisí istiláhen hain, jo záhir men to haqíqí ma'lúm hotí hain, par asl men wuh majázi aur tamsílí hain. Lekin ham in aur aise k̄hiyálon ká kahán tak píchhá karen, Kalám kí to yihí ámm talím hai, ki Masíh ke do-bára áne par ek hí ámm qiyámat hogí. Aláwa is ke Púlús rasúl ne bhí yih sáf farmá diyá hai, ki Masíh ke do-bára áne ke waqt do tarah ke log páe jáenge, yane, ek zinda, aur dúsre murda,

nám tak na hogá. Aur jab yih nahín, tab muqaddason kī qúwat bhí lábayán hogí, aur un ke jism ek aisí táqat ko jis ká bayán karná bhí dushwár hai, hásil karnewále hongé, kyúnki wahán wuh áb i hayát se píwenge, aur us zindagí ke daraḡht se phal kháwenge, jis men kabhí maut kī bú hí nahín lagí hai.

4. Rúhání hogá. Yane, maqaddason ke jismon men ek aisí ajíb tabdílí wáqa hogí, jo is fání jism kī ádaton aur hálát se bilkull aláhida hogí, aur is kī nisbat kalám men yún áyá hai, ki Ai bháío, main ab yih kahtá hún, ki Jism aur ḡhún Ḳhudá kī bádsháhat ke wáris nahín ho sakte, aur na fání baqá ká wáris ho saktá hai.—1 *Qur.* 15 : 50. Pas jab ki yih Ḳhudá kī bádsháhat men dáḡhil hone ke qábil aur láiq nahín hain, to in jismání jismon ká rúháníyat men Ḳhudá kī bádsháhat men dáḡhil hone ke liye badal jáná zarúr hai. Is liye natíja yih hai, ki hamáre jismon kī ek aisí tabdílí hogí, jis se we Ḳhudá kī huzúrí aur us kī suhbat ke láiq aur qábil ho jáenge, jis se tá-abad we us kī huzúrí men ḡhush rahenge. Ab ai Masíhío, jab ki Ḳhudáwand ne hamáre liye yih aur aisá ajíb kám kiyá hai, to kyá hamen us ká ek nayá gít gáná zarúr nahín hai? Aur agar hai, to kyá tum ne gáyá hai? Hán, gáo Masíhío, kyúnki yih tumhárá haqq hai. Aur yih muqaddason ko zebá hai.

Lekin is sab par bhí baz ká yih ḡhiyál aur gu-

us se insán ke jism aur us ke chihre kí chamak aur damak murád lí játí hai. Is liye ham is kí jalálwálí hálat ko us tabdílí se tashbíh de sakte haiñ, jo hamáre Shafí ke jism kí Koh i Tabúr par húi thí; yañe, kí us ká chihra áftáb sá chamká, aur us kí poshák núr ke mánind sufed ho gai.—*Matí 17: 2.* Yá aisá hogá, jaisá kí Mukáshafát 1: 14—16 meñ hai, yañe, un ke sir o bál sufed ún kí mánind balki barf kí mánind sufed honge, aur un kí ánkheñ aisí hongí, jaise ág ká shuāla, aur un ke páñw khalís pítal ke se honge, jo tanúr meñ dah-káyá gayá ho, aur un kí áwáz bañe pání kí sí hogí, aur un ke dahine háth meñ sát sitáre honge, aur un ke muñh meñ se do-dhári tez talwár nikaltí hogí, aur un ká chihra áftáb ká sá hogá, jo bañí tezí se chamke. Garaz kí hamará khalíki jism badlá jáegá, aur Masíh ke jaláli jism kí mánind banegá.—*Fil. 3: 21.* Pas natíja is tabdílí ká yih hogá, kí muqaddason ke jism az hadd jaláli honge, aur kull káenát par sharf aur buzurgí rakhnewále honge.

3. Zoráwar aur tawáná hogá. Tum jánte ho, kí is sar i dast kí zindagí meñ muqaddason ke jism anwá aur aqsám bímárióñ aur saikañon tarah ke marazon meñ mubtilá rahte haiñ, aur un kí táqat jald záil ho játí hai. Unheñ khrák, aur poshák, aur áram kí bhí zarúrat hotí hai, aur in se un ke jism sambhle rahte haiñ. Lekin hálat i áyanda meñ unheñ in kí zarúrat na hogí, is liye kí ánewálí hálat meñ takán, aur sustí, aur mándagí ká kahíñ

bhí mirás húi. Aur jab ki dúsrá Adam murdon meṅ se zinda húa, balki qiyámat ká pahlá phal kahláyá, to yih zindagí yá murdon meṅ se jí uṭhná bhí us kí nasl kí mirás ṭhahrá, aur is kí nisbat áyá bhí hai, ki us ne ham ko us ke sáth uṭháyá, aur Masíh Yisú ke sabab ásmání makánon par us ke sáth biṭháyá.—*Afs.* 2 : 6. To ab jab ki Masíh murdon meṅ se jí uṭhá hai, aur un meṅ se, jo so gae hain, pahlá phal húa hai, (1 Qur. 15 : 20,) pas to yih ṭhík aisá hí hai, jaisá ki qaum i Yahúd ánewálí fasil ká pahlá phal Kḥudáwand ko guzrán-te the, aur báqí fasil us ke píchhe hotí thí. Lekin suwál yih hai, ki muqaddason ke jism meṅ kaun sí tabdílí wáqā hogí? Is suwál kí nisbat Kalám meṅ yih jawáb hai, ki wuh Faná meṅ boyá játá, aur baqá meṅ uṭhtá hai : behurmatí meṅ boyá játá hai, aur jalál meṅ uṭhtá hai, kamzori meṅ boyá játá hai, qudrat meṅ uṭhtá hai : haiwá-ní jism boyá játá hai, aur rúhání jism uṭhtá hai.—1 Qur. 15 : 42—44. Aur is haqíqat ká matlab yih hai : ki wuh jism, jis meṅ ki muqaddas uṭhenge :

1. Ğair-fání hogá, aur wuh phir maut aur gam aur áh aur nála aur dukh ká hámil na hogá, kyún-ki aglí chízen guzar gáin, (Muk. 21 : 4,) hán, wuh rúh kí tarah gair-fání hogá, balki fání baqá ko pahin legá.

2. Jalálí hogá. Lekin kaisá jalálí hogá? Is ká bayán zará mushkil hai, par hán, jab lafz jalál jism kí nisbat istiāmál kiyá játá hai, to

ke muwáfiq kiye jáenge, jaisá ki áyá hai, ki Wuh apní qudrat kí tásír ke mutábiq jis se wuh sab ko apne tábi kar saktá hai, hamáre k̄hákí badan ko badalkar apne jalálí jism ke mánind banáegá.—*Fil.* 3 : 21. Pas záhír hai, ki qiyámat, aur ádálát, aur fatwá, yih sab Masíh ke háth meñ haiñ. Lekin ehúnki yahán hamará matlab muqaddason kí qiyámat se hai, is liye ham is ko kuehl thorrá aur bayán karke k̄hatm karenge :

Pas wázilí rahe, ki muqaddason kí qiyámat aur Masíh ke qiyám yá us ke jí uñhne meñ ek andarúní muwáfiqat yá mel hai, is liye, ki agar yih mel na ho, to nire jism aur rúh ke mil jáne meñ Masíh kí miyánjígari kí koí fazílat mañlúm nahín hotí, is wajh se, ki sharíron ká hál bhí to aisá hí hogá : hán, wuh bhí to ruswái aur zillat ke liye uñhée jáenge. Is liye jo fáida, ki Masíh kí miyánjígari ne ímándáron ke liye kamáyá hai, so un ká k̄hushí kí qiyámat meñ uñhná hai, is liye ki wuh apne liye nahín, par un ke liye múá hai, aur jab un ke liye múá hai, to us ne un ke liye maut ke ðank ko bhí tor diyá hai : aur jab ki wuh un ká zámín aur íwazí hokar zinda húá hai, tab us ne un ke liye yih bhí hásil kiyá hai, ki wuh us be-táðád zindagí meñ jo us kí zamánat ká hásil hai, uñhen, aur us ke hissadár hon ; kyúnki jab ádmí ke sabab maut hai, to ádmí hí ke sabab se murdoñ kí qiyámat bhí hai.—1 *Qur.* 15 : 21. Hán, maut pahle Ádmí ke sabab áí : aur us ke gunáh ke báis us kí nasl kí

yahán yih aur itná kahte haiñ, ki agar qiyámat ká lafz murdoñ ke jí uṭhne kí nisbat sahíh hai, to hamará jawáb isí lafz meñ is bát kí nisbat ki murdagán usí jism meñ uṭhenge, páyá játá hai. Aur agar is ke báre meñ Kalám ká kuchh aur matlab hotá, to Rúh-ul-Quds us ke liye koí aur lafz waza kartá. Pas záhir hai, ki murde isí jism meñ uṭhenge. Is ke siwá yih to záhir hai, ki murdoñ ká zinda karná Kḥudá kí qudrat ká kám hai, aur yih kám bilá kisí híl o hujjat ke hamáre Shafí Kḥudáwand Yisú Masíh ko sompá gayá hai, kyúnki wuh Taslís-fil-wáhid ká ek uqnúm hai, aur uqnúm aur darmiyání hokar wuh kull aḳhláqí hukúmat ká Málík aur Kḥudáwand hai, aur yih bát Kalám ke is hawále se záhir hai, ki Is se taajjub mat karo, kyúnki waqt átá hai, jis meñ wuh sab jo qabroñ meñ haiñ, us kí áwáz sunenge: aur niklengi, jinhoñ ne nekí kí hai, zindagí kí qiyámat ke wáste, aur jinhoñ ne badí kí hai, sazá kí qiyámat ke liye.—*Yúh.* 5: 28. Is ke siwá yih bhí wázih hai, ki baḍ az qiyámat, aḍálat hai, aur baḍ az aḍálat fatwá hai: aur is kí nisbat yún áyá hai, ki Kḥudáwand áp dhúm se muqarrib firishta kí áwáz ke sáthi Kḥudá ká narsingá phúnkte húe ásmán par se utregá, aur jo Masíh meñ hoke múe haiñ, we pahle uṭhenge.—1 *Tas.* 4: 16. Lekin nárástoñ ke badan, Masíh kí qudrat se ruswái ke liye uṭhenge, par sádiqoñ ke badan us kí Rúh se izzat ke liye uṭháe jáenge, aur us hí ke jalálí badan

is men sirf dindaron hi ke jism uṭhenge, yá kull ke uṭhenge? Is suwál kí nisbat ham yih kahte hain, ki Ab ke zamáne men kull ká kḥiyál ámm qiyámat kí nisbat hai. Hán, ek waqt Socinus aur us ke pairaon ká ámm aur kḥáss ká gumán thá, aur ab bhí kabhí kabhí aise kḥiyálwále dahi-ne báen mil hí játe hain. Lekin kalám to sirf ek ámm qiyámat kí talím detá hai; jaisá ki Aṃmál 24: 15 se záhir hai, ki Kḥudá se yih ummed rakh-tá hún, jis ke wuh bhí muntazir hain, ki murdon kí qiyámat hogí, kyá ráston kyá náráston kí. Aur hamáre Shafí ká bhí yih farmúda hai, ki Is se taajjub na karo, kyúnki wuh waqt átá hai, jis men wuh sab, jo qabron men hain, us kí áwáz sunenge aur niklengi, jinhon ne nekí kí hai, zindagí kí qiyámat ke wáste, aur jinhon ne badí kí hai, sazá kí qiyámat ke wáste.—Yúh. 5: 28, 29. Pas záhir hai, ki ek hí ámm qiyámat hogí. Is liye munásib hai, ki ham aison se jo ámm aur kḥáss qiyámat kí talím dete hain, bahut hí hoshyár rahen. Aur Kḥudá ke Kalám ko har ek bát ke faisale ke liye qánún i beḥtatá samjhen, aur usí kí hidáyat par amal karen.

Lekin phir bhí ek suwál hai, jo qábil i gaur hai, aur wuh yih hai, ki Kyá qiyámat men murdagán usí jism men, jis men ki wuh madfún hote, yá aur kisí taur se kḥák se já milte hain, uṭhenge? Aur agar yih nahín, to kyá wuh kisí dúsre jism men uṭhenge? Is suwál ke jawáb kí nisbat ham sirf

dekhte haiñ, ki qiyámat kí tálím se kull Purána Ahd-náma bhará pará hai, balki İbr. 11: 35 se záhír hai, ki wuh kull Yahúdí, jo dín kí qhátir har zamáne meñ shahíd húe, isí ek qháss ummed par ki bihtar qiyámat tak pahunchen, shahíd húe, balki un kitábon meñ bhí, jo Tálím kí kahlátí haiñ, aur jo ilhámí nahín haiñ, is ká bayán hai. Masalan 2 Mak. 7: 9 meñ jahán ek dándár má aur us ke sát bahádúr bachchon kí shahádat ká zikr hai, un meñ se ek ne Antioqus Epiphánes bádsháh ko apní shahádat ke bích meñ yún jawáb dekar kahá, ki Tú ek junúní kí mánind hamen is dár i fání se káñ dáltá hai, par Qhudáwandon ká Qhudáwand ham ko phir uþhá khará karegá, jo apní shariát kí qhátir hamesha kí zindagí ke liye mar gayá hai. Pas, bayán i bálá ká natíja yih hai, ki jab kí Qhudá murdon ke jiláne par qádir hai, to insán kaun aur kyá hai, jo us kí qudrat meñ shakk kare, aur kahe, ki yih kyúnkar yá kaise ho saktá hai. Is liye ham yih kahte haiñ, ki Wuh jis ne awwal meñ apní qudrat i kámila se sab kuchh ko nest se hast kiyá, so ab bhí wuhí kám kar saktá hai. Pas hamará kám yih hai, ki ham Yahowáh ke is ajáib kám ke liye ek nayá gít gáwen, aur rástbázon kí qiyámat meñ uþhne ke liye ek zinda ímán aur ummed rakhen.

Lekin yahán yih ek suwál lázim átá hai, ki Kyá yih qiyámat, ki jis kí tálím ham ko Kalám i Pák meñ miltí hai, ámm hogí yá qháss. Yane ki kyá

ko nigal jáegá, aur K̄hudáwand K̄hudá sabhon ke chihron se ánsú ponehh dálegá, (Yas. 25 : 8.) Hân, tere murde jí uṭhenge, merí lášh samet wuh uṭh khare honge. Tum jo k̄hák men já base ho, jágo, aur gáo, kyúñki terí os us os kí mánind hai, jo sabzazár par partí, aur zamín murdon ko ugal degí. *Yas.* 26 : 19. Aur Dániel men yún áyá hai. Aur un men se bahutere, jo zamín par k̄hák men so rahe hain, jág uṭhenge, baze hayát i abadí ke liye, aur baze ruswái aur zillat i abadí ke liye. — *Dán.* 12 : 2.

Lekin hân, agarehi qiyámat kí nisbat qaum i Yahúd ke pás itní umda aur muṭabar dalílen thín, tau bhí un men ek firqa thá, jo apní kotáh aqlí ke báis Sadúq nám ek shaḥs kí talím ká pairau ho, is ká inkár kartá thá, aur kahtá thá, ki Na baqá hai, na qiyámat hai, na sazá hai, na jazá, na firish-te hain, aur na rúh, hân, kuchh bhí nahín hai. Aur yih wuh is biná par kahtá thá, ki Músá kí k̄háss kitábon men is ká kahín hawála nahín hai. Par hamáre Shafí ne us ke is bátil aur behúda k̄hiyál ko dúr o dafa kar diyá, aur ek zabardast dalíl lákar aur usí kitáb se hawála dekar sábit kar dikhláyá, ki shariát ke dene ke pahle hí K̄hudá is ko apne bande Músá par jhári kí royat men sábit kar ehuká hai; jaisá ki záhir hai, ki Main Abira-hám ká K̄hudá, aur Izhák ká K̄hudá, aur Yaqúb ká K̄hudá hún? K̄hudá murdon ká nahín, balki zindon ká K̄hudá hai. — *Matí* 22 : 32. Lekin ham is kí nisbat kahán tak hawále pesh karen, ham to

kuehh kí bāmīl ho ! Hān, albatta K̄hāliq ká apnī k̄hilqat meṇ se apnī aḍálat ke mutābiq kisí zát yá jins ko bilkull nest kar ḍálná, aur us ke nám o ni-shán ko zamín par se qataḥ kar ḍálná mumkin hai, par yih hamári samajh se báhar hai, balki ek ná-mumkin sí maḷúm hotí hai, ki wuh us k̄hilqat ko, jo ibtidá meṇ usí kí sūrat aur zill par banáí gaí thí, badal ḍále, yá us ko ek ṁmda jagah meṇ naql i makán karne ke liye us ke ek juz ko le le, aur dúsr-e ko behis o harakat hamesha kí zillat, balki zamín kí khád ke liye ehhoḥ de ! Aur jab kí yih inti-zám i iláhi ke k̄hiláf hai, to záhír o sábit hai, ki sazá o jazá ke liye jism aur rúh donoṇ ká ek sáth honá ek zarúri amr hai. Aur jab ki ek lázimí amr hai, to Kalám ke yih hawále bhí goyá is masala i haqíqí par dál haiṇ, balki subút i kámil o lásání haiṇ. Yāne, Ai kásh ki merí báteṇ ab likhí játín ! kásh, ki wuh ek daftar meṇ elhápí játín ! ki wuh lohe ke qalam aur síse se patthar par naqsh kí játín ! jo abad tak báqí rahtín ! kyúnki mujh ko yaqín hai, ki merá Naját-denewálá zinda hai, aur wuh roz, i ákhir zamín par khará hogá ; aur harehand mere post ke baḍ merá jism kirm-k̄hurda hogá, lekin main apne gosht meṇ se K̄hudáwand ko dekhúngá ; use main apne liye dekhúngá, aur merí hí ánkheṇ dekhengí, na ki koí dúsrá dekhegá, mere gurde mere andar meṇ us ke ishtiyáq se gal játe haiṇ.— *Aiyúb* 19 : 23-27. Aur Yasáiyáh is kí haqíqat ko yún bayán kartá hai, ki Wuh zafarmandí se maut

inkár karte haiñ. Aur kyún wuh aisá karte haiñ ? Is liye ki wuh is ko apní aql ke zor par hall kiyá cháhte haiñ, aur yún dhokhá khákar us ká inkár kar baiṭhte haiñ. Háñ, dekhiye, ki mulk i Yúnán agarchi ek zamána meñ ilm meñ bahut hí baṛhá húá thá, par is ilm par bhí, jab Púlús rusúl ne is ká zikr kiyá, tab yih haqíqat un kí samajh meñ mutlaq na áí. Is liye ham mukarrar yih kahte haiñ, ki Yih ek sachái hai, jo Kalám i Kḥudá par mabní hai. Pas jab ki yih ek ilhámí haqíqat hai, to yih bagair Kalám, aur bagair Fazl daryáft bhí nahín ho saktí hai. Is liye agar koí cháhe, ki is meñ se kuchh jáne, to us ko lázim aur bahut munásib hai, ki duá ke sáth kalám kí tiláwat kare, aur Rúh-ul-Quds ke wasíle us ko samajhne kí koshish kare, aur tab wuh us ko ek bemisl haqíqat pákar Yahowáh ke liye ek nayá gít gáwegá.

Ab dekhiye, ilhám ham par is bát ko sábit kartá hai, ki Kḥudá jo hai, so niháyat hí pák o dáná o gunáh se mubarrá hai, aur yih ek aisí haqíqat hai, ki jis ko aql i salím bhí taslím kar letí hai. Aur jab ham is se koí natíja nikálte haiñ, to us ká lubb i lubáb yih nikaltá hai, ki Jab ki insán nekí yá badí apní púrí insániyat meñ kartá hai, to yih bhí lázim átá hai, ki wuh is kí jazá aur sazá bhí apní púrí insániyat meñ uṭháwe : kyúnki yih nahín ho saktá, aur na aḍálat is ko taslím kar saktí hai, ki jism jo ki rúh kí har ek kárguzárí meñ sharík hai, sazá o jazá se barí kiyá jáe, aur sirf rúh hí sab

árám karte rahte haiñ. Lekin háñ, wuhí murde, jo K̄hudáwand meñ marte haiñ, ab se mubáarak haiñ. Rúh kahtí hai, ki Háñ, wuh apní mihnaton se árám páte haiñ, aur un ke aamál un ke píehhe píehhe ehale áte haiñ.—*Muk.* 14: 13. Par sharír ádmí kí áqibat nek na hogí.—*Amsál* 14: 20.

Pas jab ki ímándáron ke jismon ke liye qabr ek árám karne kí jagah qarár dí gaí hai, to is se yih sábit hotá hai, ki rúh aur jism phir ek já honge, aur ek já hokar, aur ek sáth milkar hamesha kí k̄hushí aur shádmání hásil karenge : kyúnki agar aisá na hotá, to K̄hudá ke Kalám meñ Dániel kí nisbat yih na hotá, ki Tú apní ráh ehalá já, jab tak ki waqt i ákhir áwe, ki tú chain karegá, aur apne hissa par qáim rahegá, yahán tak ki dinon ká waqt ákhir áwe.—*Dán.* 12: 13. Pas záhír hai, ki ímándáron kí maut nínd sí hai, aur is kí tamámí par ek mubáarak hissa ke páne ká waða hai. Jis waðe meñ ús kí is zindagí kí ummedeñ chhipí húi haiñ. Lekin ham yahán itne hí par kifáyat karenge, aur qiyámat kí nisbat gaur karenge :—

Ai dosto,—Yih bát tum se poshída na rahe, ki qiyámat yá jism ke jí uñhne kí haqíqat sirf Pák Kalám kí saeháí hai. Aur yih ek aisí gahrí aur láhall saeháí hai, ki jis ke maļúm kar lene meñ insán kí aql árí o ájiz hai. Isí sabab se aksar log har zamáne meñ apní kotáh aqlí aur násamajhí ke báis se is mubáarak masale ke munkir bhí hote ehale áe haiñ, aur is zamáne meñ bhí hazárhá haiñ, jo is ká

Masíh aur ímándár ke rúhí rishte aur iláqe ká ján lená kuehlí mushkil nahín hai, balki mumkin hai, kyúnki donoñ zinda aur salámat haiñ, lekin is bāt ká ján lená bahut hí mushkil hai, ki kyúnkar ek máddí shai ká rishta jo apne unsaron meñ sar gal-kar mil gai ho, ek aise ke sáth jo zinda ho, aur ásmánon par takht-nishín ho, qáim aur sábit rah saktá hai. Par tau bhí yih haqíqat in hawálon se ki wuh K̄hudáwand meñ marte, yá Masíh meñ so játe haiñ, záhir hai. Aur phir is kalám se bhí, ki Imándáron ke jism Rúh-ul-Quds kí haikal haiñ, (1 Qur. 6 : 19) huwaidá hai. Aur jab ki wuh ek hál meñ us kí jins aur mál ho chuke haiñ, aur us ke liye maḵsús aur muqaddas bhí kiye gae haiñ, to dúsre hál meñ bhí wuh usí ke haiñ, balki us ká un par dawá bhí hai, kyúnki us ne unheñ apná ḵhún dekar apne liye ehhuráyá, aur mol liyá hai. Is ke siwá, wuh us ke rúhání jism, yañe ka-lisiyá ke jo ímándáron se baní hai, ek azú haiñ, is liye wuh ek aise hál meñ, jis meñ ki wuh sabhon se farámosh kar diye jáeñ, us kí hifázat aur us kí yád meñ rahne haiñ. - Pas natíja hamáre kalám ká yih hai, ki ímándáron ke jismon ke liye qabr jo hai so sirf árám karne kí jagah hai. Par jahán tak ki is árám meñ mihnát ká iláqa hai, wahán tak is iláqe meñ sharíron ke jism bhí shámil haiñ. Hán, donoñ ke jism us musáfir kí tarah, jo apní roz kí manzil ko tai aur tamám karke árám ke liye sará meñ so játá hai, qabr meñ apní apní mihnaton se

Lekin chúnki ham is bāt ko aur ziyáda túl dená nahín cháhte, is liye ham yahán itne hí par iktifá karke áge barhenge, aur is bāt par ki maut ke bad jism ká kyá hál hotá hai, gaur karenge.

Ai dosto,—Yih to záhir hai, ki kull insán marnewále hain, aur marnewále hokar ham sab ke sab zarúr marenge. Hán, sádiq aur sharír donoñ marenge, kyúnki qabr jo hai, so sab zindon ke liye ghar qarár dí gaí hai. Is ghar men jab jism rakhá játá hai, yá aur kisi súrat se us ká gor kafan kar diyá játá hai, tab wuh apne qadím fatwe ke muwáfiq ki tú k̄hák hai, aur k̄hák men phir mil jáegá, sar galkar kuehh arse ke bad k̄hák ho játá hai. Lekin is par bhí jab ham ímándáron ke naql i makán karne yá un kí maut kí nisbat gaur karte hain, tab un ke haqq men ham Kalám men yih páte hain, ki wuh K̄hudáwand men mar játe hain,—(Muk. 14: 13,) yá K̄hudáwand Yisú men so játe hain.—1 Tas. 4: 14. Aur is se ham yih natíja lete hain, ki ímándár apní zindagí men apne Shafí se ek rishta i zátí aur andarúní rakhtá hai, is liye go ímándár kí rúh aur us ke jism ká wuh aslí yá jauharí iláqa jis se ki wuh munaqad thá, maut ke wasíle se cháq hokar khul jáe, tau bhí us ke báis Masíh aur ímándár ká rishta aur un kí iktái munhadim nahín ho saktí hai. Par chúnki yih rishta Masíh aur ímándár men kull, yane púrí insániyat, yane rúh aur jism donoñ ke sáth hotá hai, pas yih donoñ ke sáth baná bhí rahtá hai. Aur agarchi

razá yih hai, ki un par se har ek gunáh ká dág aur har ek gunáh ká shikan, pesh-tar us se ki wuh us ke huzúr meñ lác jáeñ, dúr o dafa kiyá jáe.

2. Ki jab tak ki ímándár kí rúh bilkull pák na ho, tab tak wuh ásmáníon kí suhbat aur sangat ke láiq nahín hai.

Pas natíja hamáre kalám ká yih húa, ki rúh kí taqdís ká kám fauran aur usí waqt jab ki rúh jism í fání se judá hotí hai, kamál tamámí ko pahunch játá hai; aur rúh gunáh ke har ek dág aur dhabbá se barí aur mutlaq pák ho játí hai, aur yún firishtagán i pák us ko apne hamráh le, K̄hudá kí pák huzúrí meñ le játe haiñ. Lekin kyúnkar rúh meñ is qadr jald aur yakbayak aisí tabdílí wáqa hotí hai, ham siwá k̄hámoshí ke aur kuchh nahín kah sakte, kyúnki is muqaddame meñ dam márná hamará kám nahín hai, is liye ki sar i dast hamará ilm náqis hai, aur hamári samajh nátamám; par jab kamál áegá, tab náqis nest ho jáegá, aur tab ham aisí gahrí aur bhedwáli báton ko baḡhúbí ján sakenge. Ab jab ki rúh yún taqdís hásil kar letí hai, tab wuh nisiyán aur k̄hatá se bhí bilkull barí ho játí hai, aur us kí marzí aur k̄hwáhish meñ kisí nau kí bagáwat nahín rahtí hai: aur na us kí muhabbat meñ kisí tarah kí tabdílí yá sard mihrí hotí hai, balki us ke sáre k̄hiyál roshan hote, aur us ká dil muhabbat ká ek umandtá húa chashma ban játá hai, aur rúh aisí jaisá ki K̄hudá cháhtá hai, ho játí hai, aur tab wuh K̄hudá kí huzúrí meñ shád aur magan rahtí hai.

men jāne ke qābil ho jātī hai, jis ke subūt men Kalām men yūn āyā hai, ki Tum Saihūn ke pahār aur zinda K̄hudā ke shahr men jo āsmānī Yarūsalam hai, aur lākhon firishton ke pās; aur pahlauthon kī ḥdī jamāat aur kalīsiye men, jin ke nām āsmān par likhe hai, aur K̄hudā ke pās, jo sab kā Hākīm hai, aur kāmīl kiye hūe rāstbāzon kī rūhon ke pās, aur Yisū ke pās, jo nae Ahd kā darmiyānī hai, aur us chhīrke hūe lahū ke jo Hābil ke lahū se bihtar bāten boltā hai, pās āe ho.—*Ibr.* 12: 22, 23. Aur hamāre Aqāid kī kitāb kā yih masala hai, ki Admīon ke badan maut ke bad k̄hāk men milkar sar jāte hai, lekin un kī rūhen, (jo na martīn, na sotīn, balki gair-fānī, hastī rakhtī hai,) fauran K̄hudā ke pās, jis ne unhen diyā, phir jātī hai. Tab sādīqon kī rūhen pākīzagi men kāmīl banke aur aflāk i bālā men daḥhl pāke wahān apne badanon kī pūrī k̄halāsī kī muntazir hokar roshnī aur jalāl men K̄hudā kā dīdār pātī hai. Aur badon kī rūhen dozaḥh men ḍālī jātī hai, jahān wuh āzāb aur nihāyat andhere men baḥe dīn kī ādālat ke liye rakhī rahtī hai. Ab jab ki rūh kī tabdīlī zāhir hai, to suwāl lāzim ātā hai, ki Kyā is tabdīlī kī kuchh zarūrat hai? Is ke jawāb men ham yih kahte hai, ki Hān, is kī barī zarūrat hai, is wajh se:—

1. Ki agarchi K̄hudā is sar i dast kī hālat men, aise aur un ādmīon se jo kāmīl nahīn hai, apne Beḥe ke wasīle se ham-kalām hotā hai, tau bhī us kī

ki rúh jism se aláhida hai, aur ki wuh us zaḡhm i kári ke báis, jis se ki jism qabr ke qábil ho játá hai, halák nahín ho játí hai, balki is judái ke baḡd wuh ek dúsri hí hálat aur hastí meṅ ho játí hai, aur sharír kí rúh azáb meṅ, aur díndár kí rúh álam baqá i meṅ dáḡhil hotí, aur báqí rahtí hai, jaisá ki záhir hai.—Aur main unheṅ hamesha kí zindagí baḡhshtá hún, aur we kabhí halák na hongí: aur koí unheṅ mere háth se chhín na legá.—*Yúh.* 10: 28. Aur phir yih ki Mere Báp ke ghar meṅ bahut makán haiṅ; nahín to main tumheṅ kahtá. Main játá hún, táki tumbáre liye jagah taiyár karún.—(*Yúh.* 14: 2,) táki jahán main hún, wahán tum bhí hoo. Aur yih ki Sharír jalte tanúr meṅ dál diye jáenge, aur wahán rouá aur dánt písná hogá, lekin rástbáz apne Báp kí bádsháhat meṅ áftáb kí mánind núrání hongé.—*Matí* 13: 42, 43. Ab ai dosto, Rúh kí baqá kí nisbat yih wuh dalíleṅ haiṅ, jin ko ki aql i salím taslím kar letí, aur jo hamáre ímán kí áyanda ḡhushí aur ummed ká báis ho saktí haiṅ.

Lekin jab ham ímándáron kí rúhon kí baqá kí nisbat kahte haiṅ, tab ham sirf us se itná hí matlab nahín lete, ki wuh báhosh rahtí haiṅ, par yih ki wuh ek kamál ḡhushí aur shádmání kí hálat meṅ rahtí haiṅ. Par chúṅki wuh maut ke is pár tak nákamíl rahtí haiṅ, is liye un meṅ usí waqt, yaṅe jism se judá hote hí ek aisí tabdílí wáḡa ho játí hai, jis se wuh usí waqt apní dúsri jalálwáli hálat

hásabe par, aur us jazá yá sazá par, jis kí ki zamír ab qáil hokar intizárá khínchtí hai, munhasir hai. Lekin jab insán in k̄haufon se barí ho játá hai, tab maut us ko ek dúsre hí taur ká manzar ho játí hai. Hán, aise hál men, agar insán ko us áyanda lábayán k̄hushí kí ummed ho, tab wuh us ke páne kí garaz se maut ká bak̄hushíí tamám mutí ho játá hai. Aur agar yih ummed na ho, tau bhí chár náchár aur jabran aur qahran us ko barí adálat men jáná hí partá hai.

Aise hál men jab ki sar i dast kí zindagí kí sazá o jazá natíjon par mauqúf hai, to suwál lázim átá hai, ki Kyá rúh gair-fání hai ?

Is ke jawáb men ham yih kahte hain, ki Hán, rúh ko faná nahín hai, is wajh se ki :—

1. Wuh gair-máddí hai.
2. Is kí qúwaten máddí qúwaton se aláhida hain.
3. Is kí zamírí qúwaten nek o bad men imtiyáz karnewálí hain.
4. Is sar i dast kí zindagí men nekí o badí kí taqsím barábar nahín hai.
5. Kull ká yih aqída hai, ki rúh ko baqá hai.

Lekin go yih dalílen rúh ke gair-fání hone ke subút men káfi hain, tau bhí in ká wujúd qúwat i idrák par mabní hai, is liye in ká mumkin-ul-bahs honá mumkin hai. Pas yih mumkin-ul-bahs dalílen rúh kí baqá ke báre men hamáre ímán kí bunyád nahín ho saktí hain. Par jin asnád par, ki ham rúh kí baqá mánte hain, wuh Kalám i K̄hudá hai. Us men rúh kí nisbat yih talím hai,

ki Ham ne jo yaqín kiyá, ki Yisú múá, aur uṭhá, to yih bhí yaqín kiyá cháhiye, ki Kḥudá unhen jo Yisú men so gae hai, us ke sáth le áegá.—1 *Tas.* 4: 14. Ab agar ham in sab hawálon par gaur karen, aur in ke natíjon ko sochen, to in ká lubb i lubáb yihí nikaltá hai, ki jaisá ki thaká húá ádmí, shám ke waqt apne bistar par let játá, aur befikr ho so rahtá hai, aur jab tak ki subh na ho, áram aur naí qúwat hásil karne ke liye chup cháp pará rahtá hai, waisá hí hál kull naql i makán ímándáron ke jismon ká bhí hai. Wuh hamesha tak pare yá sote na rahenge, par we sab badal jáenge. Hán ek dam men, balki ek pal men, pichh-lá narsingá phúnkte waqt, ki narsingá to phúnká jáegá, aur murdagán uṭhkar gair-fání hongé, aur ham badal jáenge.—1 *Qur.* 15: 51, 52.

Lekin ai dosto, sar i dast ham ímándáron ke jismon kí qabrwalí hálát ke bayán se darguzar karke, pahle is bát par gaur karenge, ki ímándár kí rúh, jab jism se judá ho játí hai, tab us men kyá tabdilí wáqa hotí hai?

Is suwál ke jawáb kí nisbat ham yih kahte hai, ki Agarchi dindáron aur sharíron par ek hí hádisa guzartá hai, tau bhí un ke natíjon men farq hotá hai. Hán, ham yih kahte hai, ki Maut ká dukh sar i dast kí zindagí ká kḥátima nahin hai, aur na hawás i kḥamsa ká maḍúm ho jáná, us kí zindagí ká ákḥir hai; par sar i dast kí zindagí ká natíja us kí dúsri hálát par mauqúf hai, balki ánewále mu-

Lekin yád rahe, ki ímándár kí maut Kalám i Pák men so jáná kahí gáí hai, par is ke siwá us ká bayán aur aur tauron aur istiláhon men bhí kiyá gayá hai. Maslan, *Is dunyá se kúch karná.*—2 Tim. 4: 6. *Marnewálon kí tarah dunyá se kúch karná.* Yashua 23: 14. *Bápdádon men já shámil honá.*—Qáz. 2: 10. *Apne logon men já milná.*—Istis. 32: 50. *Is khíma sá kháki ghar ká ujar jáná.*—2 Qur. 5: 1. *Khák se milná.*—Wáiz 12: 7. *Dam ká níkal jáná.*—Aam. 5: 10. *Badan se widá honá, aur Khudáwand ke huzúr men já rahná.*—2 Qur. 5: 8. *Yisú men so jáná.*—1 Tas. 4: 14. Par yahán ham aur tauron aur istiláhon ko chhoṛkar, aur un ke bayán se munh moṛkar, sirf ímándár ke so jáne kí istiláh ká bayán, jaisá ki Kalám men áyá hai, pesh karke áge baṛhenge. Yáne, un men se bahutere, jo zamín par, khák men so rahe hain, jág uṭhenge, baṛ hayát i abadí ke liye, aur baṛ ruswái aur zillat i abadí ke liye.—Dán. 12: 2. Aur 1 Qur. 15: 6 men yún hai, ki Baḍ us ke páneh sau bháion se ziyáda the, jinhen wuh ek bár dikháí diyá, akṣar un men se ab tak maujúd hain, par kaí ek so gae. Aur Lúqá apne Aamál kí kitáb ke 7 báb kí 60 áyat men auwal shahíd Stafanus kí maut kí nisbat yún farmáte hain, ki Wuh ghuṭná tekkar zor se pukára, ki Ai Khudáwand yih gunáh un ke hisáb men mat rakh. Aur yih kahke so gayá. Aur un sab kí nisbat jo ímán men naql i makán kar gae hain, Pulús rasúl yún farmáte hain,

isí liye áyá bhí hai, ki Kámil ko ták, aur sídhe ko dekh rakh; ki aise ádmí ká anjám salámatí hai. Par khatákár sab ke sab halák ho jáenge; sharír ká anjám nestí hai. Sádiqon kí naját K̄hudáwand se hai; dukh ke waqt wuh un ká búta hai.—Zab. 37: 37—39. Is ke siwá aksar aisá bhí hotá hai, ki go ímándár jism meñ dukh bhí páe, par is par bhí wuh zamír aur dilí áram se mamúr rahatá hai, kyúñki wuh jántá hai, ki wuh kis par ímán láyá hai, aur us ko yaqín hai, ki jis ke háth meñ us ne apne yaqín aur ímán kí amánat sompí hai, so ákhir tak wafádár hai. Is ke siwá wuh un se bhí jo us ke pyáre aur yagáne hain, barí muhabbat aur ulfat se judá hotá hai, aur apne Báp ke ghar aur pah-lauthon kí jamáat meñ shámil hone ke liye, un se rukhsat ho ehalá játá hai; balki jab wuh un se rukhsat hotá hai, to wuh apne azízon ko us kí jis ne us kí hifázat kí, hifz meñ ehhor játá, aur apní rukhsat aur rawánagí meñ apne ímán kí kamál k̄hushí ko záhir karte, aur yún kahte húe úpar ko chahtá hai, ki Ásmán par kaun hai, jo merá hai, magar tú? aur zamín par koí nahín, jis ká main mushtáq hún, magar tú?—Zab. 73: 25. Aur jab ímándár kí rúh yún k̄hushí aur tamanná e tamám jism se widá aur judá ho, ásmán kí taraf ráhí hone ko apná rukh kartí hai, tab us kí peshwái aur rahbarí ke liye firishte áte, aur us ko ásmání makánon meñ, jahán us kí kull hálat k̄hushí meñ badal játí hai, le pabuncháte hain.

apne láiq baná letá hai. Lekin go yih misálen hamáre púre matlab ko hall nahín kar saktí hain, tau bhí qaríb qaríb hone ke sabab kisé qadr káfi hain. Lekin agarchi dándár aur sharír par ek hí hádisa guzartá hai, tis par bhí dándár aur sharír kí maut men bará farq hai : par yih farq záhir men to nahín hotá, lekin natíjon aur us ke maqsadon men hotá hai. Hán, jab dándár martá hai, tab wuh gunáh kí jang i dáimí ko tamám kartá hai, aur K̄hudáwálí súrat ke phir hásil karnewále daur ko k̄hatm kartá hai. Balki maut men us ke sáre dukh bhí tamámí ko pahunch játe hain, aur us ká wuh parda bhí jis ke báis kí wuh jalál i áyanda ko nahín dekh saktá thá, ab uñh játá hai, aur us kí wuh darmiyání díwár bhí jis ke sabab wuh apne ásmání Báp ko nahín dekh saktá thá, gir játí hai. Lekin hán, wuh maut ke waqt faná-pizír aur marnewále jism kí ízáon ko to beshakk mañmú kartá hai, balki kabhí kabhí us ká dukh aur us kí taklífen hadd se ziyáda barhí húi bhí mañmú hotí hain, par dúsrí dunyá kí nisbat wuh apne dukhon men bhí jalál kí ummed se bhará húa nazar átá hai. Aur yún ham jalál ke ek wáris ko apní mí-rás par jo us ke Málik aur K̄hudá se us ke liye taiyár kí, aur k̄harídí gaí hai, qabza páte húa dekhete hain. Aur wulí maut jo ná-táibon aur bedínon ke liye, jo us ke dahine báen hain, k̄hauf aur hairat aur dar ká báis hai, us ke liye ek jalál ká darwáza aur k̄hushí ká sabab ho játí hai : aur

hamáre apne k̄hiyál haiṅ, aur K̄hudá ke k̄hiyál us ke apne k̄hiyál haiṅ, hán, hamáre k̄hiyál hamá-rí kotáh aur náqis aql kí bunyád par haiṅ, aur K̄hudá ke k̄hiyál us kí baṛí aur behadd dánish par mabní haiṅ. Is liye in donoṅ ká ek ho jáná muhál hai. Hán, sirf ham yahán itná kahte haiṅ, ki kafáre ke hone par bhí hamára maut ke mutí ho jáná thík usí barswále ghar ke andáz par hai, jis ká zikr Ahbár 14: 45 meṅ áyá hai, yaṅe, ki Káhin us ghar ko, aur us ke pattharon ko, aur us kí lak-riṅ ko, aur us kí miṭṭí ko giráwe; aur wuh un-hen shahr ke báhar nápák jagah par le jáwe. Aur ab isí tarah K̄hudá hamáre is jismí aur miṭṭí ke k̄híme aise ghar ko, jo gunáh ke koṛh se nápák ho gayá hai, maut ke wasíle se girá detá hai, aur goyá hukm detá hai, ki ise shahr ke báhar qabr meṅ dál do. Lekin yahán yih bhí yád rahe, ki yih hukm i rasmí sirf miṭṭí ke básanoṅ aur ehízoṅ kí nisbat thá, qímatí ehízoṅ kí nisbat yih hukm na thá, balki un kí nisbat yih hukm thá, ki we yá to ág meṅ táí yá galái jáeṅ, yá pání meṅ dhoí jáeṅ. Ab yih to záhír hai, ki hamá-rí rúheṅ jo haiṅ, so baṛí qímatí haiṅ, aisá ki k̄hud K̄hudá hí ne in ko baṛí qímatí qarár diyá hai. Aur ab go wuh gunáh ke sabab nápák ho gaí haiṅ, tau bhí K̄hudá unheṅ barbád nahíṅ kar detá, par wuh hamáre jism ko k̄hák meṅ pher detá hai, aur hamá-rí rúh ko apní rúh kí ág aur apne Beṭe ke k̄hún aur us pání meṅ jo us ke pahlú se niklá, sáf o pák kar, unheṅ

kuehh rász insán ke dil par us waqt khul játá hai, jab ki wuh K̄hudá kí Rúh se kalám kí b̄aríkíon ko samajhne lagtá hai, aur yún we hí b̄aten, jin men ki wuh peshtar ghabrátá thá, ek aisí k̄hushí aur tasallí ká b̄áis ho játí hain, ki jin ke b̄áis se mard i K̄hudá, K̄hudá ke bande Dáúd kí tarah yih kabne lagtá hai, ki K̄hudáwand-ká ek nayá gít gáo, kyúnki us ne ajáibát kiye hain, us ke dahine háth aur muqaddas bázú ne use fath baḅshí hai. Lekin hán, ba-záhir to yih haqíqaten aisí mushkil hain, ki jab ham in men se ek par gaur karte hain, to usí waqt ek dúsri us se bhí mushkil hamáre sámhne pesh á játí hai. Maslan, agar ham is haqíqat ko apne pesh i nazar rakhkar ap hí men yih suwál karen, ki Jab ki Masíh ímándáron kí k̄hátir aur un ke liye kafára ho chuká hai, to kyún ímándár jismí maut ke sazáwár hote hain? Ab is k̄hiyál ke karte hí ek aur bhí k̄hiyál is ke sáth á játá hai, ki Hán, jab ki kafára ho chuká hai, to ímándár ímán ke láte hí, gunáh aur us kí áláish se kyún ek laḅht hí barí nahín ho játe hain? Aur kyún gunáh un ke kámon ko ganda karne aur un kí tasallí aur un ke árám men k̄halal dálné ke liye un men baná rahtá hai? Aur kyún un kí ragbaten shaitání húa kartí hain? aur kyún we musíbaton aur taklífon ke hámil hote hain? Ab yih sáre k̄hiyál bhí aise hí hain, jaisá ki kafáre ká ho jáná, aur is par bhí ímándár ká maut ke mutí honá.

Lekin ai dosto, yih yád rahe, ki hamáre k̄hiyál

fatwe kí sazá ko jo Qádir i Mutlaq ahkam-ul-háki-
mín ne apní sháhána marzí aur ádálat ke mutábíq
ṭhahrái hai, hámil ho, us ke púre natíje ko pa-
hunchte haiṅ. Lekin agarchi yih bát qábil i qabúl
aur taslím hai, balki sahíh o durust hai, tau bhí jab
ham is bát par, ki is fatwe ke mátaht kull ímándár
bhí haiṅ, aur ki we us se barí nahíṅ haiṅ, aur
na ho sakte haiṅ, gaur karte haiṅ, tab yih suwál
lázim átá hai, ki ham is gair-mafrúq haqíqat meṅ
kyúnkar farq yá tamíz karenṅ? Is liye ki ímándár-
oṅ ke liye to *kafára* ho chuká hai, jis ke báis un
ke gunáhi miṭáe aur muáf kiye gae haiṅ, aur jis
muáfí ká natíja, ímándáron par se har ek lanat aur
us ke asar ká uṭh jáná aur us se barí aur bebák ho-
ná hai. Pas to aise hál meṅ, jab ki maut gunáh ká
iwaz hai, to we kyún us ke mutí aur mátaht hon!

Ai dosto, is mushkil suwál kí nisbat ham yih
kahte haiṅ, ki Go yih ajíb bát kitní hí ádaq kyún
na ho, par tau bhí yih ek akelí hí haqíqat nahíṅ
hai, jo ímándáron kí tawáriḳh yá un kí zindagí ke
hálát se wábasta ho, par is ke misl aur bhí aisi
bahuterí haqíqaten haiṅ, jo un kí zindagí meṅ dar-
pesh haiṅ, aur jo hamárá kotáh aql ke dáira e aql o
imkán aur daryáft ke báhar haiṅ, aur eká ekhí
samajh meṅ nahíṅ á saktí haiṅ. Tis par bhí un
ko taslím kar lená wájib aur munásib hai, kyúnki
un ká maḳhraj aur un ká ehashma Kalám i Khudá
hai. Lekin is sab par bhí ham yih kahte haiṅ, ki
In beshqímat aur be-bahá maṛifaton ká kuchh

kí kull aulád par us waqt kiyá gayá, jab ki us ne bargashtagí ká gunáh kiyá. Aur chúnki ham bhí us kí pusht men maujúd the, aur wuh apní kull aulád ká sir aur qáim-muqám thá, pas yún wuh maut ká fatwá apne par, aur apní kull aulád par láyá; jaisá ki záhír hai, ki Maut sab men phailí, is liye ki sab ne gunáh kiyá:—*Rúm. 5: 12.* Aur is ká natíja goyá yih húa, ki na sirf insán apne lí gunáh ke báis, maut ká murtakib húa, par maut kí mírás ká hissedár hokar maut ká mutí húa, jaisá ki áyá hai, ki Maut ne Ádam se le Músá tak (balki is ghanṭe tak) un par bhí jinhon ne Ádam ká sá gunáh nahín kiyá, (yañe hamáre bachchon par jo náfarmání ke sazawár nahín,) jo ánewále ká nishán thá, bádsháhat kí,—*Rúm. 5: 14.* Pas záhír hai, ki gunáh ke báis kull baní Ádam kyá haqír, kyá faqír, kyá amír, kyá buḍḍhá, kyá jawán, kyá bachchá maut kí saltanat kí mátahtí men á gae hain. Aur go ham is ráz i azím ko, ki kyúnkar ek hálat i tífli, aur dúsrá álam i shabábí, aur tísrá álam i pírí, aur chauthá, hálat i paidáishí, aur páñchwán hálat i ribmí lí men mar játá, aur maut ká shikár ban játá hai, nahín ján sakte, tau bhí ham itná to baḅhúbí jánte hain, ki maut ke fátwe kí mátahtí men kull baní Ádam á gae hain, aur ab maut jo hai, so un ká charwáhá hokar Kḅhudá ke us fatwe ko, jo us ne gunáh ke sabab baní Ádam kí nisbat kiyá hai, ki Tú ḅhák hai, aur phir ḅhák men jáegá, púra karnewálí hai, jis ke wasíle kull ḅhátí us

karegá. Aur kyá tum ne Masíh ko pahin liyá hai? Kyá tumhári kamar sacháí se kasí hai? Kyá tum rástbázi ká baktar pahine ho? Kyá tum ne apne páñon men sulh baḡhshnewálí Injíl kí ehálákí pahiní hai? Kyá tumhári rán par ímán kí sipar laṭaktí hai? Aur kyá tum naját ke ḡhod, aur Rúh kí talwár, aur duá kí intizári se árásta ho? Agar aisá hai, to tum zarúr shádi ke ghar men jáne ke liye taiyár ho. Aur tum hí wuh ho, jin ko Yahowáh ke liye ek nayá gít gáná zarúr hai. Aur agar taiyár nahín ho, to ham yih kahte hain, ki Is baḡe aur bhári suwál par jo is tamsíl se níkalatá hai, gaur karo, aur jab tak tum is ká jawáb na de lo, tab tak ḡhámosh mat ho.—Kyúnki buláe húe bahut hain, par barguzíde thore hain.

VII.

AJTB KAM JO YAHOWAH NE HAMARE LIYE KIYA
HAI, SO YIH HAI, KI US NE HAMARE JISMON
KI EK AJTB TABDILI MUQARRAR KI HAI.

Ai dosto,—Tum jo Kalám i Pák ke hámil ho, yih bát baḡhúbí jánte ho, ki gunáh ke báis kull baní Ádam ke liye ek bár marná, aur baḡd us ke ádálát muqarrar húi hai.—*Ibr.* 9 : 27. Aur is ádálát ke muqarrar hone kí wajh yih hai, ki sabhon ne gunáh kiyá hai, aur Ḳhudá ke jalál se mahrúm hain.—*Rúm.* 3 : 23. Aur jab Ḳhudá ke jalál se mahrúm hain, to zarúr lázim áyá, ki gunáh ká iwaz maut ho.—*Rúm.* 6 : 23. Aur jab yih lázim áyá, to yih fatwá e lázimiyat i maut Ádam aur us

qáim rahegá, so ajr páwegá, aur jis ká kám jal jáegá, wuh nuqsán uṭháegá. Par Barre kí shádí meṇ sif we hí sharík hongē, jo haqíqat meṇ us ke ḡhún ká surḡh libás pahine hongē. Lekin riyákár aur námí Masíhí ko us dín sharm ke siwá kuchh bhí háth na áwegá, aur us ke we bhí kapre, jin ko kí wuh Ísáiyat samajhtá thá, utár liye jáenge, aur us ko us jagah meṇ jo shaitán aur us ke pairaon ke liye ṭhahráí gaí hai, jáná paregá. Is liye niháyat zarúr hai, kí ham is tamsíl ke wasíle se, jo Ḳhudá ke aḡíb fazl ká bayán kartí hai, dánish hásil karke, apní buláhaṭ aur barguzídagí ko sábit karen, aur use yaqíní banáen. Is liye kí ham to wuhí aur we hí hain, jin se kí yih kahá játá hai, kí Biyáh meṇ áo, kyúnki sab kuehh taiyár hai. Pas munásib hai, kí ham us kí jo yih kahtá hai, kí Sab kuehh taiyár hai, ihánat na karen. Aur yih bhí wájib aur munásib nahín, kí ham auron kí tarah beḡhabarí se sowen, balki hosbyár aur jágte rahen, is liye kí waqt guzartá ehalá játá hai, balki bahut hí thoṛá rah gayá hai, aisá kí bádsháh mihmánon ko dekhne ke liye áne hí par hai, yahán tak kí us ke áne ke ásár bhí namúdár ho chuke hain, balki pahlí turhí phunk chukí hai, kí Dekho dulhá átá hai. Ab socho, aur zará gaur karo, kí Kyá tum shádí ká libás pahine ho ? Yá ab tak un páneh nádán kunwáron kí tarah únghte ho ? Agar únghte ho, to suno, Injíl kí yih pukár hai, kí Ai sonewále jág, aur murdon meṇ se uṭh, kí Masíh tujhe roshan

dekhá, jo shádí ká libás pahine na thá, aur us se kahá, Ai miyán tú shádí ke kapre pahine bagair yahán kyún áyá ? Is par us kí zabán band ho gai. Tab bádsháh ne naukaron ko kahá, Us ke háth páñw bándhkar, use le jáo, aur bábar andhere men dál do, wabán roná aur dánt písna hogá.

Ab ai azízo, zará is khaufnák anjám par gaur karo. Dekho, jaisá ki Lút kí jorú kull náfarmán-bardáron ke liye ek tambíh aur gunáh se bachne ke liye namak ká ek khambhá ban gai, waisá hí yih shaḡhs bhí kull námí Masíhíon ke liye ek dalíl hai. Hán, ham to yih kahte haiñ, ki Masíh kí kalísyá e zamíní men jab tak ki yih dunyá qáim hai, námí aur záhirí Masíhí páe jáenge, aur aise bhes men bhí hongé, ki un men aur haqíqí Masíhíon men, insán ke liye baz waqt farq aur tamíz karná bhí mushkil hogá, kyúnki insán ke dil ko haqíqí taur par parh lená, yá us ke dil ke andeshon se wáqif ho jáná insán kí táqat se báhar hai: par Kḡudá to thaṡṡhon men nahín uráyá já saktá. Wuh to dilon ke khiyálon ko jántá, aur dúr se andeshon ko ján letá hai. Is liye wuh ek din haqíqí aur gair-haqíqí Masíhí men wájibí tamíz aur farq kar dikhláegá. Aur tab us barí adálat kí ág ke sámhne siwá haqíqí ímándár ke baná húa Masíhí hargiz na thahregá, kyúnki har ek ká kám záhir hogá, ki wuh din use záhir kar degá, Is liye ki aise kám ág se záhir hote haiñ, aur jis ká kám jaisá hai, ág parakhegí. Jis ká kám jo us ne us par banáyá

piyár karke us ko radd karná, láchhon kí halákat ká sabab hai! Hán, ai dosto, agar tum sirf jahannam men jhánk sako, to tum us men láchhon páoge, jo is ke liye ki unhon ne K̄hudá kí aḱhláqí shariát, yañe das hukmon ko udúl kiyá hai, wahán yá us men dále gae hain, par is liye wahán dále aur dhakel diye gae hain, ki unhon ne haqq bát, aur K̄hudá kí naját aur us kí fazlwáli dawát ko nápasand kiyá hai. Kyúñki Masíh to muhabbat se un ke liye muá, par afsos, unhon ne us ko radd kiyá! Is liye ai dosto, soeho, aur gaur karo, ki tumhárá kyá hál hai? K̄hudá ko radd karná halkí bát nahín hai, paine kí kí par lát márná thík nahín hai. Ag par ehalná aqlmandí nahín hai. Pas ham Masíh ke elehí hokar tumhári minnat karte hain, ki Súraj dúbne se peshtar K̄hudáwand kí buláhaḱ ko qabúl karo, aur jis waqt ki wuh mil saktá hai, tum us kí talásh karo. Hán, Masíh ko apná dost banáo, aur fazl ke wasílon kí qadr karo, aisá ki tum Yahowáh ke liye ek nayá gít gá sako.

4. Phir yih bhí gaur ke qábil hai, ki we sab jo apne ko Masíhí qarár dete hain, aur haqíqat men nahín hain, ek din pakre jáenge, aur un ká sára hál khul jáegá, aur tab we sharminda ho, aur adálat ká fatwá sun, jahannam men dhakel diye jáenge. Aur is bát ke subút men hamáre K̄hudáwand ká yih farmúda hai, ki Jab biyáh ká ghar mihmánon se bhar gayá, tab bádsháh mihmánon ko dekhne ke liye andar áyá, aur us ne wahán ek ádmí ko

aksar log use qabúl nahín karte ! Dekhiye har har kalísyá men aise log páe játe hai, jin ko K̄hudá ká Kalám bilánága sunáyá játá hai. Hán, we sálon sál use sunte hai, balki we aksar use apní zindagí bhar sunte hai, par tau bhí un par, yá un ke dilon par, is ká koí asar nahín hotá ! Goyá un ká dil chakkí ke nichle páṭ kí tarah saḡht ho rahá hai. Pání patthar men to asar kar saktá hai, par háe Kalám un men asar nahín kartá. Hán, we aisá kabhí nahín sunte, ki wuh un ke andar jákar kuchh apná kám kare ! Aur na we us par aisá ímán láte hai, ki jis se un kí beshqímat rúh bach jáe, is liye ki we apní náqis samajh aur apní sangdilí ke muqábale men us kí zarúrat nahín dekhte, aur na we us men koí k̄húbsúratí páte hai, ki us par nigáh karen ! Aur go we Injíl aur us kí buláhaṭ kí ihánat na karen, tau bhí we use apne dil men qabúl nahín karte. Injíl, aur us kí buláhaṭ, aur naját aur us kí k̄húbí, hayát aur abadí k̄hushí ke muqábale men we dunyá aur us kí púch lazzaton ko ziyáda pasand karte hai. Aur agarchi yih ek haulnák hálat hai, tau bhí logon, yane, kalísyá men ámm aur kasrat se hai. Lekin ai dosto, go auron ká yih hál ho to ho, lekin ab main púchhtá hún, ki Tumhára kyá hál hai ? Ai bháío, yih mumkin hai, ki log kisí ámm bímárí yá gunáh ke báis hazáron halák aur faut ho jáwen. Par Injíl aur us kí dawát se gáfil aur befikr rahná, yá us ke qabúlne men uzr karná, yá kisí gunáh ko ziyáda

wálí dawat ko qabúl karne ke liye dil se ámáda aur taiyár ho.

Lekin afsos, aksar log hain, jo is fazlwálí dawat ko qabúl karne men ánákání aur uzr karte hain. Lekin jáno, ki K̄hudá aison ke k̄hún se pák hai. Agar we is dawat par bhí balák hon, to yih unhín ká qusúr hai : kyúñki K̄hudá jo kuchh ki use karná thá, so un ke liye sab kuchh kar chuká hai. Isí liye Pák Kalám har ek insán ko, ek jawáb-dih maḡhlúq bhí batlátá hai, balki har insán ká zamír bhí is kí gawáhí detá hai. Aur yihí wuh k̄háss sabab hai, ki jis se yih fazlwálí dawat amm taur se har ek ke sámhne pesh kí játí hai, aisá ki, aisá ek bhí nahín hai, jo yih kah sake, ki Merá is men hissa nahín hai. Lekin go tang darwáze men sabhon ko dáḡhil hone ke liye hukm hai, par agar na hon, to yih saḡht qusúr unhín ká hai. Ab ai dosto, Tumhárá kyá hál hai? Kyá tum ne is fazlwálí dawat ko qabúl kiyá hai? Ham to jánte hain, ki záhiri buláhat men to tum sab sharík ho. Lekin kyá tum is men haqíqí aur bátini taur par bhí shámil ho? Agar shámil ho, aur tum is fazlwálí dawat ká maza uḡhá chuke ho, to tumhárá haqq hai, ki Yahowáh ke liye ek nayá gít gáo! Aur agar nahín, to ab bhí jagah hai, áo, aur is dawat ko qabúlo, aur tumhárá bhalá hogá, aur k̄hair aur salámatí tumháre sáth pái jáegí.

3. Yih bhí qábil i gaur hai, ki agarchi yih dawat i Injíl, yún pesh kí játí hai, lekin afsos, is par bhí

ham Injil kí dawwat aur us kí buláhaṭ par gaur kar-
te haiṅ, aur us kí baṛí taiyárí aur sámán par soch-
te haiṅ, aur us ke ḡhádimoṅ par, jo is dawwat ká
paigám logoṅ ke pás le játe haiṅ, liház karte haiṅ,
to ham Kalám kí pushtí aur us kí himáyat par yih
kahte haiṅ, ki Agar koí halák howe, aur apní besh
qímat rúh ko khowe, tau bhí wuh anjám i kár yih
na kah sakegá, ki Merí halákat ká báis Ḳhudá hai.
Kyúnki Ḳhudá to gunahgáron ko qabúl karne aur
unhenṅ apná beṭá banáne ke liye taiyár hai; balki
kahtá hai, ki Ai beṭe, aur ai beṭí, apná dil mujhe
de, aur mainṅ use apne láiq kar lúngá. Aur Beṭá
jo hai, so muáf karne, aur sárí gandagí se pák kar-
ne ke liye maujúd hai, balki us ne apná ḡhún isí
ek ḡháss garaz ke liye baháyá hai. Aur Rúh-ul-
Quds jo hai, so sar i nau paidá karne, aur apní tásír
aur qúwat ke wasíle se har ek ko ásmán ke qábil
aur láiq banáne ke liye ámáda hai. Aur firishte jo
haiṅ, so ek gunahgár par, jo tauba karke Masíh kí
taraf phirtá, aur apní naját ke liye, us par ásrá aur
bharosá rakhtá hai, ḡhushí karne ke liye maujúd
haiṅ. Aur fazl jo hai, so aise shaḡhs kí madad
karne ko taiyár hai. Aur Kalám i Iláhí jo hai, so
aise kí madad karne, aur use taḡlím dene, aur Ḳhudá
kí muhabbat ko us par kholne ko maujúd hai.
Aur ásmán jo hai, so yihí cháhtá hai, ki har gunah-
gár ká maqám yahín ho. Aur kalísyá jo hai, so
yihí kahtí hai, ki Abhí jagah hai. Ab sirf ek hí
bát zarúr hai, aur wuh yih hai, ki gunahgár is fazl-

yatim aur bewa ko, ki K̄hudá terá Báp aur shauhar hai, aur gumshuda ko, ki K̄hudá ká Betá tujhe bacháne aur khojne ke liye áyá. Aur beráh aur bhatke húe ko, ki ráh aur Haqq aur zindagí Masíh hai. Hán, qaidíon ke liye k̄hushk̄habarí hai. Ná-ummed ke liye ummed hai ! Bímár ke liye dawá hai ; andhe ke liye ánk̄h hai, murde ke liye zindagí hai. Hán, sabhon ke liye sab kuchh hai. Is liye k̄i K̄hudá apne Beṭe meṅ hokar gunahgáron ko áp se milá liyá cháhtá hai ; kyúnki wuh muhabbat se mamúr hai. Aur isí liye Rasúli maqbúl ne farmáyá hai, ki Muhabbat is meṅ nahín, ki ham ne K̄hudá se muhabbat rakhí, balki is meṅ hai, ki us ne ham se muhabbat rakhí, aur apne Beṭe ko bhejá, ki hamáre gunáhon ká kafára howe.—1 *Yúh.* 4 : 10. Ab kyá yih behadd fazl o rahm nahín hai ? Aur agar hai, to kyá hamen is fazl o rahm ke liye Yahowáh ká ek nayá gít gáná na cháhiye ? Gáo Masíhío, kyúnki tum par behadd rahmat kí gaí hai.

2. Yih bhí qábil i gaur hai, ki Injílí dawát jo hai, so niháyat hí ámm aur wasí aur kámil aur behadd hai, kyúnki tamsíl meṅ áyá hai, ki Jab dawát ká sab sámán taiyár ho chuká, aur koí bhí chíz taiyár hone ko báqí na rah gaí, tab bádsháh ne mihmánon ke pás apne k̄hádimon kí marifat yih kahlá bhejá, ki Ab sab kuchh taiyár hai, biyáh meṅ áo. Aur ab dekhiye, K̄hudá ne bhí insán kí naját ke liye sab kuchh taiyár kiyá hai, aisá ki jab

sá-rí há-jat-ōṅ ko rafā karne ke liye har tarah ká sá-mán, hán, umda se umda chí-zōṅ ká sá-mán chuná húa hai, balki rúh kí rúhání bhúkh aur piyás ko miṭáne ke liye rúhání mann aur áb i hayát maujúd hai, aur muáfí há-sil karne ká, aur Kḥudá se az sar i nau mel karne ká sá-rá sá-mán taiyár hai, hán, is jahán meṅ zinda ummed, aur jahán i áyanda meṅ jalál maujúd hai, balki kasrat se hamá-re sá-mhne pesh kiyá játá hai. Hán, ai dosto, yih ek ajíb dāwat aur ek ajíb dastarkḥwán hai, jis par, sá-rí charbdár chí-zeṅ aur bihisht ke mewe chune gae haiṅ, kyúṅki is ziyáfat ká maujúd aur muhaiyá karnewálá hamára Kḥudáwand Yisú Masih hai, jis ká iḳhtiyár sab kuchh par hai. Aur wuh in wasíloṅ ke wasíle se, hamen ap meṅ dáli kí tarah jo-rá, balki ek kiyá cháhtá hai, aur piyá-re farzand-ōṅ kí tarah apne Báp ke gharáne meṅ shá-mil kiyá cháhtá, aur apní sadáqat ke libás se mal-bús karke, hamen ásmán meṅ jagah diyá cháhtá, aur adálat ke din hamen apne Báp ke huzúr aur us ke taḳht ke sá-mhne be-āib házir kiyá cháhtá hai. Garaz ki Injíl bhúkhí rúh ko ḳhurák kí dāwat detí aur kahtí hai, ki Áo, aur ḳhushí se kháo, aur use jo apne gunáhoṅ se mahsúl lenewále kí mánind gamgín hai, yih ishára kartí hai, ki Á, aur dilí ta-sallí ká surḳh jám uṭhákár pí le, aur tú dilí árám jis ko dunyá na de saktí, aur na le saktí hai, há-sil karegá. Aur be-dar, aur be-ghar ko kahtí hai, ki Á, Masih ne tere liye mahal taiyár kiyá hai. Aur

wasíle se yahán yih bát záhir kí játí hai, ki we K̄hudá kí fazlwálí dawat ko radd karne ke báis kyúnkar aur kis tarah se mardúd honge. Lekin ai dosto, yih tamsíl ap men̄ sirf itná hí matlab nahín rakhtí hai, par apne men̄ ek bará aur bhári aur wasí mazmún rakhtí hai. Balki yih un sab ke liye jin ko ki Injíl kí manádí kí játí hai, aur jo K̄hudá ke fazl se Injílí dawat men̄ buláe jákar kalísiyá men̄ sharík aur fazl kí niámaton̄ men̄ his-sadár hain̄, aur apne ko Masíhí qarár dete hain̄, ek kasauṭí aur apní dilí hálat aur K̄hudá ke fazl ko jánne ke liye ek haqíqat aur dalíl hai. Balki yih ek rúhání taswír hai, jo Rúh-ul-Quds se khínchí jákar hamáre sámhne is tarah se pesh kí játí hai, ki goyá kahtí hai, ki Agar tú ánk̄h rakhtá hai, to apní hálat ko dekh, aur jo tú kán rakhtá hai, to baḁhúbí sun le, ki Áj tujhe kyá kahá játá hai, kyúnki yih tamsíl wuh hasht-pahlú jawáhir hai, jo har chahár taraf se chamakkar K̄hudá ke fazl ká jo us ne gunahgáron̄ par kiyá hai, izhár kartí hai ! To ab

1. Gaur kíjiye, ki Injíl i mubáarak jo hai, so is tamsíl men̄ ek shádí kí dawat se tashbíh dí gaí hai, kyúnki áyá hai, ki Ásmán kí bádsháhat us bádsháh kí mánind hai, jis ne apne Beṭe ká biyáh kiyá. Ab biyáh men̄ jaisá ki tum jánte ho, mihmánon̄ ke liye har tarah kí umda aur nafís chízen̄ taiyár kí játín, aur dastark̄hwán par chuní játí hain̄. Pas yihí hál Injíl ká bhí hai. Us par insán kí rúh kí

kisí ráz ko jánne ke liye bare gaur aur soeh men hain. Ab isí fazl ke izhár aur K̄hudá ke piyár se Kalám i Pák bhará húa hai, aur jo har ek gunah-gár se yih kahtá hai, ki K̄hudá ne jahán ko aisá piyár kiyá hai, ki us ne apná eklautá Beṭá baḅshá, táki jo koí us par ímán láwe, halák na howe, balki hamesha kí zindagí páwe. Ai Masíhío, kyá tum is piyár aur is fazl kí qadr na karoge ? Aur kyá tum is barí baḅshish ke liye K̄hudá ká ek nayá gít na gáoge ? Dekho, jab firishton ne K̄hudá ko tum par fazl aur rahm karte dekhá, to unhon ne apne K̄háliq ko aisá ajíb rahm karte húe dekhkar us kí hamd men ek nayá gít gáyá. So ab kyá tum jin par yih fazl kiyá gayá hai, aur jo us kí fazl i muftwálí naját men sharík ho, us kí hamd men, jis ne tum ko piyár se piyár kiyá hai, ek nayá gít na gáoge ? Gáo, Masíhío, ki yih tumhárá haqq hai, aur yih tum ko zebá hai. Lekin ham is fazlwále masale kí bát ko bahut túl na denge, par is kí haqíqat ko us tamsíl ke wasíle se jo Matí ke 22wen báb kí 1 se 14 áyaton men miltí hai, aur jo kisí bádsháh ke beṭe kí shádí kí tamsíl kahlátí hai, aur jis men mihmánon ke liye har tarah kí ḅhushí aur nashát ke sámán muhayyá kiye gae hain, pesh karenge. Ab dekhiye, jab ham is tamsíl kí biná par gaur karte hain, to auwal ham is kí nisbat yih kahte hain, ki Is tamsíl ká matlab bhí misl aur baḅ tamsílon ke qaum i Yahúd se taalluq rakhtá hai, balki is ke

magrúri ká gunáhi kiyá, aur K̄hudá kī pák aur be-tabdíl shariát ká udúl kar, apne ko lanat, aur sazá, aur gazab, aur maut, aur jahannam ke láiq banáyá, tab wuh K̄hudá jo apní zát aur hastí meñ gaiyúr aur betabdíl hai, insán ko baeháne kī nisbat apne pyáre aur eklaute Beṭe ko bhejne ke liye ámáda aur taiyár ho ! Aur insán se us kī pareshání aur khasta hálat aur súrat meñ yún kahe, ki Ai insán agarehi tú ne merá gunáh kiyá, aur apne ko barbád kar dálá, tau bhí mere háthon terí naját hai ! Hán, terí khátir, aur tere baeháne ke liye main apne piyáre Beṭe ko bhej dúngá, jo aurat se paidá hogá, aur terá iwazí hokar maregá, apne khún se tere gunáh dhámpegá, aur tujh ko mujh se miláegá, aur apní sadáqat aur sawáb ko tujh par mahsúb karke, tujhe ásmání firdaus aur merí huzúri ke láiq az sar i nau banáwegá : aisá ki main terá Báp húngá, aur tú bataur i tabanní, merá beṭá ho jáegá. Ab k̄hiyál karo, aur zará socho, ki Kyá yih K̄hudá ká fazl i behadd nahín hai ! Hán, wuh fazl i behadd, jo wuh ham kípon aur múrid i lan bandon par kartá hai. Ah is fazl kī haqíqat aur us kī gahráí aur únehái aur lambái aur ehauráí kī mábiyat kaun bashar ján saktá hai ! Yih to ek ráz i amíq aur sirr i be-tahqíq hai, balki yihí wuh fazlwálá ráz hai, jis ko jánne meñ firish-te hairán hain, kyúnki agar we is ko jánnte, to rahmat ke takht aur kafáre ke sarposh ke úpar karúbíon kī shaklen aisí na baní hotín, ki goyá we

hidáyat ká qánún na banáoge? Ai Masíhío, Báp ne yih ajíb kám tumháre hí liye kiyá hai! Wuh cháh tá hai, ki tum dánishmand bano, aur is ajíb kám par gaur karke, us ke shukrguzár aur mad-dáh hoo, balki gít gáte húe us kí bárgáhon men házir hokar us ke pák nám ko mubáarak kaho, aur us ke liye ek nayá gít gáo.

VI.

AJIB KAM JO YAHOWAH NE KIYA HAI, SO US KE
KAMAL FAZL KA IZHAR HAI.

Ai dosto,—Agar tum is fazl kí nisbat, jis ká izhár K̄hudá ne apne Beṭe men hokar ham bandon par kiyá hai, ek zará sá bhí gauṛ karo, to tumhen fauran maḷúm ho jáegá, ki K̄hudá ke fazl ká kám wuh ajíb aur nádír kám hai, jo firishton kí nigáh men bare gaur aur fikr aur soeh ká báis, aur hamárí nazaron men hairat aur taajjub ká sabab hai. Tum jánte ho, ki K̄hudá niháyat hí pák hai, aur gunáh aur us ke fáil kí nisbat us kí shariát ká ḍawá bilkull hí betabdíl hai, aur yih bát un firishton kí sazá se, jin ká bayán Kalám i Pák men áyá hai, záhír o sábit hai, ki Jab unhon ne gunáh kiyá, tab K̄hudá ne un par rahm na kiyá, balki táríkí kí zanjíron se bándhkar jahannam men ḍálke hawála kiyá, táki aḍálat ke din tak un kí nigahbání ho.—*2 Pat. 2: 4.* Lekin gaur kíjiye, ki jab insán i fání aur kbákí aur khatí ne khatá aur náfarmání aur

Wásite ká hál, aur qiyámat ká jalál, aur sharíron ke abadí anjám ká hál raqam hai. Garaz ki yih Ilhámí Nawishta ek baṛe aur ḡhúbsúrat daraḡht kí mánind hai, jo bhúkhon ke liye phal paidá kar detá, aur ásmán kí bádsháhat ke musáfiron ko sáya aur ráhat baḡhshtá hai. Hán, yih Nawishta beshqímat jawáhiiron ká ek ajíb sandúq-cha hai, na sirf is liye ki yih dekhá, aur taríf kiyá jáe, par is liye, ki pahin liyá jáe, aur kám meṅ bhí áe. Balki yih Nawishta ek dúrbín hai, jo dunyá kí dúr o daráz chízon ko bahut hí qaríb láke rakh detá hai, aisá ki ham dunyá kí ḡhúbsúrat aur fáidamand chízon ko kisi qadr dekh sakte hain. Hán, yih Ilhámí Nawishta ek tosha-ḡhána kí mánind hai, jis meṅ har qism kí beshqímat chízen bharí paṛí hain, aur jo bedám aur benaqdí háth á saktí hain. Balki yih Ilhámí Nawishta ek gahre aur lambe aur chaure aur dhíme bahte húe daryá kí mánind hai, jis ke kináre sabz aur phúlön se lade húe hain, jahán chiriyen chahchahátín, aur memne uchhalte kúdde aur kalol karte phirte hain, aur jahán chhoṭe larke khelte aur muskuráte húe nazar áte hain. Ab ai dosto, kyá tum is ajíb kám ke liye, jo Yahowáh ne kiyá hai, us ká ek nayá gít na gáoge? Dekho yih kyá hí bebahá naját-wálí daulat hai, jo Báp ne ham bandon ko atá farmáí hai? Ab kyá tum is kí qadr na karoge? Kyá tum ise apne Báp kí taraf se ek zinda aur muhabbat ká ḡhatt na samjhoge? Kyá tum ise apní

máyá hai; yá, K̄hudáwand kí Rúh mujh meṅ bolí.
 2 Sam. 23 : 2. Phir Músá ne Tauret kí nisbat yih
 dawá kiyá, ki Main ne us ko K̄hudáwand ke hukm
 se likhá.—*Istis.* 31 : 19—22. Pas zâhir hai, ki yih
 ajíb Nawishta Ilhámí hai, aur Ilhámí hokar ha-
 mári zindagí ke liye ek umda qánún hai, aur is liye
 hamen Yahowáh ká ek nayá gít gáná pur-zarúr
 hai.

6. Yih ajíb Kitáb apní fazílat meṅ bhí be-badal
 hai. Yih to ek zâhirí amr hai, ki har ek kitáb kí
 fazílat yá to us ke mazmún par, yá us kí ibárat par,
 mauqúf hai. Ab agarchi is Ilhámí Nawishte meṅ
 nazm o nasr donoṅ maujúd hain, tau bhí ham
 yih kahṭe hain, ki Yih Nawishta apní ibárat kí
 rangíni meṅ to be-misl nahín hai, aur na apní zát
 meṅ kisi qáfiya-bandí kí koí k̄hususíyat rakhtá hai,
 lekin ehúnki yih baní Ádam kí hidáyat ke wáste
 hai, is liye yih apne umda mazmún kí nisbat ap
 meṅ wuh fazílat aur buzurgí rakhtá hai, ki ásmán
 ke niche is kí barábarí koí kitáb nahín kar saktí
 hai. Kyúnki is meṅ we sab báteṅ, jin se ham
 azáb se bach sakte, aur K̄hudá ke fazl ko hásil kar
 sakte, mundarj hain. Is meṅ sárí maujúdát kí
 paidáish ká bhed maujúd hai. Is meṅ K̄hudá Taálá
 kí zát o sífát ká púrá bayán hai. Is meṅ firishton
 aur baní Ádam kí haqíqat ká hál hai. Is meṅ rúh
 ke gair-fáni hone ká hál mundarj hai. Is meṅ in-
 sán ke paidá karne ká maqsad, aur us ke gunáh
 karne ká bayán, aur dunyá kí batálat, aur Masíh

Ḳhudá ke fazl ke bagair insán kí mahdúd aql ke wasíle se daryáft nahín ho saktí haiñ. Aql se ham yih daryáft kar sakte haiñ, ki Ḳhudá ne sári khilqat ko paidá kiyá, lekin kis maqsad aur garaz ke liye paidá kiyá, aur ki wuh garaz kyúnkar púrí ho, yih ham thahrá nahín sakte haiñ. Pas natíja is ká yih húa, ki Insán apní ráh aur Ḳhudá kí marzí ko daryáft karne ke qábil nahín hai. Is sabab se aise ek Ilhámí Nawishte ká honá pur-zarúr húa, aur isí liye Ḳhudá ne is ko qalamband karáke ham bandon ko aṭá bhí farmáyá. Ab zarúr hai, ki is baṛí garaz ko púrá karne ke liye har ek Masíhí is Pák Nawishte ko rát o din mutála kare, aur is ajíb kám ke liye jo Ḳhudá ne kiyá hai, us ká nayá gít gác. Lekin

5. Yih ajíb Kitáb apne Ilhám men bhí be-misl hai. Chunáñehi 2 Pat. 1: 21 men yún áyá hai, ki Nabúwat kí bát ádmí kí khwáhish se kabhí nahín húi : balki Ḳhudá ke muqaddas log Rúh i Quds ke bulwáe bolte the. Aur Rasúl i maqbúl, yane Pulús apne beṭe Timtáús ko apne Ḳhatt (2 Tim. 3: 16, 17) men yún raqam farmáte haiñ, ki Sári Kitáb Ilhám se hai, aur talím, aur ilzám, aur sudhárne, aur rástbázi men tarbiyat karne ke wáste fáidamand hai: táki mard i Ḳhudá kámil, aur har ek nek kám men taiyár ho. Is ke siwá kull ambiyá i salaf apne kalám ko is tarz par shurú karte the, ki Ḳhudáwand yún farmátá hai; yá yih, ki Rabb-ul-afwáj ke munh ne yih far-

Pas zâhir o sâbit hai, ki in kí gawâhí muṭabar thî, kyûnki ye sâre hâl se wâqif the, aur apne likhne meṅ be-garaz the, balki Injîl ke sabab uqûbaton ke bhî uṭhânewâle the. Ab yih kḥiyâl karnâ, ki aise logon ne auron ko fareb diyâ ho, aql se baîd hai. Is liye zâhir hai, ki na sirf Injîl-nawison kâ, balki kull Pâk Kalâm ke likhnewâlon kâ yihî hâl thâ. Unhon ne we hî bâten jo haqq thîṅ, likhîṅ, aur go is ke bâis un ke ham-âsar logon ne unhen bahut satâyâ, tau bhî is kí unhon ne mutlaq parwâh na kí. Pas zâhir hai, ki yih Ilhâmî Nawishta bahar sûrat muṭabar hai, aur talîm aur sudhârne ke liye ek ajîb qânûn hai.

4. Yih ajîb Kitâb apnî garaz meṅ bhî be-badal hai. Pas jab ki ham is bāt ke muqirr hain, ki Kḥudâ'e Taâlâ is ajîb Ilhâmî Nawishte kâ bânî hai, tab hamen is ke sâth yih bhî mânnâ zarûr hai, ki us ke dene meṅ us kí koî garaz bhî hai, kyûnki agar is se Kḥudâ kí koî garaz na hotî, to is ke dene kí bhî zarûrat na hotî, is liye ki Kḥudâ kâ koî kâam âj tak befâida nahîṅ hûâ hai, aur na kabhî hogâ. Pas jab ki us ke sâre kâam bā-garaz hain, to yih bhî be-garaz na hogâ. Is liye samajhnâ châhiye, ki jab ham Pâk Kalâm ke Ilhâmî hone kâ dawâ karte hain, to us kâ ek sabab yih hai, ki Aisî Kitâb kâ honâ insân kí najât aur hidâyat ke liye pur-zarûr thâ. Hân, yih to mumkin hai, ki ham apnî paidâish aur asl kí nisbat aql kí rû se kuehh jân aur samajh len, lekin bahut sí bâten hain, jo

siwá, jab ki bayán i mazkúr aql o tamíz aur ilm i tawárikhí se bilá-muḡhálifat, muwáfíqat rakhtá hai, tab us kí muḡtabarí par yaqín i kámil ho saktá hai, Ab dekhiye, aur gaur kíjiye, ki yihí báteḡ aur ni-sháníáḡ Pák Kalám ke musannifon aur un kí tas-nífon meḡ bhí pái játí haiḡ. Chunáḡchi Injíl ke musannifon par liház kíjiye, to yih sáf maḡlúm ho jáegá, ki we Masíh ke rasúlon, yá un ke rafíqon se likhí gaíḡ. Matí aur Yúhanná rasúl the, jinhon ne Masíh ke zuhúr ke din se lekar us ke ásmán par chaḡh jáne ke din tak us kí rifáqat kí thí. Is liye jo wáridáteḡ húi thíḡ, so unhon ne apní ánkhoḡ se dekhíḡ, aur jo taḡlím kí báteḡ húíḡ, so apne kánon suníḡ. Un ko kuchh duniyáwí garaz bhí na thí, balki un meḡ se ek ne ek ḡmda pesha bhí chhoḡ diyá thá, jis se wuh Masíh kí shágirdí meḡ ba-hamatan mashgúl ho, aur jis waqt ki us ne Masíh kí shágirdí iḡhtiyár kí thí, us waqt Masíh kí hálat aisí thí, jaisí ki us ke ḡhud qaul se záhir hai, ki Lomḡion ke liye mándenḡ, aur hawá ke parindon ke liye basere haiḡ, par *Ibn i Adam* ko sir rakhne kí jagah tak nahíḡ hai. Marqus aur Lúqá, jinhon ne apní do Injíleḡ likhíḡ, so rasúlon ke rafíq the. Chunáḡchi Lúqá, jis ká aslí pesha tibábat ká thá. Pulús rasúl ká sáthí aur us ká ham-safar thá. Aur us kí Injíl ke dibáje se záhir hai, ki kyúnkar us ne Masíh ká ahwál tahqíq kiyá. Aur Marqus Patrus aur Pulús rasúlon ká ham-dam aur sáthí húá, aur un kí hidáyat par apní Injíl ko qalam-band kiyá.

silā musannifon kā hai, jinhon ne Pāk Kalām aur us ke qalam-band karnewálon, aur talímon kā zikr kiyá hai, jis se har ek yih maḷúm kar saktá hai, ki yih Ilbámí Nawishta un kí samajh meṅ haqq aur asl thá. Pas záhir o sábit hai, ki yih Ihámí Nawishta apne tamám o kamál meṅ asl hai, balki gair-mulauwas hai.

3. Phir yih ajíb Kitáb apní muḷtabarí meṅ bhí bemisl hai. Kisí ahwál ko sahíh bayán, karne ke liye zail kí yih báten pur-zarúr haiṅ :—1. Ki musannif ne us ahwál se kamál wáqfiyat hásil kí ho. 2. Ki us ko us kí tahqíq o talásh karne kā aisá mauḷā aur waqt milá ho, ki us ko na to fareb kháne kā aur na kisí tarah kí galtí karne kā gumán ho sake. 3. Ki ḷhud aisá aḡíl o sachchá ho, ki jo bát wuh áp jāntá hai, us kā sahíh bayán kare. 4. Ki jo bayán us ne kiyá ho, cháhiye, ki wuh kisí dunyáwí garaz se na ho. Aur agar likhte waqt us ko maḷúm húa ho, ki is bayán ke sabab nuqsán aur taklíf balki sháyad aḡáb i maut mujh par á paregá, to aisí hálat meṅ beshakk us kí gawáhi kí baṛí qadr hogí. Is ke siwá, jab ki kaí ek gawáh hon, agar un kí gawáhi is tarah se ápas meṅ muwáfiqat rakhe, ki kisí baṛí bát meṅ ná-muwáfiqat na pái jae, to un kí sachcháí aur bhí subút ko pahunchegí. Phir jab ki Pāk Kalām ke musannifon ne apne qusúron kā jāhán tak ki we qusúrwár the, iqrár kiyá, aur ba-farz aur zarúrat usqusúr ko apní tasníf meṅ dáḷhil kiyá, to is se bhí un kí sachcháí sábit hotí hai. Is ke

hai. Kyúñki yih ek aisá Nawishta hai, jo kisé ek ádmí ke fáide par mabní nahín hai. Par jo wáridáten is men bayán hain, so alániya hain, balki sári qaum ke sámhne waqú men áí hain. Aur shariyat jo hai, so bhí barmalá aur tamám qaum ke wáste názil húí hai. Pas agar is men koí bát apní taraf se, yá apne fáide ke liye, likhí játí, to is ká parhna kull qaum ke sámhne kyúñkar mumkin hotá! Hán, yih mumkin hai, ki koí shaḡhs koí jalí wasiyat-náma, yá koí qabála baná le, lekin ek shariyat ká baná lená aur us kí bábat yih dawá karna, ki Yih Ḳhudá kí taraf se hai, námumkin hai. Aur yihí bát Injíl kí asálat kí nisbat bhí kám á saktí hai, kyúñki jis waqt hamára Ḳhudáwand záhir húá, us waqt qaum i Yahúd ek Naját-dibinda ká intizár kartí thí. Magar aise ek Naját-dihinda kí jo unhen Rómíon ke zulm se chhurákar un kí bádsháhat ko bahál kartá. Lekin Masíh to is yá aise kám ke liye nahín áyá thá. Pas aisí hálát men, Yahúdion ká dushman ho jána, aur Ḳhudá ke ḡhiláf bandishen bándhna, kuchh taajjub kí bát na thí. Ab dekhiye, ki jo bayán, yá Injilen, yá Ḳhatt, rasúlon ne likhe hain, so aise aur in dushmanon ke bích men likhe hain, to kyá aisí hálát men jab ki we aise saḡht dushmanon se ghere húe the, kisé naqlí yá baní banáí bát, yá talím ko íjad kar sakte the ? Is ke siwá *Pák Kalám* kí asálat kí gawá-hí gair-aqwám ke musannif bhí dete hain. Chúná-chi Masíh ke zamáne se lekar, ab tak, ek kámil sil-

kam dalíloṅ ke sáth apne doston aur dushmanon ke muqábale meṅ Kalám i K̄hudá aur Āsmání Nawishta, aur insán kī zindagí ke liye qánún i beḳhatá qarár pá chuká hai, is liye us ke isbát ká yahán zikr karná fuzúl maḷúm hotá hai. Pas ham Baibal ke eband ajáibát ká muḳhtasar zikr karke, apne dúsre matlab kī taraf rujú hoṅge. To Baibal kyúnkar ek ajíb kitáb hai ?

1. Yih, ki kull ṷlamá is bát par muttafiḳ-ur-ráe haiṅ, ki yih Ilhámí Nawishta qadím se chalá áyá hai, aur is kī qidámat kī is qadr dalíleṅ haiṅ, ki us qadr kisí dúsri kitáb ke wáste haiṅ hí nahíṅ. Hán, yih wuh Ilhámí Nawishta hai, ki jis meṅ dunyá aur baní Ādam kī paidáish, aur shádí ke rasm kī bunyád, aur haftoṅ ká hisáb, aur túfán ká ah-wál, aur sab qadím qaumoṅ kī asl, bataur i tawá-ríḳh pái játí hai. Phir qaum i Yahúd kī shariát, aur un kī Abirahám se lekar un ke qaum bane rahne tak kī tawá-ríḳh us meṅ marqúm hai. Us meṅ peshíngoóáṅ haiṅ, jin meṅ se bahut to apne púre waqt par púri ho chukí haiṅ, aur bahut haiṅ, jo púri hotí játí haiṅ, aur aur haiṅ, jin ká ki takmila zamán i istiqbál par mauqúf hai. Hán, yih Ilhámí Nawishta apní qidámat meṅ is qadr qadím hai, ki ham fakhriya yih kah sakte haiṅ, ki Rú e zamín par, yih ek iktá aur ajíb Nawishta hai, jo apná sání nahíṅ rakhtá hai. Aur isí liye yih ek ajíb Ilhámí Nawishta hai.

2. Phir yih apní asálat meṅ bhí ek ajíb Kitáb

apne piyár-karnewálon ke liye we chízeñ taiyár kí haiñ, jo na áñkhon ne dekhín, na kánon ne sunín, aur na ádmí ke dil meñ aín. Lekin K̄hudá ne un ko apní Rúh ke wasíla se ham par záhír kiyá, kí Rúh sárí chízon ko, balki K̄hudá kí gahrí báton ko bhí daryáft kar letí hai. Kí ádmíon meñ se kaun ádmí ká hál jántá hai, magar ádmí kí rúh, jo us meñ hai ? Isí tarah K̄hudá kí Rúh ke siwá K̄hudá ká ahwál koí nahín jántá.—1 *Qur.* 2 : 9—11. To ab *Ilhámí Nawishta kyá hai ?* Is suwál ke jawáb kí nisbat ham yih kahte haiñ, kí Ilhámí Nawishta wuh hai, jo baní Ádam par K̄hudá kí hastí, us ke kull ausáf, us kí marzí, us ke azalí irádon kí k̄húbí, paidáish o parwardigárí o intizám kí garaz, bargashtagí o gunáh o us kí sazá o kafára kí haqíqat o insán kí fiál i muḡhtárí, talab i muassir, tasdíq, taqdís, ímán, tauba i haqíqí, shariát aur us kí gá-yat, zamír kí ázádagí, nek aamál, muqaddason kí istiqámat, Rúh-ul-Quds ke inám, fazl o naját ká kámil intizám o us ke husúl ká tayaqqun, atwár i íbádat, faráiz i K̄hudá o insán, ímándáron kí shará-kat, uḡúd i baiát, tambíh o tádíb, intizám i kalísi-yá, qiyámat o aḡálat, aur áyanda kí sazá o jazá ká púrá bayán kartá hai. Ab agar bilá taḡssub aur bilá híl o hujjat gaur o insáf kiyá jáe, to yih páyá jáegá, kí Baibal ke siwá, koí aur dúsrá Nawishta hai hí nahín, jis meñ kí in kull k̄húbíon ká jin ká kí ham úpar hawála de chuke haiñ, púrá aur sahíh bayán páyá jáe ! Aur ab chúnki Baibal mustah-

devi ko, Diomedes kí ánkhoṅ se táríkí ko dúr karnewálá batlátá hai, táki wuh insán se maḃúd ho jáe, so waisá hí zarúr hai, ki wuh pahle táríkí ko tumháre dil par se dúr kare, aur tab un bátoṅ ko jis se ki tum nek o bad meṅ tamíz kar sakte ho, tumháre nazdík láwe. Is par Alcibiades ne kahá, ki Agar mainṅ bihtar ho jáúṅgá, to jo koí yih shaḃhs kyúṅ na ho, agar wuh chábtá hai, to táríkí ko le lewe, aur na sirf táríkí ko, balki jo kuehh wuh mujh se lene ko kahe, mainṅ us ke kisí hukm se inkár na karúṅgá. Aur Confueius bhí, jo Chíníoṅ ká ek bará gurú thá, aur bajáe maḃúd ab tak máná aur yaqín kiyá játá hai, apne ek shágird se, jis ne us se yih suwál kiyá thá, ki Maut kí nisbat hamenṅ kuehh ṭalím kíjiye, yúṅ kahtá hai, Nahín. Kyúṅki jab ham zindagí ko nahín samajh sakte, to maut kí nisbat kyúṅkar ján sakenge ! Ab in kull hawáloṅ ke láne se hamárá garaz kyá hai ? Kyá yihí nahín, ki gunáh ke báis insán ab kaisí máyúsí aur táríkí meṅ paṛ gayá hai, aisá ki ab tabáí roshní ke wasíle se, wuh Kḃhudá kí púrí pahchán aur apne púre farz ko, hásil nahín kar saktá hai. Is liye ab sar i dast kí hálat meṅ insán ko Ilhámí Nawishte kí ashadd zarúrat hai. Aur yihí wuh ḃháss zarúrat aur sabab hai, ki jis ke báis Kḃhudá ne baní Adam ko ek aisá Ilhámí Nawishta, jis se ki us ke kull matlab bar áweṅ, de bhí diyá hai, jis ke wasíle se us par we báteṅ, jo us se poshída hainṅ, khul jáweṅ ; jaisá ki záhir hai, ki Kḃhudá ne

sání na rakhtá thá, itne ilm ke hote húe yás aur ná-ummedí kí maujon meṇ parke yih na kahtá, ki Yih main̄ tahqíq kahtá hún, ki Aise bare bare mubáhison aur shakúkát ke darmiyán áyinda kí sazá o jazá ká tasfiya kar lená, yá us kí nisbat kisí bát ko yaqín ṭhahráná, sirf Kḥudá kí zát ke, aur kisí ká kám nahín hai. Phir ek aur hakím ne Suqrát ke sáth muttafiḡ-ur-ráe ho, rúh kí baqá kí nisbat yún kahá hai, ki Is zindagí meṇ rúh kí nisbat kisí amr ká tahqíqan faisala kar lená, ek lá-hall aur mushkil bát hai, is liye ai Suqrát jab tak ki Kḥudá apne intizám se koí dúsri ráh, yá is bhed ke inkisháf kí súrat na nikále, yá koí hádí na bheje, tab tak tú apne báqí dinon ko, yá to nínd meṇ, yá is bát ke maḡúl sabab ke páne kí ná-ummedí meṇ basar kar. Is ke siwá, isí hakím kí ápas kí guftogú meṇ ek aur ajíb maḡám páyá játá hai, jo qábil i gaur hai. Yāne, Suqrát ne apní yás meṇ ek din apne sáthí hakím se yún kahá, ki Mujhe yih bihtar sújh partá hai, ki main̄ ḡhámosh ho jáún, balki jab tak ki tum ai Alcibiades yih na síkh lo, ki tumheṇ maḡúdon aur insánon ke sáth kyúnkar baratná cháhiye, tab tak mujhe ḡhámosh hí rahná bihtar hai. Is par Alcibiades ne nāra márkar kahá, ki Ai Suqrát, wuh waqt kab hogá, aur mujhe kaun ṭalím degá ? kyúnki tab main̄ barí ḡhushí se is ádmí ko ki yih kaun hai, dekhúngá. Is par Suqrát ne kahá, ki Wuh wuhí ádmí hai, jo tumhári ḡhabar letá hai. Lekin jaisá ki Homer Minerwá

kalísiyá ko baḡhshe, aur apní ilhámí marzí use aṭá farmáe ; aur phir haqq ke baḡhúbí mahfúz rakhne aur phailáne ke liye, aur kalísiyá ko nafs kí ḡharábí aur shaitán aur dunyá ke kíne se ba-
 cháne, aur ziyáda qarár aur tasallí denc ke liye, apne Kalám ko likhwáe. Is sabab se, Pák Nawishte bahut zarúr haiñ ; kyúnki wuh agle taríqe, jin se Ḳhudá apne taín apne logon par záhír kartá thá, ab mauqúf ho gae haiñ ; jaisá ki záhír hai,—Ḳhudá, jis ne agle zamána meñ, nabíon ke wasíle bápádádon se bár bár aur tarah ba tarah kalám kiyá, is áḡbirí zamána meñ ham se Beṭe kí mařifat bolá, jis ko us ne sárí chízon ká wáris ṭhahráyá, aur jis ke wasíla us ne álam banáe.—*Ibr.* 1 : 1, 2. Pas natíja hamáre kahne aur daláil i bálá ke pesh karne ká yih hai, ki Jab ki tabáí roshní, insán par se, us bhárí taríki ke parde ko, jo gunáh ke báis us ke zamír, aur us kí aql par á pará hai, uṭháne aur dúr karne ke liye káfi nahín hai, to aise hál meñ insán ko is baří aur bháří musíbat se riháí aur naját denc ke liye ek *Ilhámí Nawishte* kí pur zarúrat hai. Is liye ki yih to badíhí hai, ki Agarchi insán kabhí kabhí apní bigří húi ágáhi i dil se, is bát se, ki wuh zalálat aur batálat meñ pará húa hai, ágáh bhí ho jác, tau bhí wuh bidún Iláhi wasátat ke us zalálat aur zillat se ba-táqat i ḡhud nikal nahín saktá hai. Kyúnki agar aisá ho saktá, to Aflátún jo apne zamáne meñ ek bařá Hakím aur Failsúf thá, aur jo apná

aḳhláqí tabíat meṅ betartíbí dáḳhil ho gaí, aur insán aur Ḳhudá-walí nisbat meṅ farq á gayá, aur ab us kí aḳl meṅ sirf utní hí táqat rah gaí hai, ki wuh gunáh ká izhár to kare, par us ke dafaiye ká koí iláj na batlá sake. Aur yún wuh us tabaí roshní ke wasíle se jo ek waqt us kí hidáyat ke liye káfí thí, ab Ḳhudá ko nahín ḍhúndh saktá ; jaisá ki Kalám aur kalísiyá ke Aḳáid-náma se záhir hai : ki Agarehi tabaí roshní, aur paidáish o intizám ke kám Ḳhudá kí nekí, dánái, aur qudrat ko yahán tak záhir karte hain, ki insán beḅzr hain, tau bhí Ḳhudá aur us kí marzí kí aisí pahehán baḳhshne ke liye, jo naját ke wáste zarúr hai, yih káfí nahín hai ; jaisá ki Kalám meṅ áyá hai, ki Jab hikmat i Iláhí se yún húa, ki dunyá ne hikmat se Ḳhudá ko na paheháná, to Ḳhudá kí yih marzí húi, ki maná-dí kí bewuqúfí se ímánwálon ko bacháwe.—1 *Qur.* 1 : 21. Aur phir yih, ki Yihí chízeṅ ham insán kí hikmat kí sikhlaí húi báton se nahín, balki Rúh-ul-Quds kí sikhái húi báton se, garaz rúhání ehízon ko rúhání báton se miláke bayán bhí karte hain, magar nafsání ádmí Ḳhudá kí Rúh kí báton ko nahín qabúl kartá : ki wuh us ke áge bewaḳúfían hain : aur na wuh unheṅ ján saktá hai, kyúnki we rúhání taur par bújhbí játí hain.—1 *Qur.* 2 : 13, 14. Pas záhir hai, ki tabaí roshní ke wasíle se insán ká sar i dast kí hálat meṅ hokar Ḳhudá ko ḍhúndh lená muhál hai. Is wáste Ḳhudá ko pasand áyá, ki Bárahá, aur tarah tarah se apná mukáshafa apní

insání aql ká kám nahín hai. Lekin hán, utní báteñ jitrí ki barguzídon kí naját aur un kí talím aur un ke sudhárne ke liye hain, aur jo un se aur un kí bihbúdí aur K̄hudá ke jalál aur us kí ajíb muhabbat se iláqa rakhtí hain, aur jahán tak un ká mazmún insání zát ke samájhne ke qábil hai, us ko us ke bání ne ek aise tarz aur andáz se likhwáyá aur qalam-band karwáyá hai, ki us ká samájh lená insán ko K̄hudá kí Rúh kí rahbarí aur duá kí wasátat par mumkin hai: kyúñki kitáb kí koí bát yá peshíngóí áp se nahín khultí, is liye ki nabúwat kí bát ádmí kí khwáhish se kabhí nahín húi: balki K̄hudá ke muqaddas log Rúh-ul-Quds ke bulwáe bolte the. 2 Pat. 1: 20, 21. Pas natíja hamáre kahne ká yih hai, ki Kalám men jitrí báteñ mak̄hfi hain, so hamáre K̄hudá ke liye hain, aur makshúf hamáre aur hamáre aulád ke liye hamesha tak, táki ham is Tauret ke sab kalám par amal karen.—*Istis.* 29: 29. Lekin suwál yih hai, ki aise ilhám kí zarúrat kyá hai? Is kí nisbat ham yih kahte hain, ki Barí, balki ashadd zarúrat hai. Is liye ki insán gunáh ke báis ab aisí hálat men nahín hai, ki apne idrák, yá aql, yá hosh kí púnjí ke wasíle se K̄hudá kí máhiyat yá us kí marzí ko, jaisá ki munásib hai, ján lewe! Hán, ek waqt to thá, jis men ki insán yih, yá aisá kar saktá thá, kyúñki us waqt wuh gunáh se barí aur us se náwáqif thá. Lekin jab gunáh kiyá, tab us se yih pahchán játí rahí, aur us ke iwaz men gunáh kí ágai. Yahán tak ki us kí

balki darhaqíqat naját ko hásil karke naját ke darwáze ko khol diyá, aur K̄hudá aur insán men sar i nau sulh ko bahál kiyá; jaisá ki záhír hai, Kyúnki jab K̄hudá ne ham se, jis waqt ki ham dushman the, apne Beṭe kí maüt ke sabab mel kiyá, pas ham ab mel pákar us kí zindagí ke sabab kitná hí ziyáda bach jáenge?—*Rúm.* 5 : 10. Kyúnki us ne us ko jo gunáh se wáqif na thá, hamáre badle gunáh ṭhahráyá, táki ham us ke sabab Iláhí rástbázi ṭhahren.—2 *Qur.* 5 : 21. Ab ai dosto, aur Masíhí bháío, kyá tum is aḡíb riháí aur naját ke liye jo K̄hudá ne apne Beṭe men hokar tumháre liye taiyár kí hai, us kí shukrguzári na karoge? Aur kyá tum us ke liye ek nayá gít na gáoge? Gáo, Masíhío, kyúnki yih tum ko zebá hai, balki yih tumhárá haqq aur tumháre liye sunnat hai. Aur jab ki ásmání gáte hain, to kyá zamíní k̄hún-k̄haríde ehup rahen! Nahín, balki is aḡíb naját kí qadr karke K̄hudá ke liye hamesha gáte bajáte raho. Aur ai naját se beparwáh logo, tum kab tak is aḡíb naját kí jo tumháre liye muft men taiyár kí gáí hai, aur jo tum ko muft men miltí bhí hai, talhír karoge? Kab tak tum K̄hudá ke iráde ko apne bure mansúbon se ulṭoge? Kyá tum hí wuh hoge, jin kí nisbat Kalám men áyá hai,—Naját sharíron se dúr hai!—*Zabúr* 119 : 155. Is liye ham minnat karte aur yih kahte hain,—Jab tak ki K̄hudáwand mil saktá hai, tum use ḡhúndho; jab tak kí wuh nazdík hai, tum us kí

Masíh ne apní behadd muhabbat men josh khákar hamári iwaz un sab sharton ko jo ham ko K̄hudá se mel ká báis thín, púra karná apne zimme liyá, aur is azím-us-shán kám ko anjám dene ke liye na sirf wuh mujassam hí húa, balki hamáre darmiyán qerá karke rahá, aur ek ajíb taur kí zindagí ká basar karnewálá húa, aisá ki us kí zindagí ká taur faqírána aur durweshána thá, aur logon ko apne aḡhláq aur atwár aur apní talím aur muajizon, hán, bahar súrat apní taraf khínchkar un par K̄hudá kí ajíb muhabbat ko kholtá aur apne haqíqí Masíh hone ko un par sábit kartá thá. Us ne shariát i Iláhí ke bhí mahkúm ho us ke kull dawon ko bhar diyá, aur us ke ek ek nuqte aur shoshe ko púra kiyá. Us ne insán kí khátir zindagí kí sári taklifon ko apne úpar gawára o qabúl kiyá, goyá ki wuh nabí ke qaul ke muwáfiq dukh aur gam ká mard baná, aur K̄hudá ke gazab aur shariát kí lanat ká hámil húa, aur ek arse ke liye dafan húa, aur maut ke qabze men rahá, aur phir zinda ho, Báp ke dahine já baiṡhá, táki apnon kí sifárish hamesha tak ke liye kartá rahe. Pas yún Masíh ne hamári naját ke us kám ko, jo Báp ne is álam ke liye taiyár kí thí, anjám ko pahuncháyá. Yáne, Masíh ne hamará iwazí hokar hamáre gunáhon ká *kafára* us ke sahíh mañí men kar diyá. Us ne hamará iwazí hoke ahd i aamál ke taht men, haqíqatan aur púre púre taur par us ahd ke sáre dawon ko rází aur púra kar diyá, aur yún barguzidon kí naját ko mumkin kiyá,

jab K̄hudá ne Ádam ko apní sháhána shariát dí, to use farmá diyá, ki Jo tú gunáh karegá, to zarúr maregá, jaisá ki áyá hai, ki Jis din tú us se kháegá, tú maregá.—*Paid.* 2: 17. Is ke siwá K̄hudá ne apní shariát ko bebadal batláyá hai, jaisá ki us ne k̄hud farmáyá hai,—Ásmán aur zamín ká ṭal jáná shariát ke ek nuqte ke miṭ jāne se bahut ásán hai.—*Lúqá* 16: 17. Phir yih ek yaqíní bát hai, ki K̄hudá gunáh kí sazá zarúr degá. Kyúñki K̄hudáwand gaiyúr aur intiqám lenewálá K̄hudá hai; hán, K̄hudáwand intiqám letá hai, aur qáhir hai; K̄hudáwand apne dushmanon se intiqám letá hai, aur apne dushmanon ke liye qahr ko rakh ehhoṭá hai.—*Nahúm* 1: 2. Balki jaise un ke aamál hain, waisí un ko jazá degá; apne bairion par qahr karegá, aur apne dushmanon ko sazá degá, aur jaziron ko púrá badlá degá.—*Yas.* 59: 18. Is ke siwá insán ke zamír kí bhí yihí gawáhi hai, ki wuh gunáh kí sazá zarúr degá; jaisá ki záhir hai,—Aur agarchi we K̄hudá ká hukm jánte, ki aise kám karnewálc qatl ke láiq hain, na faqat ap hí karte, balki karnewálon se bhí k̄hush hain.—*Rúm.* 1: 32. Pas záhir hai, ki yihí we bát-en hain, jo ek kafáre kí zarúrat ko batlátí, aur sá-bit kartí hain. Is liye ki pákízagí ke bagair koí shaḵhs K̄hudá ko dekh hí nahín saktá, aur agar koí aisí himmat bhí kare, to wuh us ke liye ek bhasm karnewáli ág ṭhahregá.—*Istis.* 4: 24. Ab dekhiye insán kí aisí majbúr hálát ko dekhkar

kí khalásí na ho.—*Afs.* 1: 14. Garaz ki natíja is kafáre ke intizám ká yih hai, ki is se K̄hudá ká ʔdl rázī ho gayá, aur us kí muhabbat ká zuhúr us kí rástí se mutábīq ho gayá. Us se gunáh kí sazá ká kafára ho gayá, aur K̄hudá jo rást hákim hai, ham se mil gayá. Is se un sab kí jin ke liye wuh mará naját ho gaí, aur Rúh-ul-Quds kí niʔmat aur fazl ke wasíle aur naját kí takmíl aur us ke istiʔmál kí k̄harídárá ho gaí. Us ká istiʔmál Masíh ká haqq ho gayá, us ke fawáid ímándáron ke ho gae. Is se K̄hudá kí lábayán muhabbat záhir ho gaí; jaisá ki záhir hai,—Main Masíh ke sáth salíb par k̄hínchá gayá: lekin zinda hún; par tau bhí main nahín, balki Masíh mujh meñ zinda hai: aur main jo ab jism meñ zinda hún, so K̄hudá ke Beṭe par ímán láne se zinda hún, jis ne mujh se muhabbat kí, aur ʔp ko mere badle diyá.—*Gal.* 2: 20.

Lekin is kafáre kí zarúrat kis biná par pái játí hai? Is biná par, ki sirf ek hí akelé aur zinda K̄hudá hai, jo apní hastí, pákízagí, qudrat, jalál aur ʔdl, hán, apne kull ausáf meñ niháyat hí pák o bartar o buzurg o jaláli o ʔalá o bálá hai, aur us se muláqí hone ke liye un sárá sharton ko, jo us kí sháhána zát talab kartí hai, har bashar ko púrá karná ek farzí aur zarúrí amr hai. Phir Kalám kí bhí yih gawáhí hai, ki K̄hudá gunáh se nafrat rakh-tá hai, jaisá ki ʔyá hai,—Terí ʔnkhen aísí pák hain, ki tú badí ko dekh nahín saktá, aur tú sharárat par nigáh kar nahín saktá hai.—*Hab.* 1: 13. Aur

yún in alfáz meñ Masíh ke kám ká wuh sahíh aur munásib matlab jo us ne hamará iwazí hokar kiyá hai, khúb achehhí tarah se nikal átá, aur hall ho játá hai, yane, ki us ne Dúsrá Adam hokar Pahle Adam ke shikasta kie húe ahd i aamál kí kull shart-on ko hoá hoá púra kar diyá. Us ne hukm-udúli kí sazá ko sah liyá, aur us ne us kí wuh tábidári kí, jo zindagí kí shart thí. Is liye jab ham lafz i kafáre ko lafz i iwazí ke partau meñ hokar dekhte aur us par gaur karte haiñ, to is meñ wuh sáre matlab jo zindagí kí shart aur hamári maḡhlaśi se iláqa rakhte, hall ho játe haiñ, balki kafára karne aur kafára maqbúl kiye jáne ká púra maqsad bar átá hai; yahán tak ki hamará iwazí ham ko apne fidiya ke wasíle se har nuqsán aur badí se bachá letá hai; jaisá ki záhir hai,—Masíh ne hamen mol lekar shariát kí lanat se chhuráyá, ki wuh hamáre badle meñ lanat húa, kyúnki likhá hai, ki Jo koí lakrí par laḡkáyá gayá, so lanatí hai.—*Gal.* 3 : 13. Aur us ká fidiya, kafára mahsúb kiyá jákar ham ko maut, jahannam aur shaitán se riháí dene ká báis hai, kyúnki us ne sardáron o iḡhtiyár-wálon ká iqtidár chhín liyá, aur unhen barmalá ruswá kar-ke us se un par shádiyána bajáe.—*Qul.* 2 : 15. Aur yún wuh apne barguzidoñ aur khún-kharidoñ ko us púri naját meñ, jo is taur par hásil kí, aur kamáí gaí hai, hissa aur baḡhra detá, hán, us ká wáris banátá hai; jaisá ki záhir hai, ki Wuh hamáre mírás páne ká baiána hai, jab tak ki kharíde huon

kar dená kí istiláh jarí thí. Aur wajh is kí yih thí, kí lafz kafára jo hai, so apne manon men kisi qadr mashkúk hai, is liye kí yih Puráne Ahd-náma men lafz *kafir* ke tarjuma karne ke liye, jis ke mane *kafare ki qurbáni se dhámp die jáne ke hain*, bár bár áyá hai. Par Nae Ahd-náma men yih sirf ek hí bár áyá hai, jis ká tarjuma Róm. 5 : 11 men miláp yá sulh húá hai. Lekin is par bhí Puráne Ahd-náma aur us ke muháware ke muwáfíq is lafz se us kull miláp yá sulh ká matlab nahín nikaltá, jo kí Masíh ke wasíle K̄hudá aur gunahgár insán men húí hai, par sirf is se itní hí rafa-mandí murád hai, kí jis ko ham is miláp kí bunyád kah sakte hain. Is liye jab kí is lafz kafáre ke mane is qadr mahdúd hain, kí is se Masíh ke us kám kí jo us ne hamará *iwazí* hoke kiyá hai, púrí haqíqat ká sahíh bayán nahín hotá hai, aur go is lafz se gunáh kí sazá ke sah lene se gunáh kí sazá ká kafára kar dená murád hai, par is se yih máhiyat nahín khultí hai, kí Masíh ne apní kárguzár tábidárí ke wasíle se hamáre liye naját i abadí ke haqíqí ajr ko bhí hásil kar liyá hai. Is liye is kamí ko jo lafz *kafare* men pái játí hai, púra karne aur kafáre kí sahíh aur púrí haqíqat ko batláne aur bayán karne ke liye qadím buzurgoñ ne bagaur tamám aur soch samajhkar lafz *iwaz dená*, yá *rází kar dená*, yá *púra kar dená* ké istíamál kar diyá, aur ab yihí alfáz is lafz kafáre kí máhiyat ke jánne ke liye Kalísiyá i Jáma men jarí hain, aur

hálát meñ **Ḳhudá** ne tere liye yih ajíb naját taiyár kí hai ! Aur taiyár karke wuh kyá kahtá hai, ki **Ḳhudá** ne jahán ko aisá piyár kiyá hai, ki us ne apná iklautá Beṭá baḳhshá, táki jo koí us par ímán láwe, halák na howe, balki hamesha kí zinda-gí páwe. — *Yúh.* 3 : 16. To ab kis tarah se yá kaisá piyár kiyá ? Is tarah se aur aisá piyár kiyá, ki us ne apne piyáre Beṭe ko bhejá, jo Rúh-ul-quḍs kí qudrat se ek bákira ke riham meñ áyá ; jaisá kí áyá hai,—Par jab waqt púrá húa, tab **Ḳhudá** ne apne Beṭe ko bhejá, jo aurat se paidá hoke shariát ke tábi húa.—*Gal.* 4 : 4. Ab kiyál kijiye, ki **Ḳhudá** ke Beṭe ke liye yih kyá hí ajíb pastí thí, tau bhí muhabbat ke báis wuh is ká hámil aur bardásht karnewálá húa, táki is ajíb naját meñ koí bhí rok na ho, aur na kisé tarah kí báríkí rah jáe, aur na kisé ko kisé tarah ká uzr ho. Isí liye Kalám meñ bhí áyá hai, ki **Áo** ab sab kuehh taiyár hai.—*Lúqá* 14 : 17. Hán, sirf taiyár hí nahín hai, balki dawát bhí hai, aur hán, agar tum lafz *kafáre* par ek zará sá gaur karo, to páoge, ki yih kyá hí ajíb naját hai, jo Yahowáh ne baní Ádam ke liye taiyár kí hai ! To *kafára kyá hai ?* *Kafára* wuh lafz hai, jo Masíh ke us *ḳháss kám* ko jo us ne hamári naját kí nisbat kiyá hai, bayán karne ke liye Masíh kí kalísiyá meñ járí hai. Lekin yih lafz bahut qadím nahín hai, balki jadíd hai, is liye ki is se peshtar kalísiyá meñ *kafáre* kí púrí púrí haqíqat ko bayán karne ke liye *iwaz dená*, yá *rázi karná*, yá *púrá*

Lekin ai dosto, *naját kin ko darkár hai ?* Kyá un firishton ko jinhon ne gunáh kiyá, aur ránde gae ? Nahín, kyúnki un kí nisbat to Kalám men yún áyá hai, ki Un firishton ko, jinhon ne apne awwal darje ko nigáh na rakhá, balki apne k̄háss maqám ko ehhoṛ diyá, us ne sazá kí abadí zanjír men táríkí ke andar roz i ʔím kí ʔdálát tak rakhá.

Yahúddáh 6. To phir kin ko darkár hai ? Kyá jánwaron ko ? Nahín, kyúnki we gair zí-rúh hain. To phir kin ke liye yih ʔjíb naját taiyár kí gai hai ? Ai bhái, aur ai bahin, tere aur mere liye, kyúnki tú hí wuh hai, jo apní aslí jagah aur hálát se gir gayá hai. Hán, gair zí-rúh jánwar to apní jagah se nahín gir gae, aur na zamín kí koí aur chíz apní aslí jagah se ʔal gai hai : hán, itná to húá hai, ki un men se baz par mere aur tere gunáh ke báis be-shakk lanat áí hai, jis ke báis we bhí karáhte, aur dukhí hote hain. Pas wuh tú hí hai, jis ke sabab se zamín lanatí húí hai. Hán, tú apne K̄háliq kí súrat par paidá kiyá gayá thá, tujhe azalí aur gair-fání rúh milí thí, aur tú ʔrfán aur sadáqat aur ha-qíqí pákízagí se malbús kiyá gayá thá, aur tú sáhib i iqtidár banáyá gayá thá, aur tere dil par tere K̄háliq kí shariʔat kanda kí húí thí, jis ke púrá karne kí táqat bhí tujh ko dí gai thí, lekin us ká ʔdúl karná bhí mumkin thá, is liye ki tú apní marzí ke iʔhtiyár par, jo marzí ki tabdíl ke qábil thí, ehhoṛ diyá gayá thá. Lekin tú ne náfarmání kí, aur apne K̄háliq se phir gayá, aur sazá ke qábil baná ! Aisi

daryá ke kanáre par dekhín.—*Khur.* 14: 13, 30. Ab dekhiye, ki is lafz ke mañe men yih kitní baṛí jismání naját thí. Isí liye lugatwálon ne aisí baṛí áfat se rihái páne ko naját kahá hai. Lekin Kalám ke mañe aur matlab men balki apní batiní hálat men yih lafz kuchh aur hí haqíqat rakhtá hai, jis kí pú-rí haqíqat Masíh ke kafára, aur us ke Darmiyání hone men pái játí hai, aur wuh haqíqat kyá hai? Wuh yih hai, ki Insán ká gunáh kí gulámí aur us kí qaid aur hameshagí kí lanat, aur ázáb, aur maut se rihái páná, aur us ko hamesha kí abadí k̄hushí ká áta farmáná, yihí naját hai; jáisá ki záhir hai,— Tab Yisú ne us ke haqq men kahá, ki Áj is ghar men naját áí, is liye ki yih bhí Abirahám ká beṭá hai.—*Lúqá* 19: 9. Ab dekhiye, ki Masíh ke is kalám men is shaḅhs ká gam k̄hushí men badal gayá, aur shukrguzári ke nae gít gáne lagá; goyá ab us ne yún hí kahá, ki K̄hudáwand merí roshní hai, aur merí naját: mujh ko kis kí dahshat? K̄hudáwand merí zindagí kí tawánái hai; mujh ko kis kí haibat?—*Zab.* 27: 1. Phir yih ki, Yisú ne us se kahá, Main tujh se sach kahtá hún, ki Áj tú mere sáth bihisht men hogá.—*Lúqá* 23: 43. Ah is kalám ne is marte húe chor ko kyá hí k̄hushí baḅshí hogí! Aur 2 *Qur.* 7: 10 men is kí haqíqat yún hai, Kyúnki wuh gam, jo K̄hudá ke liye hai, aisí tauba paidá kartá hai, jis se naját hotí hai, aur us se kuchh pachhtáwá nahín hotá: par dunyá ká gam maut paidá kartá hai.

K̄hudá jis kí gunjáish ásmánon̄ ko ásmán nahín̄ kar sakte hain̄, aur jo Rúh i aqdas hai, wuh ap̄ jism men̄ záhir ho, Rúh se rást thahráyá jáe, firishton̄ ko nazar áwe : gair-qaumon̄ men̄ us kí manádí kí jáwe, aur dunyá men̄ log us par ímán láwen̄, aur jalál men̄ uṭháyá jáe ! Ab gaur kíjiye, aur dekhiye, ki kyá yih ek bhed kí bát nahín̄ hai ! Hán̄, yih ek ajíb bhed hai, aisá bhed, kí firishte bhí hairán hain̄ ! Pas insán kí majál kyá, aur us kí aql kitní hai, ki is ko hall kar sake ! Kyá wuh Iláhiyát ke ráz ko aur is bhárí aur atháh samundar ko ek ande ke ehilke se apní khoprí aur dimág ke garhe men̄ bhar sakegá ? Lekin tau bhí yih sach o haqq hai, aur is par firishton̄ kí gawáhí kí muhr hai, yane ki Aj̄ tumbháre liye ek Naját-denewálá paidá huá hai, wuh Masíh K̄hudáwand hai. Aur ab yih naját wuhí ajíb naját hai, jo Yahowáh ne álam ke liye taiyár kí hai. To ab naját kyá hai, yá naját ke kyá mane hain̄ ? Ai dosto,— Lafz i naját ke lugwí yá ámm aur záhirí mane, kisí bhárí yá saḡht balá, yá musíbat, yá áfat, yá bímárí se riháí, yá maḡhlasí, yá ehhuṭkárá páne ke hain̄ ; jaisá ki áyá hai,—Tab Músá ne logon̄ ko kahá, K̄hauf na karo, khare raho, aur K̄hudáwand kí naját dekho, jo aj̄ ke din wuh tumhen̄ dewegá : kyúnki un Misríon̄ ko, jinhen̄ tum aj̄ dekhte ho, tum unhen̄ phir tá abad na dekhoge..... So K̄hudáwand ne us din Isráelíon̄ ko Misríon̄ ke háth se yún̄ baeháyá, aur Isráelíon̄ ne Misríon̄ kí lásheñ

us ko nápasand kartí hai. Yihí wuh shai hai, jo K̄hudá aur insán donoṅ ká farz har ek par sábit kartí hai, aur yihí hai, wuh jo nekí karne se k̄hushí, aur badí barne se beqarárí baḅshtí hai. Yibí hai wuh, jo shariát par amal karná batlátí, aur K̄hudá se muhabbat rakhná, aur us kí íbádat karná, aur gunáh ká qáil kar Masíh ko qabúl karne ke liye ishára kartí hai. Hán, yih ek ajíb hidáyat-náma hai; aisá ajíb, ki agar insán moṭáí ke máre is se hidáyat bhí na le, tau bhí yih us par us ká bhalá yá burá kám sábit hí kartí rahtí hai. Ab dekhiye, yih aur aur sárí qúwateṅ, yaṅe, aql, goyáí, dánish, gair-fání rúh, aur zamír, aur sáth is ke sunne, súnghne, chakhne, ṭaṭolne wagaira kí qúwateṅ yih kyá hí ajíb qúwateṅ haiṅ, aur ab kyá ham ajíb taur ke nahín bane haiṅ, aur agar bane haiṅ, to hamenṅ nae gít gáná zarúr hai. Is liye gáo Masíhío, ki K̄hudá ne tum par ihsán kiye haiṅ.

IV.

AJTB KAM JO YAHOWAH NE KIYA HAI, SO YIH HAI,
KI US NE IS ALAM KE LIYE EK AJTB
NAJAT TAIYAR KI HAI.

Ai dosto,—Jaisá ki ham paidáish o parwardigárá ke kám aur us ajíb qúwat i zátiya kí nisbat jo K̄hudá ne is álam ko atá farmáí hai, áge kah chuke haiṅ, ki yih ek ráz i azím hai, waisá hí ham is ajíb naját-wáli haqíqat kí nisbat bhí kahte haiṅ, ki yih ek ajíb bhed hai, balki ek lá-hall ráz hai, ki

kyúnki isí se K̄hudá kī pahchán hásil hotí hai, aur yihí wuh sarmáya hai, ki jis ke wasíle se insán K̄hudá se muhabbat rakh saktá hai. *Chauthí* qúwat gair-fání rúh hai, aur yih ek ajíb baḡhshish hai, jo goyá sári qúwaton ká táj hai, kyúnki aur jándár to yahín mar miṭ jāte haiñ, par insán badan ke marne ke baḍ bhí jítá rahtá hai, jaisá ki áyá hai,—Baní Ádam kī rúh jo úpar chaḡhtí, aur jánwar kī rúh jo zamín ke niche utartí, kaun jántá hai?—*Wáiz* 3 : 21. Aur yih, ki Us waqt ḡhák ḡhák se já milegí, jis tarah áge milí húi thí, aur rúh K̄hudá ke pás phir jáegí, jis ne use diyá,—*Wáiz* 12 : 7. Aur natíja is sachhí dánist aur gair-fání rúh ke atá kiye jáne ká yih hai, ki insán hamesha kī saádat aur ḡhushwaqtí aur nek-baḡhtí ko hásil kare, aur is bát kī haqíqat ko, ki K̄hudá merá K̄háliq o Málík hai, jánkar us se muhabbat rakhe, aur us kī suhbat meñ ḡhush rahe. Is liye is umda kám o garaz ko durustí aur safái ke sáth anjám dene ke liye *pánchwín* qúwat jo ki K̄háliq ne insán ko dí hai, so Zamír hai, aur yih bhí ek ajíb baḡhshish hai, aur isí sabab se wuh har insán balki wahshí meñ bhí pái játí hai, kyúnki isí se insán apne kull irádon aur kámon aur ḡhiyálon ká ki mujhe kyá karná, aur kyá na karná cháhiye, faisala kar letá hai, aisá ki jab ham koí kám jo hamári zamír ke muwáfiq ho, karte haiñ, to wuh us se ḡhush hotí, aur us ko pasand kartí hai, aur jab ham us ke ḡhiláf karte haiñ, to wuh náráz hotí aur

garīb o nādīr qúwatē bhī zarūr hī dī hongī. Aur jab ki us ne insān ko aisī qúwatō se zeb o zīnat dī hai, to haiwānō ke muqābale aur un kī qúwatō kī banisbat hamē in qúwatō ko apne k̄hiyāl mē láná kitná ziyáda zarūr aur munásib hai ! Pas suwāl lázim áyá, ki We qúwatē kyá haiñ ? Ai dosto,— un qúwatō mē se, jo K̄hudá ne banī Adam ko dī haiñ, *pahlī aql* hai. Yih qúwat to ajīb hai, kyūn-ki isī se insān, aur sab zamīnī maḡhlúq se áli martaba ṭhahartá hai. Agar insān ko yih qúwat atá na hotí, to us mē, aur aur haiwānō mē, kuehh bhī farq na hotá, balki wuh jánwar i mutlaq ṭhaharkar jánwar ke muwáfīq rahtá, aur jánwar hī kī tarah mar játá. Lekin wuh is aql kī qúwat ke báis ghar aur únche únche mahall banátá, kásht-kárī kartá, k̄hurák ke liye galla aur poshák ke wáste kapás paidá kartá, aur har shai se apná matlab níkalke árám se rahtá hai. Dekhiye, yih kyá hī nādīr qúwat hai, jo K̄hudá ne insān ko dī hai ! *Dúsrī* qúwat goyái kī qúwat hai. Agar K̄hudá insān ko yih goyái kī qúwat na detá, to insān ko barī diqqat hotí, balki aql kī qúwat bhī apná púrá kám na kar saktí. Log ápas mē guftogú karne se majbúr rahte, balki gúnge hote, aur kár o bár bhī kuehh yūñ hī sá hotá, aisá ki jihálat saltanat kartí, aur log zillat aur k̄hwári mē apní auqát basarí karte. Pas yih bhī ek ajīb qúwat hai, jo insān ne apne K̄háliq se bataur i inám pái hai ! *Tisrī* qúwat dánish hai, aur yih bhī ek barī qúwat hai,

bantí haiṅ. Aur bahut aise daraḳht haiṅ, jin meṅ se kisé se dawá, aur kisé se rang wg. bante haiṅ. Aur baḅ daraḳht haiṅ, jo qúwat i kaḅrubáí rakhte yaṅe, bijlí kí ḳhássiyaṅ se bhare húe haiṅ, aisá kí agar koí ádmí bhúl yá náḁánistaḡi se un ke níche já baiṅthe, to we us ko apní ḁálioṅ se lapeṅkar haláḳ kar ḁálte haiṅ, isí liye logoṅ ne in daraḳhtoṅ ko mardum yá áḁamḳhor náḁ diyá hai. Ḡaraz kí daraḳhtoṅ aur nabátát meṅ ek aḡíb qúwat hai, jo Ḳháliq ne un ko aṅá kí hai, aur jis se we us kí buzurḡi aur jalál ko záhir karte haiṅ. Háṅ, Ḳhu-ḁáwand ke daraḳht ras se bhare haiṅ; Lubnáṅ ke saro, jo us ne lagáe.—*Zab.* 104: 16. Aur chúṅki Ḳháliq ne inheṅ insán kí ḳhushí aur fáide ke liye banáyá hai, to kyá insán par wáḡib nahíṅ, kí aisí baṅí baḳhshish ke liye us kí hamd kare, aur us ká ḡit ḡáe! Háṅ, pur-zurúr hai, balki yih insán kí paidáish kí auwal garaz hai.

Aur ab ai ázizo,—Chúṅki ham un sári qúwatoṅ par jo Ḳháliq ne maḁaní, haiwání, nabátí aur ábí chízoṅ, aur jáṅḁár ashyá ko aṅá kí haiṅ, un meṅ se baḅ par muḳhtasaran gaur kar chuke haiṅ, is liye áo, ab ham un qúwatoṅ par jo Ḳhudá ne insán ko dí haiṅ, gaur karenṅ. Dekhiye, Zabúr ká mu-sannif goyá kull baní Áḁam ká qáim-maqám hokar apne banáe jáne kí nisbat kyá kahtá hai, yaṅe, kí *Main aḡíb o garíb baná hún.*—*Zab.* 139: 14. Ab is se ham yih natíja lete haiṅ, kí jab Ḳháliq ne insán ko aḡíb o garíb banáyá hai, to us ne use aḡíb o

use le lo, muddat tak muhásara kie raho, to tabar chalaké us ke daraḡhton ko ḡharáb na kíjiyo; cháhiye ki tú un ká mewa kháwe, so tú unheḡ káḡ na dáliyo; táki tere nazdík muhásare ke kám meḡ áweḡ; kyúnki maidán ke daraḡht admí kí zindagí haiḡ.—*Istis.* 20: 19. Is ke siwá, ye áp meḡ hawá i bad ko bhí jazb karne kí qúwat rakhte, aur bádalon ko zamín kí taraf khínehte haiḡ, aur in kí bálidagí meḡ bhí ek aḡab sifat aur ek aḡib qúwat hai, aisá ki jab ek daraḡht ká sáya kisí dústre par partá hai, to goyá ehhoḡá báre ká adab kar apne baḡhne kí ráh dúsrí taraf se nikál letá hai. ḡaraz ki Ḳhudá ne daraḡhton aur nabátát yaḡe, ghás pát ko aisí aḡib qúwateḡ dí haiḡ, ki goyá in kí tarkíb se Ḳhudá kí ek aḡib qudrat deklne meḡ átí hai. Dekhiye ki baḡ jagahon meḡ jahán bárish kam hotí hai, wahán ek qism daraḡht hai, jis se pání barastá hai, aur dakkliní samundar ke ḡápúon meḡ ek qism daraḡht hai, jis meḡ roḡí kí tarah phal hotá hai, aur bajáe roḡí ke kám átá hai. Aur Afríqa meḡ ek qism daraḡht hai, jis ká nám makkhandaraḡht hai, aur haqíqat meḡ us se makkhan nikaltá hai. Aur dakkhiní Amerika meḡ ek qism gáe-daraḡht hai, jo gáe kí tarah har subh ko manon dúdh detá hai. Chín meḡ chác-daraḡht hai, aur Lanká meḡ qahwá-daraḡht hai. Ek qism daraḡht hai, jis kí ehháal mez kí ehádar ká kám detí hai. Ek qism daraḡht hai, jise eharbí-daraḡht kahte haiḡ, us kí eharbí se umda eharbí kí battián

kám karte haiñ. Dekhiye, we apne bachchon ko kaisá pyár karte, aur muhabbat se pálte, aur paidá hone par unhen chát chát kar sukháte, aur un ke jism ko mazbút karte haiñ; aur jab we bímár hote yá mar játe haiñ, to un ke gam men muhabbat ke ánsú baháte haiñ. Phir we apne málikon ko bhí aehhhí tarah jánte haiñ, jaisá ki áyá hai,—Bail apne málik ko pahchántá hai; aur gadhá apne sáhib kí charní ko; aur bherí wg. jo haiñ, so apne charwáhe kí áwáz ko ñhúb pahchántí haiñ, yahán tak ki jab wuh unhen un ke nám se pukártá hai, to fauran us ke pás á játí haiñ;—aur háthí, aur únñ, aur ghoře wg. apne málik ke hukm par apná kám karte haiñ.—Aur aisá hí hál kutte aur aur jánwaron ká hai. Garaz ki ehárpáe, aur parind, aur maehhlíán wg. aur sáre kíre makore apní us zátí qúwat ke wasíle, jo Ñháliq ne unhen dí hai, árám se rahte, aur apne Málik kí buzurgí ko záhír karte, aur baní Adam ko sárí ñhilqat ke Málik ke liye nae gít gáne ká ishtiál aur shauq diláte haiñ. Is ke siwá, Ñhudá ne darañhton aur nabátát ko bhí ek ajíb qúwat dí hai, yane, un men us ne ajíb ajíb tásíren rakhí haiñ, goyá ye insán aur haiwán donon ko faiz o fáida pahunchánewále haiñ, aur marízon ko sihat aur tandurustí ká sabab, aur ánkhon men taráwañ lánewále, aur dil o dimág ko ráhat aur ñhushí bañshnewále haiñ; balki ye insán kí zindagí ko bahál rakhnewále haiñ; jaisá ki áyá hai, ki Jab tum kisí shahr ko is iráde se, ki laráí karke

ki us ká koí sardár, koí karorá, koí hákim nahín, tau bhí garmí ke mausim men apne liye k̄hurish faráham kartí hai, aur dirau ke waqt apne wáste k̄hurák jama kartí hai.—*Ams.* 6 : 6—8. Aur yihí hál ehúhe ká bhí hai, wuh apne liye har fasl men k̄hurish jama kar letá hai. Hán, wuh apne ghar men ajíb k̄húbí ke sáth kamre banátá hai, aur un men qism ba qism anáj judá judá rakhtá hai. Phir shahd kí makkhí par nazar dáliye,—we apne ehhatte men mom ke k̄hānon ko kyá hí hoshyári ke sáth banátí hain, goyá in ke k̄hāne parkár se nape hūe hain; aisá ki insán bhí jo zírúh kahláte, aisá nahín baná sakte hain ! We járe ke mausim ke liye phulon se shahd batorkar un men jama kar rakhtí hain. Un men saltanat ke qáide aur qánun bhí hain, goyá in ehhoṭe parindon se insānon ne saltanat ke ádáb síkhe hain. Ab kyá K̄hudá kí is ajíb bak̄hshish ke liye jo us ne kíron aur parindon ko dí hai, hamen us kí hamd na karní eháhiye ? Aur agar eháhiye, to kyá ham ne kí hai ? Karo Masíhío, kyúnki yih tumhen sajtá hai.

Phir jánwaron par gaur kijiye, aur dekhiye, ki we ap men kyá hí ajíb zátí qúwat rakhte hain. We is qúwat ke wasíle, jo K̄háliq ne unhen atá hí hai, apne árám ke liye mánden, aur rahne ke liye jagah baná yá dhúnḍh lete hain. Hán, we apne nafe aur nuqsán ko bahut achchhí tarah jánte hain; aisá ki aksar insán un kí is zátí aql aur samajh par hairán hote hain. We is qúwat ke báis ajíb ajíb

pattí ko apne anḍon par ḍál detí, aur tab donon milkar unhen jaldí jaldí band kar detí hain. Is ke baḍ alag ek ḍál par baith goyá ḡhushí ke gít gátí hain. Ab jab sámp anḍon tak pahunch játá, aur unhen kháne ke liye apní gardan barhátá, to us pattí se us kí phupkár ke bájs ek aisí zahrdár hawá nikaltí hai, ki jis ke bájs sámp pachhár khákar gir partá aur phir un ke kháne ká iráda nahín kartá, aur yún ye anḍe salámat rahte hain. Ab dekhiye, kyá yih ajíb qúwat nahín hai, jo Ḳhudá ne in parindon ko atá kí hai ! Aur kyá yih hamáre liye Ḳhudá kí hamd karne ká mauqa nahín hai ? Agar Ḳhudá parindon ko yih qúwat na detá, to un men yih dúr-andeshí kyúnkar aur kahán se átí ? Hán, is ke na hone ke bagair thore hí arse men tamám parindon kí nasl miṭ játí, aur hamáre zamín se goyá chiriyon kí ḡhush-ilhání uṭh játí ! Lekin Ḳhudá ká shukr, ki us ne chiriyon ko bhí yih ajíb qúwat atá kí hai, jis se we apne nafe aur nuqsán ko maḷúm karke, salámatí ke sáth rahtín, aur insán ko Ḳhudá kí hamd men ubhártí aur uskátí rahtí hain. Phir chyúnṭí par gaur kijiye, aur us kí qúwat kí ajíb ḡhúbí par nazar ḍáliye, aur dekhiye, ki wuh kaisá hoshyár kírá hai, aisá ki us kí hoshyáre aur chálá-kí káhil ádmí ko chálák aur hoshyár banáne ke liye Ḳhudá ke Kalám men batur i misál istiamál kí gaí hai ; jaisá ki áyá hai, ki Ai shaḡhs tú jo ḡhwáb-álúda hai, chyúnṭí ke pás já ; us kí rawishen dekh, aur dánish hásil kar, ki wuh, báwujúde

par gaur kijiye, aur barī se lekar chhotī chhotī chiriyon par nazar dāliye, ki we us qúwat ke wasíle se, jo Kháliq ne unhen̄ bataur i inām atá kí hai, apne bachchon̄ ke liye kaise ajīb aur muláim ghonsle banatí hain̄, aur aisí jagah banatí hain̄, jahán̄ ki un ke dushman ká guzar bahut hí kam hotá hai, aur taajjub yih hai, ki we apne bachchon̄ yá andon̄ ke dene ke pahle yih sab sámán muhaiyá kar letí hain̄. Hán̄, hawái laqlaq apná muqarrarí waqt jántá hai; aur qumrí, aur sáras, aur abábil apne áne ká waqt áge se pahchántí hain̄, (Yar. 8 : 7,) aur bulbul apne chahehaháne, aur qumrí apne bolne ká waqt khúb jántí hain̄.—*Gaz.* 2 : 12. Hán̄, chiriyon̄ men̄ yih qúwat ajīb hai, kyúnki isí qúwat se we apne dost aur dushman ko bhí ján letí hain̄. Dekhiye, ek qism kí chiriyá hai, jis ke andon̄ ko sámp bare shauq se khátá hai, is sabab se yih beehári apne ande únche únche darahton̄ par detí hai, lekin sámp wahán̄ bhí un ká surág lagá letá hai, aur jab sámp us ke ande kháne kí koshish kartá hai, aur yih chiriyán̄ us ko apne ghonsle kí taraf áte dekhtí hain̄, to jore men̄ se ek fauran jangal kí taraf ur játí, aur dúsri jab tak ki wuh lauṭ na áwe, apne andon̄ ke úpar chin̄ chán̄ kartí rahtí hai, goyá wuh apne sáthí ko pukár pukárkar kahtí hai, ki Jaldí áo, nahín̄ to sámp andon̄ ko khá hí lene par hai. Lekin dekhiye, wuh chiriyá átí hai, aur apní chonch aur panjon̄ men̄ ek qism kí pattí liye húe hai. Áte hí wuh us

bhí gin sake, aur agar koí un ko nahín gin saktá, to in ke shumár ko bhí batláná mushkil o muhál hai ! Hán, ek shaḡhs ká zikr hai, ki jis ne barí koshish karke, ek bár Saro ke us daraḡht se leke jo Lubnán meṅ hai, us Zúfá kí ghás tak jo díwáron par ugtí hai, sab daraḡhton kí ḡhássiyat bayán kí, aur chárpáyon aur parindon aur rengnewále jándáron aur maehhlíon ká zikr kiyá. Lekin Ḳhudá kí ḡhilqat ke muḡábale, aur us kí us qúwat par, jo us ne is álam i asfal ko áta kí hai, gaur karke, ham yih kahte hain, ki Yih bayán bhí jo is dánishmand ne kiyá hai, ek adhúrá aur ná-kámil bayán hai : is liye ki Ḳhudá kí ḡhilqat kí un qúwaton ká, jo us ne is álam kí chízon ko áta kí hain, ján lená ek ádmí yá gúlar ke ek kíre ke liye mushkil hai. Pas ham sirf unhín qúwaton ká jo ámm aur maḡlúm hain, aur jin se ham mánús hain, aur jin ká bayán Kalám aur tajribe se ho saktá hai, kuehh zikr karenge.

Ab gaur kíjiye aur zará dekhiye, ki Ḳhudá ne gair zí-rúh ḡhilqat yaṅe, haiwánon aur eharind aur parind ko kyá hí ek zátí qúwat yá aql áta kí hai, jis ke istiámál ke bájs we bare áram se rahte hain, balki we usí qúwat yá samajh se apne rahne ke liye jagah dhúndh lete yá baná lete hain, aur apne baehelon ke liye mufid aur muláim ḡhurák hásil karke unhen barí eháh se khiláte aur pálte hain, aur ḡbatre se mahfúz rakhne ke liye har tarah se koshish aur saí karte hain. Hán, parind

itná kahte haiñ, ki Ai dindáro, ghabráo mat; dekho, wuh zamín kí munsifí karne ko átá hai, aur us ká ajr us ke háth meñ hai. Hán, tab wuh rástí ke sáth jahán kí, aur saehái ke sáth gaumon kí adálat karegá; aur tab sádiq falak ke sitáron kí mánind núrání hongé.

Aur ab ai Masíhío, jab ki is ajíb hukúmat ká intizám tumhári naját meñ madadgár hai, to kyá tum is ke liye apne Báp ke, jis ne apne piyáre Beṭe meñ hokar tumhári naját ko kámil kiyá hai, aur jo tumháre sir ke bálon ká bhí hámi hai, maddáh na hoge? Aur kyá tum us ke liye ek nayá gít na gáoge? Gáo Masíhío, ki yih tumheñ sajtá hai.

III.

AJIB KAM JO YAHOWAH NE KIYA HAI, SO YIH
HAI, KI US NE IS ALAM KO AJIB AJIB
TARAH KI QUWATEN ATA KI HAIN.

Ai azízo,—Jaisá ki insán ke liye álam kí paidá-
ish aur us kí intizámwálí hukúmat kí haqíqat ká
púrá bayán karná ek mushkil amr hai, waisá hí in
qúwaton kí kamál gahráíon aur bárikióñ ko púre
taur par bayán karná insán kí samajh se báhar hai.
Aur wajh is kí yih hai, ki *aural* to yih qúwaten
samajh se báhar haiñ, aisá ki insán kí aql ká ghorá
in qúwaton ke púre dáire aur daur ko tai hí nahín
kar saktá hai; aur *dústre* yih, ki we bahut aur be-
shumár haiñ; yahán tak ki we shumár meñ á hí
nahín saktí haiñ. Hán, agar koí sitáron ká shumár
batlá sake, to mumkin hai, ki wuh in qúwaton ko

ehízen un kí bhaláí ke liye, jo K̄hudá se muhabbat rakhte hain, milke fáida baḥshtí hain, kyúnki we K̄hudá ke ajíb waḍe ke muwáfiq buláe gae hain, we Masíh ke ḵhún se ḵharíde gae hain. Yih to mumkin hai, ki is parwardigári kí hukúmat ká intizám hamári samajh men na áwe, kyúnki *awwal* to hamári aql náqis aur hamári samajh nátamám hai, aur *dústre* yih, ki is kí kárrawái sirf ádmíon hí par mauqúf nahín hai, par is men firishte shámil hain, jo ḵhidmatguzár rúhen kahlátí hain, aur in ko dándáron kí hifázat sompí gaí hai. We to hamesha dándáron ke chaugird ḵhíma-zan rahte hain, aur táki un ko kisí patthar se ṭhes aur choṭ chapet na lage, we unhen apne háthon par uṭháe rahte hain. Is liye jab tum par koí hádisa guzre, to jáno, ki wuh tumháre Báp kí taraf se hokar tumhári bhaláí ke liye hai; kyúnki K̄hudá kí tambíh muhabbat se ḵhálí nahín hotí, is liye ki wuh jis beṭe ko píṭtá hai, use ziyáda piyár kartá hai. Isí liye Dáúd ne kahá, ki Bhalá húa, ki main ne dukh páyá, ki main tere qawáid ko síkhúngá.—*Zab. 119: 71.* Hán, sharíron ko wuh gazab se, par tumhen wuh pidrána shafaqat se tambíh kartá hai. Lekin is par bhí wuh apne sáre muqaddason ko apní áñkh kí putlí kí mánind apní hifázat men rakhtá hai. Aur agarchi dándáron ke muqábale men is waqt sharír desí hare darakht ke mánind iqbálmánd dekhe játe hain, aisá ki dándáron ke nazdík we taajjub ká báis hain, tau bhí ham

lekin K̄hudá ne use bhaláí kar diyá.—*Paid.* 50: 20; *Zab.* 76: 10; *Yas.* 10: 15. (2.) Wuh us se nekí paidá kar detá hai.—*Paid.* 50: 20; *Aqm.* 3: 13. (3.) Ki K̄hudá na to gunáh karwátá hai, na wuh us ko pasand kartá hai, par wuh us ko sirf hone detá hai, us ká intizám kartá, aur us ko roktá hai, us kí hadd bándh detá hai, aur us ko mahkúm kar letá hai. Aur yún ádmí fiḷ i k̄hud-muḷtár hí akelá apne gunáhoṅ ke liye jawáb-dih ṭhahartá hai, aur us ká kám qábil i jurm giná játá hai. Ḡaraz, ki jab ham Qádir i Mutlaq kí is hukúmat aur parwardigárí ke intizám par gaur karte haiṅ, to yih páte haiṅ, ki yih kull álam ko ghere húe hai, aur ki wuh k̄háss hai,—wuh ádamzád ke k̄hiyálát aur k̄hwábishoṅ aur ittifaqí májaroṅ par muhít hai,—wuh mutaassir hai,—is meṅ K̄hudá ke irádoṅ ká púrá honá hai,—is ká maqsad K̄hudá ká jalál hai,—is ká taur K̄hudá ke kamál se mutábiquat rakhtá hai,—yih har maḷhlúq kí máhiyat se bhí mutábiquat rakhtí hai,—baní Ádam ke nek aḡmáloṅ kí nisbat K̄hudá fazl o tahrík kartá hai. Lekin gunáh-álúda kámoṅ ko K̄hudá hone hí dená rawá rakhtá hai, aur un ko roktá hai, aur un ko baní Ádam kí bhaláí aur apne jalál ke liye mahkúm kartá hai.

Aur ab ai ázizo,—Jab ki K̄hudá kí parwardigárí kí is ájib hukúmat ká intizám kull álam par háwí hai, to tum yih jáno, ki tumháre liye koí k̄hauf kí jagah nahíṅ hai. Hán, is parwardigárí meṅ eháhe kuehh bhí kyún na ho, us meṅ kí to sárí

qabúl na kiyá ; tab main ne unhen un ke dilon kí sarkashí ke sipurd kiyá, ki we apní mashwaraton par chalen. Aur na sirf gunáh-álúda fiál, balki nek aamál bhí shámil hain, kyúnki is kí nisbat Pák Kalám kí yih shírín áwáz hai, ki Insán men jitní nekián aur khúbíán hain, wuh K̄hudá ke muft aur mahz fazl ká kám hain ; jaisá ki záhir hai, ki K̄hudá hí hai, jo tum men ásar kartá hai, ki tum us kí marzí ke mutábíq cháho, aur kám bhí karo.—*Fil.* 2 : 13. Phir yih, ki Masíh se jo mujhe táqat baḡhshtá hai, main sab kuchh kar saktá hún.—*Fil.* 4 : 13 ; 2 *Qur.* 12 : 9, 10 ; *Afs.* 2 : 10 ; *Gal.* 5 : 22—25. Lekin is bát se koí yih na samjhe, ki (1.) K̄hudá un nek kámon ko karwátá hai, yá (2.) ki wuh ádmion men un kí ázád marzí ke khiláf un ke karne ká iráda dál detá hai, balki is se yih murád hai, ki K̄hudá insán par andar se us kí rúh men, aur báhar se tásirát i aḡhláqí ke wasíle se aise taur se apná kám kartá hai, ki un kí tabíat kí ázádána harakat rágib ho játí hai, aisá ki wuh ham men apní nek marzí kí khwáhish paidá kartá hai, aur is ke bad wuh us ko amal men lane kí qúwat detá hai. Aur aisá hí bál gunáh-álúda kámon ká hai. We K̄hudá kí hukúmat se iláqa to rakhte hain, balki we us ke ikhtiyár men hain, aisá ki wuh un ko apní mashíyat i Ezadí ke mutábíq hone bhí detá hai. Lekin (1.) Wuh gunáh ko roktá, aur us ko mahkúm kar letá hai ; jaisá ki záhir hai,—Tum jo ho, tum ne mujh se badí karne ká iráda kiyá ;

men we májare bhí jin ko ham ittifáqí kahte, shá-
 mil hain, aur K̄hudá kī is hukúmat ke báhar nahín
 hain : jaisá ki záhir hai,—Jo koí kīsí shaḥs ko
 máre, aur wuh mar jáe, to wuh qatl kiyá jáwe, lekin
 agar us shaḥs ne qasd qatl ká nahín kiyá, aur
 K̄hudá ne us ke háth men giriftár karwá diyá ; to
 main us ke bhágne kī jagah batá dúngá,—*K̄hur.* 21 :
 12, 13. Aur *Ams.* 16 : 33 men yún hai, ki *Qurá* god
 men ḍálá játá hai, par us ká sárá natíja K̄hudáwand
 kī taraf se hai. Balki is parwardigárá kī hukúmat men
 insán ke ázádána fiḍ bhí shámil hain, kyúñki agar
 yih shámil na hon, to parwardigárá ká kám parwar-
 digár ke liye goyá gair-mumkin hogá. Aur na sirf
 aql hí is bát ko qabúl kar letí hai, par *Kalám* kī
 bhí is bát par, ki insán ke ázádána kám K̄hudá kī
 parwardigárá aur hukúmat men shámil hain, sáf
 muhr aur gawáhí hai ; jaisá ki áyá hai,—Ai K̄hudá-
 wand main jántá hún, ki apní ráh nikální insán ke
 qábú men nahín hai ; insán jo eháhtá hai, us men
 nahín ki wuh apne qadam barábar rakhe.—*Yar.* 10 :
 23 ; *K̄hur.* 12 : 36 ; 1 *Sam.* 24 : 9—15 ; *Fil.* 2 : 13.
 Aur na sirf ázádána fiḍ balki yih parwardigárá kī
 hukúmat aisí ajíb hai, ki is men insán ke gunáh-
 álúda fiḍ bhí shámil hain ; jaisá ki záhir hai,—
 Bádsháh ne kahá, ki Ai baní Zarúyáh, mujh ko tum
 se kyá, use lanat karne do, ki K̄hudáwand ne use
 kahá hai, ki Dáúd par lanat kare.—2 *Sam.* 16 : 10.
 Aur *Zabúr* 81 : 11, 12 men yún hai, ki Mere logon
 ne merí bát na mání, aur *Isráelion* ne mujhe

wuh lawiyatán bhí, jise tú ne banáyá, táki us meṇ kheldá phire. Yih sab terí taraf tákte haiṇ, ki tú un ko waqt par un kí ḵhurák pahuncháwe. Jo tú unheṇ pahunchátá hai, to we le lete haiṇ; aur jo tú apní muṭṭhí kholtá hai, to we achchhí chízoṇ se ser hote haiṇ. Tú apná muṇh chhipátá hai, we hairán hote haiṇ, tú un ká dam pher letá hai, we mar játe haiṇ; aur apní miṭṭí meṇ phir mil játe haiṇ. Tú apná dam bhejtá hai; we paidá hote haiṇ, aur tú rú e zamín ko sar i nau árásta kartá hai.—*Zab.* 104 : 21—30. Pas záhir hai, ki haiwán bhí is parwardigárí kí hukúmat se barí nahíṇ haiṇ; balki yih parwardigárí aur intizám kí hukúmat aisí wasíá hai, ki yih insán ke ámm muámaloṇ se bhí taḷluq rakhtí hai : jaisá ki záhir hai,—Bádsháh ká dil Ḵhudáwand ke háth meṇ hai; wuh us ko pání ke náloṇ kí mánind jidhar cháhtá hai, udhar phertá hai.—*Ams.* 21 : 1. Aur Aiyúb 12 : 23 meṇ yún hai, ki Wuhí qaumoṇ ko barhátá hai, aur unheṇ phir halák kartá hai, wuh qaumoṇ ko phailátá hai, aur phir unheṇ tang kartá hai. Is ke siwá is hukúmat meṇ insán ke har ek ḵhiyál aur us ke hálát bhí tábí meṇ rakhe gae haiṇ; jaisá ki áyá hai, ki Admí ká dil apní ek ráh ṭhahrátá hai; par Ḵhudáwand us kí chál ko árásta kartá hai.—*Ams.* 16 : 9. Aur *Yas.* 45 : 5 meṇ yún hai, ki Main hí Ḵhudáwand hún, aur koí nahíṇ; mere siwá koí Ḵhudá nahíṇ : main ne terí kamar bándhí hai, agarehi tú ne mujhe nahíṇ paheláná. Is ke siwá, is hukúmat

tamám álam par hai, Kalám se bhí sábit hai; jaisá ki áyá hai, ki Bahímon ke liye ghás, aur insán kí k̄hidmat ke liye šabzī wuhí ugátá hai, táki wuh un ke liye zamín se k̄hurák paidá kare.—Zab. 104: 14. Aur phir Aiyúb 9: 5, 6 meṅ yún hai, ki Wuh paháron ko tálta hai, aur unheṅ k̄habar nahín hotí: wuh apne qahr se unheṅ ulaṭ detá hai. Wuh zamín ko us kí jagah se jhuká detá hai, aur us ke sutún thartharáte haiṅ. Aur Aqmál 14: 17 meṅ yún hai,—Tis par bhí us ne ihsán karne aur ásmán se hamáre liye pání barsáne, aur mewoṅ kí fasleṅ paidá karne, aur hamáre diloṅ ko k̄hurák aur k̄hushí se bhar dene se áp ko begawáh na chhoṛá. Pas záhir hai, ki Zamír aur Kalám donoṅ is bát par sháhid haiṅ, ki kull álam par K̄hudá kí hukúmat aur us kí parwardigári háwí hai. Lekin koí yahán yih na samjhe, ki haiwán is hukúmat aur parwardigári se barí haiṅ, nahín, we bhí is meṅ shámil haiṅ; jaisá ki záhir hai,—Sher bachehe apní shikár ke liye garajte haiṅ, aur K̄hudá se apní k̄hurák mángte haiṅ. Áftáb nikalte hí we jamaḥ hote haiṅ, aur apne gáron meṅ já baithte haiṅ. Insán apne kár o bár ke liye báhar nikaltá hai, aur shám tak mihnát kartá raktá hai. Ai K̄hudáwand terí sanāten kyá hí bahut aur gúnágún haiṅ! tú ne un sab ko hikmat se banáyá; zamín tere mál se pur hai. Yih aisá bará aur chaurá daryá hai, jis meṅ beshumár chhoṭe bare jánwar raftár haiṅ. Us meṅ kishtíāṅ rawāṅ haiṅ, aur

mutábiq házir hote haiñ. Hán, samundar par nazar kíjiye, agarchi us kí maujon men bará zor hai, tau bhí wuh apní ṭhahráí húi hadd se báhar nahín játá. Is ke siwá maidán ke daraḡhton aur kull sabzazár par nigáh ḡáliye,—agarchi yih har sál káṭe aur noche khasoṭe játe haiñ, aur ándhí aur túfán kí ṭakkar aur jhonkon se toṛe aur ukháṛe játe haiñ, aur sabzí jo insán aur haiwán se khái játí, aur un ke kám átí hai, aur go in sab par barí barí tabáhíán aur áfaten paṛtí haiñ, tau bhí we barqarár rahtí haiñ. Aur ab kyá in sab ajíb kámon se hamen yih natija nahín miltá, kí Ḳhudá hí hai, jo in sabhon ko sambháltá aur tartíb men rakhtá hai? Pas kyá hamen us Ḳháliq ke nae gít gáná na cháhiye !

4. Phir Ḳhudá kí hukúmat aur intizám is se bhí záhír hai, kí baní Ádam kí tawáriḡh men us kí hukúmat aur intizám kí haqíqat páí játí hai. Dekhiye Rúm. 2 : 14, 15 men Rasúl kyá farmáte haiñ, kí Jab gair-qaumen, jinhen shariát na milí, agar tabíat se shariát ke kám kartí haiñ, so we shariát na páke apne liye áp hí apní shariát haiñ; we shariát ká ḡhulása apne dilon men likhá húa dikháte haiñ, un kí tamíz bhí gawáhí detí hai, aur un ke ḡhiyál ápas men ilzám dete, yá uzr karte haiñ; aur is uzr se goyá we yih sábit karte haiñ, kí ek hai, jo is álam ká Ḳháliq o názim o sambhálnewálá o hákim hai, aur kí ham ek jawáb-dih ḡhilqat haiñ. Aur na sirf yih amr tawáriḡh se sábit hai, balki yih bát kí us kí hukúmat aur parwardigári

hai, aur jab ki us kí marzí par mauqúf hai, to hamen us ke nae gít gáná aur shukrguzárá ke zabíh dil se guzránná zarúr hai.

3. Phir K̄hudá kí hukúmat aur intizám is se bhí záhír hai, ki wuh is álam ká sambhálnewálá hai. Tum jánte ho, ki yih álam arba i anásir, yañe, hawá, pání, miṭṭí aur ág se tarkíb kiyá húá hai, aur in men se har ek kí ḡhássiyaten ek dúsre se aláhida aur judá hain, aisá ki ek kí zidd men ek hai, goyá yih ijtímá e ziddain ká ek majmúá hai, tau bhí wuh ek dúsre ke sáth aisí milí rahtín, aur apná apná kám kartí hain, ki un men goyá koí zidd aur koí muḡhálifat hai hí nahín. Aur yih hál kuchh zamíní ḡhilqat ká hí nahín hai, par ásmán kí ḡhiqat ká hál to aur bhí aḡíb hai. Dekhiye, ásmán men hazáron sitáre aur saiyáre aur dumdár kawákib hain, jo apne daur aur gardish men apní ráh ek aḡíb taur se tai karte hain, aisá ki un men se na koí kabhí ṭakkar khátá, aur na apní ráh ko bhúltá hai. Aur yihí hál áftáb ká bhí hai, wuh to hazáron baras se hamárá zamín ko roshní de rahá hai, lekin ab tak us men koí tabdílí wáḡa nahín húí, par shurú se ab tak jyún ká tyún baná húá hai, goyá wuh apne K̄háliq se áj hí banáyá gayá hai, aur wuh apní ráh ke tai karne men bhí kabhí nahín thaktá.

Phir mausimon ko dekhiye, ki we kis aur kyá hí aḡíb taur se apná daur púrá karke chale játe, aur phir waqt par, apne K̄háliq kí ṭahráí húí marzí ke

kám ek án kí án ká kám hai; kyúnki wuh is tamám álam ko ek án kí án men dekh saktá, aur apne thahráe húe intizám par apní nazar dál saktá hai; is liye ki wuh jis ne sab kuchh ko nest se hast kiyá, wuh un sab ko apní ajíb qudrat i kámila se apne jalál ke liye sambhál bhí saktá hai. Pas záhir hai, ki Kḥudá kí hukúmat kull álam par háwí hai, aur kull kí ráheṅ us kí ánkhon ke sámhne haiṅ, aur wuh un kí sárí rawishon ko jánehtá hai. Is liye wuh un ke kámon ko bhí apne jalál ká báis baná saktá hai. Aur ab ai dosto, kyá yih ek ajíb kám nahín hai, aur agar hai, to hamen us ke gít, hán, nae gít gáná pur-zarúr hai.

2. Phir Kḥudá kí hukúmat aur intizám is se bhí záhir hai, ki us ne is kull álam ká dár-o-madár apne hí úpar rakhá hai. Ai dosto,—Yih to záhir hai, ki yih álam Kḥudá se sirf nest se hast hí nahín kiyá gayá hai, par yih us kí qudrat se sambhálá bhí játá hai, aur jab sambhálá játá hai, to wuh us ká hákim bhí thahartá hai, aur jab wuh hákim thahartá hai, to kull us ke mahkúm haiṅ, aur jab mahkúm thahre, to un kí hastí bhí usí par mauqúf thahrí. Aur isí liye Rasúl ne bhí farmáyá hai, ki Ham usí se jíte aur chalte phirte aur maujúd haiṅ. *Aqm.* 17 : 28. Aur *Ibr.* 1 : 3 men yún áyá hai, ki Wuh us ke jalál kí raunaq aur us kí máhiyat ká naqsh hoke sab kuchh apní hí qudrat ke Kalám se sambháltá hai. Pas záhir hai, ki Kḥudá azal se hai, aur álam kí maujúdagí us kí marzí par mauqúf

ke sáre kámoṅ kí hifázat aur hukúmat kartá hai. Aur jab ki Kḥudá ap̄ meṅ yih aur aisí sifateṅ rakhtá hai, to us kí hukúmat aur intizám ká honá bhí mumkin hai. Is liye ki

1. Kḥudá waqt kí aur wasat kí nisbat meṅ, aur apní dánish aur qudrat kí nisbat meṅ, apní hastí meṅ behadd hai, aur yihí wuh wajh hai, jis se ki sáf záhír hotá hai, ki is tarah kí amm hukúmat o intizám us ke liye mumkin hai, aur jab ki mumkin hai, to us kí hama-já házirí ke muqábale meṅ yih bhí mumkin hai, ki koí ehíz bhí bagair us kí marzí ke waqú meṅ nahín á saktí, hán, ek pattá bhí us kí marzí ke bagair nahín gir saktá. Balki hawá ke parinde aur jangal ke darinde aur bare bare darakht se leke chhat tak kí ghás tak jo jald súkh játí hai, aur samundar aur pahár aur un ke sab basnewále insán se le kíre makoroṅ tak balki us kíre tak jo ek hí din meṅ paidá hotá, aur usí din apná daur tamám karke mar játá hai, aur sab se poshída kḥiyál aur kám o kalám jo andhere yá roshní meṅ kie, yá kahe játe hain, aur jo záhír yá khulá khulí amal meṅ áte hain, so sab us kí hukúmat ke tábí aur us ke intizám ke tale hain, aur go insán ke liye us ke is intizám aur kám ká samajh lená mushkil aur diqqat talab ho, to yih us kí apní náqis aql aur náqis fahm ká sabab hai, aur yih bhí ki wuh mahdúd aql rakhtá hai. Pas mahdúd lá-mahdúd ke kámoṅ kí kyúnkar tháh lagá saktá hail! Lekin Kḥáliq ke nazdík yih diqqat-talab aur ajíb

sári chízon ko ibtidá men apne kalima i qudrat se nest se hast karke, aur is ke má bad apní maḥlúq chízon ke har zarre ke sáth hamesha házir rahkar, aur kull shai ko ba maḥ un ke wujúd aur ba-qabz aur istiámál un ke kull ausáf ke sambhálte húe, wuh hamesha apne is andáz par mahfúz kull maḥlúq ke fiálon kí hidáyat kartá hai, aur un ko mah-kúm bhí kartá hai, hattá ki go wuh un kí muḥtalif tabiáton ke qáidon ke hargiz ḳhiláf nahín kartá hai, tau bhí wuh beḳhatá taur par apne azalí aur bebadal iráde ke muwáfíq jo ki us kí taqdír men shámil hai, kull fiálon aur májaron yá wáqiát ḳháss aur ámm ko waqú men áne detá hai.

Is ke siwá Parwardigári men mansúba bhí páyá játá hai. Tum jánte ho, ki Ḳhudá ne apne bare maqsad, yaṇe apne jalál ke záhir karne ko chun liyá hai, lekin is maqsad ko bar láne ke liye, us ne beshumár mátaht maqásid chun liye hain, aur bhí sab muḥaiyan hain, aur us ne kull fiálon aur májaron ko un kí muḥtalif nisbaton ke sáth aise taur par qáim kar diyá hai, ki wuh in maqsadon ke bar áne ke liye wasíle ho játe hain, aur wuh kull maḥlúq ke fiálon kí hamesha aisí hidáyat kartá rahtá hai, ki ye kull ámm aur ḳháss maqsad bajinsihí usí waqt par, aur unhín wasílon se, aur unhín tauron aur sharton ke sáth, jo us ne azal se ṭhabrá rakhí hain, waqú men áte hain. Jis ká natíja yih hai, ki Ḳhudá kamál pákízagí, hikmat, aur qudrat se apne sáre maḥlúq kí aur un

agar wuh is ká inkár nahín kar saktá, to us ko yih bhí yaqín karná cháhiye, ki K̄hudá hama-já házir hokar aur behadd ilm, aur dánish, aur muhabbat, aur sadáqat, aur qudrat rakhkar k̄hilqat ke har har zarre par, balki us ke qiyám ke har har lahze par bhí háwí hai, kyúnki wuh buzurg hai, aur hamará K̄hudá sáre maḃúdoṅ se baḃá, jo kuehh wuh eháhtá hai, wuh sab ásmán o zamín meṅ, daryáoṅ meṅ, aur gahráo meṅ kartá hai.—*Zab.* 135 : 5, 6. Lekin ham in aur aise behúda k̄hiyáloṅ ká kaháṅ tak píehhá karen, we to bahut hain, aisá ki baḃ to dahriyat ko liye hain, aur baḃ mádde ko azalí jánte hain, aur baḃ hamáostiyat ko mánte hain, aur baḃ máyá meṅ lipt hain, aur baḃ mushrikiyat ke qáil hain, aur baḃ muwáhidiyat meṅ galtáṅ peeháṅ hain, aur baḃ mutak̄haiyaliyat ko madd i nazar rakhte hain, aur baḃ wahdat-ul-wujúdiyat ke ámil hain. Pas jab ki K̄hudá ke wujúdi ká nisbat in logoṅ ke k̄hiyál aise galat hain, to us ká hukúmat ká nisbat kyá kuehh na honge! Is liye ham in se darguzar karke aur úpar ká nazíroṅ ko bataur i namúna káfi samajhkar K̄hudá ká ajíb hukúmat aur us ke intizám ká nisbat kalám ká sahíh ṭalím par gaur karenge, aur dekhenge, ki kalám is ká nisbat kyá farmátá hai.

Ai dosto,—Is ṭalím ká nisbat kalám ká lubb i lubáb, yaṅe us ká k̄hulása aur magz yih hai : ki K̄hudá ne azal se jo kuehh wáqi hotá hai, us ko kamálan aur bilkulliyatan muqaddar karke, aur

mat na rakhe, to log jald ek dúsre ko halák kar dálenge, aur tab ek thore hí arse men yih dunyá sunsán aur wírán ho jáegí. Pas záhír hai, ki K̄hudá ne dunyá ko chhor nahín diyá hai, par wuh hákim i bálá hokar sab par musallit hai, balki sári chízon ko apne kalima i qudrat se sambháltá hai.— *Ibr.* 1 : 3. Aur baz yih bhí kahte hain, ki K̄hudá ne ibtidá men sári chízon ko paidá, yá nest se hast kiyá, aur un ko alag alag zindagí-bak̄hsh táqat-en batur i asbáb i sání átá kí, aur un ko ek inti-zám i maqúl ke sáth muntazim kar diyá, aur bad is ke un ko un kí máhiyat ke mutábiq aur bin nisbat yún hí qáim rahne ko chhor diyá, jis tarah kí koí ádmí gharí ko chábhi dekar aur us ko rakhkar chhor detá hai. Lekin dekhiye yih k̄hiyál bhí kaisá galat aur ná-munásib hai ! K̄hudá kí zát ke siwá kaun sí chíz hai, ki agar wuh sambháli na jae to maujúd rah saktí hai, hán, yih mumkin hai, kí sháyad wuh kuchh arse ke liye thík thík maujúd rahe, aur apná kám bhí durustí se kare. Lekin wuh hameshagí tak yih nahín kar saktí: kyúnki maq̄blúq ke wujúd ká akelá sabab K̄háliq kí marzí par mauqúf hai. Pas jab tak ki us kí yih marzí qáim hai, tab hí tak wuh sabab yá shart bhí qáim hai, aur jab marzí nahín, to sabab bhí nahín hai. Is ke siwá, K̄hudá kí nisbat koí yih kyúnkar kah saktá hai, ki us ne is álam ko sirf chábhi lagákar chhor diyá hai. Agar koí aisá kahe, to wuh K̄hudá kí hama-já házirí ká bhí inkár kartá hai, aur

lá-hall hai, is liye is kí nisbat *ḡhámoshí iḡhtiyár* karná bihtar hai. Par *chúnki*, *ḡhudá* ne insán ko *aql* aur *ilhám* donoḡ diye haiḡ, mumkin hai, kí insán *ḡhudá* kí is *ajíb hukúmat* ke báre meḡ us kí *Rúh* kí *hidáyat* par, us ke *jalál* ke liye, us kí *hukúmat* ke *ajíb intizám* meḡ se *kuehh úparí* aur *moṡí báteḡ*, jin *ká bayán* kí *Kalám i Pák* meḡ ho *chuká* hai, *samajh* le, aur *yún* us ke *wasile* se us se *ziyáda nazdíki* aur *muhabbat* rakhe, *kyúnki* *maḡhfí báteḡ* hamáre *ḡhudá* ke *nazdíki* haiḡ, aur *makshúf* hamáre aur *hamári aulád* ke liye *hamesha* tak, *táki* ham is *Tauret* ke *kalám* par *aḡmal* karenḡ.

Istis. 29 : 29. Is ke *siwá* insán par us ke *zí-hosh*, aur *zí-aql* hone ke *báis* bhí *yih farz* hai, kí *wuh* is *hukúmat* aur *intizám* ko *kuehh samajh* le, *kyúnki* agar *wuh* is kí *nisbat be-fikr* aur *be-parwáh* rahe, to us ke liye *haqíqat* ko na *jánne* ke *sabab gum-ráhi* aur *behúda ḡhiyálon* meḡ *latt* ho *jáne* *ká ḡar* hai, is liye kí is *bárik* aur *lá-hall* masale kí *nisbat* *aise logon* se, jo *be-ḡhudá* *hokar* *dunyá* meḡ *zinda* *gí basar* *kiyá cháhte* haiḡ, *áj kal* *logon* ke *darmi-yán*, *bahut* se *behúda* aur *galat ḡhiyál* *phail* rahe haiḡ. *Hán*, *baḡ* *ká yih maqúla* hai, kí *ḡhudá* ne *ḡhilqat* ko *paidá* *karke* *chhor* *diyá* hai, aur ab *kisí* *bát* kí *kuehh ḡhabar* *nahín* *rakhtá*. *Lekin* *ai aḡizo*,—*Yih* to *ek moṡí* aur *baḡí* aur *bhári galatí* hai, *kyúnki* *wuh* to *har* *ek bát* kí *ḡhabar* *rakhtá* hai, aur *insán*, aur *haiwán*, *hán*, *sab beján* *ehízon* par bhí *hukúmat* *kartá* hai, *kyúnki* agar *wuh* *apní* *hukú-*

howeṅ.—*Afs.* 1 : 5, 6, 12. Phir **Ḳhudá** kí parwar-
digáří kí bhí yihí garaz hai. Aur Kitáb Firaṅ se
kahtí hai, ki Main ne isí liye tujhe barpá kiyá hai,
ki tujh par apní qudrat záhír karún, aur merá
nám tamám rú e zamín par mashhúr howe.—*Rúm.*
9 : 17. Phir maḵhlúq ke kull kámoṅ meṅ bhí
Ḳhudá ká yihí manshá hai. Pas tum kháte yá píte
yá jo kuchh karte ho, sab **Ḳhudá** ke jalál ke liye
karo.—1 *Qur.* 10 : 31. Ab ai dosto, jab ki **Ḳhudá**
kí garaz ḵhilqat se us ká apná jalál hai, to tumheṅ
bahar-hál us ke liye ek nayá gít gáná cháhiye, is
liye ki pahle to tum ḵhalq kiye gae ho, aur dúsre
yih, ki jab ham ne apne ko bigár diyá, to us ne
hamen Masíh Yisú meṅ hokar sar i nau ḵhalq kiyá,
aur hamen apne liye haikal banáyá. Pas munásib
hai, ki ham Pák Taslís ke har waqt shukrguzár
raheṅ, aur nayá gít gákar us kí hamd kareṅ.

II.

AJIB KAM JO YAHOWAH NE KIYA HAI, SO US KA
APNI PAIDA KI HUI KHILQAT KI NISBAT EK
AJIB O NADIR HUKUMAT YA INTIZAM KO
MUQARRAR KARNA HAI.

Ai ázizo,—Jaisá ki insán ke liye álam kí paidá-
ish kí haqíqat ká púra bayán karná mushkil hai,
waisá hí balki us se ziyáda **Ḳhudá** kí ajíb hukúmat
aur us ke intizám ko, púre taur se ján lená mushkil
aur muhál hai, balki us kí nisbat kuchh kahná be-
waqúfí hai, kyúñki yih ek ráz i ázím hai, balki sirr i

ká kahín nám o nishán bhí na hogá, aur sab jándár to isí jahán ke hain, par insán un kí tarah yahán tamám nahín ho játá. Pas K̄hudá ke siwá kaun aisí chíz baná saktá hai ? Ab ai dosto,—Kyá is bayán i muḁhtasar se yih bát páya e subút ko nahín pahunchtí, ki K̄hudá ká is álam ko banána us ká ek aḁjib kám hai ! Aur agar aḁjib kám hai, to kyá hamen Dáúd kí saláh ke muwáfiq us ká jis ne is aḁjib dunyá ko banáyá, nayá gít gáná na cháhiye ? Aur agar cháhiye, to kyá gáyá hai ? Aur agar nahín gáyá hai, to kyá kabhí is par soch bhí kiyá hai ? Kyúnki kyá tum nahín jánte, ki ham sab usí se jíte, chalte, phirte aur maujúd hain.—*Aqm.* 17: 28. Aur jab ki is ḁhilqat kí garaz K̄hudá ká jalál hai, to ham kyún is garaz ko záhir na karen ? Dekho, Kalám kí kyá gawáhi hai, K̄hudáwand ne har ek chíz apne liye banái, hán, sharíron ko bhí us ne bure dín ke liye banáyá.—*Ams.* 16: 4. Aur *Muk.* 4: 11 men yún hai, ki Ai K̄hudáwand, tú hí jalál, aur izzat, aur qudrat ke láiq hai: kyúnki tú hí ne sári chízen paidá kí, aur we terí hí marzí se hain, aur paidá húi hain. Is ke siwá, K̄hudá kí azalí taqdíron kí bhí yihí garaz hai, jaisá ki áyá hai, ki Us ne pahle se hamári bábat yún muḁarrar kiyá, ki ham us ke nek iráde ke muwáfiq Yisú Masíh ke wasíle us ke le-pálak howen, táki us ke fazl ke jalál kí taríf howe, jis fazl se us ne hamen us piyáre men qubúliyat baḁhshí, táki ham jinhon ne pahle Masíh par bharosá kiyá, us ke jalál kí sitáish ke báis

kyúnki yih maḵhlúq, yañe insán, aur sab maḵhlúqon se buzug aur álá hai. Insán kí paidáish ke báb meñ aisá maḷúm hotá hai, ki Ḳhudá goyá kisé baṛí chíz ko paidá kiyá cháhtá hai, aur yih bát us ke kahne meñ záhir hai, ki *Ham insán ko apní súrat aur apní mánind banáwen*, kyúnki Ḳhudá ne jab aur chízon ko paidá kiyá, to sirf hukm diyá, aur we sab maujúd ho gaín. Par insán ke banáne ká hál kuehh aur hí hai. Pas in sab báton se sábit hotá hai, ki insán kisé aur chíz se itná iláqa nahín rakhtá, jitná ki wuh ḵháss Ḳhudá se rakhtá hai. Lekin zará gaur kíjiye, ki kis taur se Ḳhudá ne insán ko banáyá? Ab dekhiye ki insán ke maḡmúlí jism ká wazan 77 ser hai. Is meñ 58 ser pání hai, 19 ser ḵhushk chízen hain, is meñ se 12 ser gosht aur charbí hai, aur 7 ser haḍdí hai, aur isí 19 ser meñ lohá, chúná, aur tarah tarah ke dhát wg. shámil hain. Aláwa in chízon ke us ne apní ajíb hikmat se insán ke jism ke andar hawá bhí rakhí hai, kyúnki agar aisá na hotá, to yih hawá jo báhar se insán ke jism par lagtí hai, us ko apne bojh se dabá dáltí. Is liye ham in sab bárikiyon par gaur karte húe yih kah sakte hain, ki Insán dahshatnák taur se ajíb o garíb baná hai.—*Zab.* 139: 14. Aur na sirf insán dahshatnák taur se ajíb o garíb baná hai, balki Ḳhudá ne use gairfání bhí banáyá hai. Tum jánte ho, ki us kí rúh kabhí nahín martí, par hame-sha zinda rahtí hai, hán, kaṛoron baras ke baḍ bhí wuh jyún kí tyún baní rahtí hai, aur us ke liye marne

bímáří ko paidá kartá hai. In kíron me siwá machhlíán bhí hain, jo K̄hudá kí is k̄hilqat meñ barí kasrat ke sáth páí játí hain. Jin ke báis se karoron admíon kí parwarish hotí hai. Ab dekhiye kí K̄hudá kí qudrat is k̄hilqat se kaisí áshkárá hai. Aur na sirf inhí se balki parindon par k̄hiyál kíjiye, hán, un ke ek hí par par gaur kíjiye, aur kyá is ek par meñ K̄hudá kí daqíq aur bárík sanát aur kárígarí nahín páí játí ! Dekhiye, jaise jánwaron kí haddíon meñ gúdá bhará hotá hai, parindon kí haddíon meñ yih páyá nahín játá, un kí haddíán khokhlí aur súraḳhdár hotí hain, jin súraḳhon ke wasíle un ke jism meñ hawá bhar játí hai, aur yún wuh halke aur subuk ho urne ke qábil ho játe hain. Is ke siwá, K̄hudá ne in ko aql bhí dí hai, aisá kí we mausim kí shiddat se bachne ke liye apne wáste panáh aur k̄hurish donon jama kar lete hain, aisá kí K̄hudá kí is maḳhlúq se insán ko barí k̄hushí hásil hotí, aur Qádir i Mutlaq kí behadd qudrat in meñ páí játí hai. Balki dekhiye, kí jab K̄hudá ne ásmán ko yún raunaq dí, aur samundar ko yún maḁmúr kiyá, aur fazá ko yún zínat baḳhshí, to zamín ko zamíní jándáron se shád o ábád kiyá, aur yún insán ke liye goyá ek mahall taiyár kiyá, aur tab kahá, kí *Ham insán ko apní súrát aur apní mánind banáwen*. Lekin jab ham K̄hudá ke is kahne par gaur karte hain, to aisá maḁlúm hotá hai, kí jaisá aur haiwánát ke paidá karne meñ K̄hudá ne hukm diyá, waisá insán ke wáste nahín kahá,

nae gít ke gáne kí saláh detá hai. So ai Masí-
 hío, kyá tum gáoge? Ao, K̄hudáwand ke liye ek
 nayá gít gáo, kyúnki yih sab k̄hún-k̄harídon ko
 zebá hai. Lekin zará aur áge barhiye, aur K̄hudá
 kí qudrat ko dekhiye. K̄hudá ne kahá, ki *Ásmán*
kí fazá men naiyar hon, aur ho gae. Phir kahá,
 ki *Páníton men rengnewále jándár kasrat se hon,*
aur ho gae. Aur kahá, ki *Parinde zamín par bahut*
hon, aur ho gae. Ab kyá is aur aise hukm men
 qudrat nahín hai? Aur kyá yih taajjub ká aur
 hairat-afzá kám nahín hai? Aur kyá ásmán
 Qádir i Mutlaq ká jalál bayán nahín karte? Aur
 kyá fazá us ke háthon ke kámon kí k̄habar nahín
 detí? Aur kyá áftáb aur máhtáb aur kull sitáre
 aur saiyáre us kí hamd nahín karte? Aur kyá pání
 jo rengnewále jándáron se pur hai, us kí ájib k̄húbí
 ká izhár nahín kartá? Dekhiye, log jab pání ke
 jándáron ká zikr karte hain, to aksar us ke bare
 bare jánwaron ká zikr karte hain, lekin nahín jánte
 ki us men hazárhá hazár aur be-shumár ehhoṭe
 ehhoṭe kíre maujúd hain! Aur aise kíre jin ko
 insán dekh nahín saktá, ek búnd pání men qaríb
 30,000 ke hote hain, aur go we itne ehhoṭe hain,
 tau bhí we qadd o qámat, haḍḍí o post, gosht o dil
 aur phephrá rakhte hain. Aur K̄hudá kí is be-
 shumár k̄hilqat se goyá pání zinda rahtá hai, aur
 jab koí bímári in jánwaron men paidá hotí hai, aur
 ye mar játe hain, to pání bhí bekár ho játá, aur
 píne ke qábil nahín rahtá, balki pínewálon men

ko Qádir i Mutlaq ne is andáz se maujúd kar diyá hai, ki na sirf we apne meñ ján rakhte haiñ, balki apní apní qism ke muwáfiq bíj bhí rakhte haiñ, táki pushtahá pusht tak ke liye qáim raheñ. Aur sirf qáim hí na raheñ, balki nabátát ká paidá kiyá jáná ek zarúrí bát thí, kyúnki is ke bagair insán aur haiwán zindagí ká hazz nahíñ uñhá sakte the, aur na jíte rah sakte the, kyúnki yih chízeñ insán aur haiwán kí zindagí ko madad detíñ, aur us ko qáim rakhtí haiñ. Is ke siwá K̄hudá ne na sirf apní qudrat barí chízeñ hí meñ áshkárá kí hai, balki us ne chhoṭí chhoṭí chízeñ meñ bhí apní qudrat i kámila dikhláí hai. Hāñ, ham kahte haiñ, ki wuh dánishmand kaun aur kahāñ hai, jo sirf ek hí daraḡht kí banáwaṭ aur tartíb ko batá saktá hai? Chunāñchi us kí jaṛ, shákheñ, reshe, ehhal, ehhilke, hawá ke súraḡh, beshrumár patte, tarah tarah ke phúl, záiqadár mewe wg. har ek goyá in meñ se ek ek ráz hai, balki us kí qudrat ká gawáh hai. Hāñ, yih ek aisá bará bhed hai, ki agar kull ásmán likhne ke liye bajáe kágaz ke istiamál kiyá jáe, aur kull zamín ke daraḡht bajáe qalam ke kám meñ lāe jáeñ, aur kull samundaron ká pání bajáe siyáhí ke istiamál kiyá jáe, tau bhí yih is ráz i aḡím ke likhne ke liye kifáyat na karegá! Pas aisí báton aur K̄hudá ke aise kámon ko dekhkar, kyúnkar koí insán apní zabán ko us kí hamd o sitáish se band kar saktá hai! Isí liye Zabúr ká musannif har ek ímándár ko K̄hudá ke liye ek

wasíle se bádalon̄ meṅ pání bhí pahunchtá hai, táki zamín par baḡhúbí bárish ho, aur nek aur bad kí zamín sarsabz ho. Pas Ḳhudá ne ḡhushkí ko insán, haiwán, daraḡht, ghás wg. ke liye taiyár kiyá, aur tarí ko machhlíon̄ aur tarah tarah ke ábí jánwaron̄ ke liye maujúd kiyá. Aur ab kyá hamen̄ Ḳhudá ke aise ajáib kámon̄ ke liye jo us ke dahne háth aur us ke muqaddas bázú ne kiye hain̄, nayá gít gáná na cháhiye ? Hán̄, zarúr cháhiye. Lekin ai dosto, agar tum dil se gáyá cháhte ho, to us ke ajáib kámon̄ par jo us ne kiye hain̄, zará aur bhí gaur karo, aur tab mujhe yaqín hai, ki tum na sirf dil se gáoge, par tálíán̄ bajákar us kí hamd aur shukrguzárá karoge ! Dekho, us ne kyá kiyá hai ? Jab Ḳhudá páníon̄ ká intizám kar chuká, aur ḡhushkí ko nikál chuká, tab kahá, ki *Zamín ghás aur nabátát wg. ko ugáwe*, aur hukm ke hote hí yih sab maujúd ho gae. Ab dekhiye, jándáron̄ meṅ pahlí qism jo ḡhilqat meṅ paidá kí gaí, so nabátát hai, aur nabátát ko ham yahán̄ jándár is liye kahte hain̄, ki in meṅ nash o numá kí táqat hai, aur bad nabátát ke jánwarán i ábí paidá húe. Aur yún̄ goyá zamín i barahná apní hálat i wirání se árasta o pairasta kí jákar sabz-posh aur ek zamur-radán farsh ho gaí, aur apní zeb o zínat meṅ hokar apne Málík kí hamd ká báis húi. Is ke siwá, Ḳhá-liq ne ḡháss tín tarah ke nabátát zamín par paidá kiye, yaṅe, narm narm ghás, qism i anáj, aur qism i daraḡht. Ab dekhiye, ki in tín qism ke nabátát

nahín hotí ? Beshakk barí qudrat záhir hotí hai,— kyúnki us ke hukm hí se ujálá namúdar húa. Aur jab is ujále par gaur kiyá játá hai, to yih ma'lúm hotá hai, ki yih ek niháyat hí ajíb ehíz hai, aur K̄hudá kí qudrat banisbat aur ehízon ke is ke paidá karne men ziyáda záhir hotí hai, kyúnki yih ek aisí ehíz hai, ki jis ke wasíle se K̄hudá kí aur sab paidá kí húi ehízen dikhlái detín aur pahchání játí haiñ. Aur us ke aise jald phailne aur k̄hilqat men har maqám aur har zarre ko roshan karne men K̄hudá kí behadd dánái ká káfí subút hai. Is ke siwá zará áge barhiye, aur K̄háliq kí qudrat ko dekhiye, us ne kahá, ki *Pánion ke bích men fazá howe, aur pánion ko pánion se judá kare, aur fauran aisá hí ho gayá.* Phir kahá, ki *Asmán ke niche ke pání ek jagah jama ho jáwen, aur we ho gae, so us ne jama húe pání ko samundár, aur k̄hushkí ko zamín kahá.* Ab dekhiye, kyá pánion ke bích men fazá ko muqarrar karná, aur us ke wasíle pánion men tafáwat karná, aur ásmán ke niche ke pánion kí hadd muqarrar karná, aur k̄hushkí ko nikálná yih koí halká kám hai ? Nahín. Yih ek bará aur bhári aur taajjub ká kám hai. Hán, zará gaur kijiye aur dekhiye, ki K̄hudá kí tín chauthái zamín ko pání se dhámpne men kyá hí barí qudrat aur kyá hí barí dánish nazar átí hai, kyúnki in pánion ke bukhár ke wasíle jo har waqt uhtá rahi tá hai, hawá thandhí rahtí hai, jis se insán aur haiwán aur kull jándár jíte rahte haiñ, aur isí ke

dánái aur mihrbání zálhir karne ke liye dunyá aur us men kí sab chízen kyá dídání aur kyá nádídání ehha din ke arse men sab kámil aur khúb paidá kíñ, aur in ke paidá karne aur wujúd men láne ká taur bhí Kalám i Pák men ek ajíb súrat men jis ká samajhná zát i insání ko niháyat hí mushkil hai, páyá játá hai. Maslan, *ibtidá men Khudá ne ásmán aur zamín ko paidá kiyá*. Ab dekhiye, ki yih áyat kaisí muḡhtasar aur kyá hí mushkil hai, jis par gaur karne se baḡe baḡe álimon ke damág khálí aur pareshán ho játe haiñ, kyúnki yih ek aise zamáne ká jis ká daryáft kar lená insán kí samajh se báhar hai, aur jo us ko hairat men bhí dáltí, bayán kartí hai, is liye ki yih muḡhtasar sí áyat faqat súraj, chánd, sitáron aur saiyáron ká, aur zamín aur jo kuehh ki us men hai, un sab ke mádde kí paidáish ká bayán kartí hai. Aur yún ham is mádde kí paidáish se yih natíja lete haiñ, ki ibtidá e khilqat se pahle sab hameshagí thí, aur is hameshagí men waqt aur zamána nest thá, kyúnki ásmán aur zamín kí paidáish ke ba-gair waqt aur zamána ho hí nahín saktá hai. Pas Khudáwand ká yih kám yane khilqat ká paidá karná aur ásmán o zamín ko ádam se zuhúr baḡhsh-ná ibtidá e álam hai. Aur jab ki ibtidá e álam Khudá ká ek ajíb kám hai, to us kí tartíb kyá kuehh ajíb na hogí! Ab dekhiye aur zará gaur kíjiye, ki jab Khudá ne kahá, ki *Ujálá ho, aur ujálá ho gayá*. Ab kyá is se Khudá kí behadd qudrat zálhir

thá, jab main ne zamín kí bunyád dālí ? batlá, agar tujhe dānish hai. Kis ne us ká andāza rakhá ? kuchh tú jántá hai ? yá kis ne us par sūt khínchá ? Kaun sí ehíz par us kí newen dhari gaín ? yá kis ne us ke kone ká patthar biṭháyá ; jab subh ke sitāre milke gāte the, aur sáre baní Ulláh ḵhushí ke máre lalkárte the ? Yá kis ne samundar ko dar-wáze lagákar band kiyá, jis waqt ki wuh phút niklá, ki goyá rihm se niklá pará ? Jab main ne badlí ko us kí poshák banáyá, aur us kí peṭí ke liye gārḥí táríkí ko ? Jab main ne us kí hadden bándhín, aur arānge aur kiwāre lagáe ; aur kahá, ki Yahán tak tú áná, aur áge na baṛhná ; aur is jagah terí mauj-on ke hamle ṭhahar rahen ?—*Aiyúb* 38 : 4—11. Pas zāhir hai, ki insán ko Ḷhudá ke kull kámon men kuchh madáḵhilat nahín, aur na wuh unhen ján saktá hai, kyúnki wuh ajíb o hairat-afzá haiñ. Lekin yahán hamári garaz Yahowáh ke un ajáib kámon ká muḵhtasar men bayán karná hai, jo badíhí o zāhir haiñ, aur jin kí nisbat insán us kí Rúh aur Pák Kalám ke wasíle kuchh kuchh samajh saktá hai, aur jo us ke Kalám i Pák men darj bhí kiye gae haiñ. To—

I.

AJIB KAM JO YAHOWAH NE KIYA HAI, SO YIH AJIB
O NADIR ALAM YA JAHAN HAI.

Tum jánte ho, ki ibtidá men Ḷhudá Báp, Beṭe,
aur Rúh-ul-Quds ne apní azalí qudrat aur be-hadd

gít kahlátá hai, aur is liye bhí yih nayá kahlátá hai, ki Yih sirf Yahúdíon meñ se baz hí se nahín, par kull baní Adam se gáyá játá, aur gáyá jáegá, is liye ki is kí áwáz tamám rú e zamín par aur is kí báteñ dunyá kí haddoñ tak pahunchí haiñ. Hán, zamín ke kanáron ne hamáre K̄hudá kí naját ko dekhá hai, balki un logon par jo táríkí ke sáya meñ baiṭhe the, núr chamká hai. Pas jab ki qadím zamáne meñ qaum i Yahúd se K̄hudáwand kí taríf meñ puráne gít gáe játe the, to ab is nae aur Injílí zamáne meñ kull jahán se aur k̄hásskar Masíhíon se nae gít kyún na gáe jáen ! Is liye ai Masíhío, Yahowáh ke liye ek nayá gít gáo. Aur kyá tum is hukm ko mánoge ? Máno Masíhío, kyúnki yih tumheñ sajtá hai, aur tumheñ tumháre Málík kí taraf se yihí hukm hai. Is ke siwá agar tum yahán gáná síkhoge, to ásmán meñ bhí gá sakoge, kyúnki ásmán meñ kull ásmáníon ká yihí kám hai. Lekin

Nae gít gáne kí wajh kyá hai ? Wajh yih hai, ki Yahowáh ne ajáib kám kiye haiñ. Lekin wuh ajáib kám jo Yahowáh ne kiye haiñ, kyá haiñ ? Ai dosto, yih to mumkin hí nahín, ki koí insán Yahowáh ke un ajáib kámon ko jo us ne kiye haiñ, púre taur se bayán kar sake, yá un ká haqíqí shumár batlá sake, is liye ki we bahut aur beshumár aur hairat-afzá haiñ. Aur agar koí in ajáib kámon ko jo Yahowáh ne kiye haiñ, jáune kí koshish bhí kare, to K̄hudá us se yihí kahtá hai, ki 'Tú kahán

záhir kartí hai, ki wuh dunyá meñ mujassam ho hí chuká hai. Is liye sirf firishte hí nahín, par tum bhí áo aur is nae gít ke gáne meñ un ke sharík ho, kyúñki Masíh ká mujassam honá un se nahín, par tum se iláqa rakhtá hai, hán, us ne un ke liye nahín, par tumháre liye aur tumhári naját ke liye salíb kí lānatí aur dardnák maut sahí hai. Pas kyá tum na áoge? Aur jab ki firishte apná farz adá karte hain, to kyá tum apná haqq adá na karoge? Is liye áo, aur gáo, aur dil kí gahráí se alápo, ki *Sab se únche par Khudá ko jalál, aur zamín par un ádmión meñ jin se wuh rázi hai; salámatí ho.* Ai dosto, yih to wuh nayá gít hai, jis ko dunyá ne is se peshtar kabhí bhí na suná thá. Hán, ek waqt ek gít to gáyá gayá thá, jis ko ham ek súrat meñ nayá kah sakte hain.—Yāne, *Aurat kí nasl sámp ke sir ko kuchlegí.* Lekin jab tak ki Masíh mujassam na húa, wuh is ke muqábale meñ mashkúk aur puráná thá, balki us ko gáe húe 4000 baras ká ársa guzar gayá thá. Is liye wuh is kí nisbat puráná aur qadím thahartá hai. Hán, Puráne Ahd-náma meñ bahutere puráne gít hain, par Nae meñ sirf ek hí hai, yāne, *Tumháre liye ek naját-denewálá paidá húa hai, aur wuh Masíh Khudáwānd hai.* Aur yih bahar súrat ek nayá gít hai, kyúñki Masíh shariát i Músawí meñ ek sáya aur ek parchháín ke taur par nazar átá hai, par Injíl meñ wuh apní púri haqíqat meñ dikhlái detá hai: aur isí sabab se Masíh kí paidáish ká gít ek nayá

kyá hai ? Is liye ki wuh roz ba roz naí aur táza barakaten páti hai, pas wuh roz roz nae rágon se gátí bhí hai : aur hamesha sab báton meñ hamáre K̄hudá-wand Yisú Masíh ke nám se K̄hudá Báp kí shukrguzár rahtí hai.— *Afs.* 5: 20. Aur ab ai bháí aur ai bahin, kyá tum bímár the, aur ab bilkull change ho gae ho ? To áo, aur us koṛhí ke mánind jis ká bayán Lúqá ke 17wen báb meñ miltá hai, K̄hudá kí taríf karo. Hán, is umda baḅshish ke liye K̄hudá ká ek nayá gít gáo. Kyá tum rástbázi ke bhúkhe aur piyáse the, aur ab rúhání roṭí aur rúhání pání ko píkar ásúda ho gae ho ? To áo, aur is nae fazl ke liye hamd o taríf ká ek nayá gít gáo. Aur kyá tum ne gunáh kí haqíqí pahchán hásil kí hai, aisá ki ab wuh tumhári ánkhoñ meñ zabún aur ghinauná hai ? To áo, aur is baṛí baḅshish ke liye jo Masíh ke wasíle se tum ko hásil húi hai, Báp kí hamd meñ ek nayá gít gáo. Hán, ai dosto, áo, aur gáo, kyúnki yih ek baṛí aur bhári barakat hai, jo tum ko milí hai, kyúnki bahut hain jinhen gunáh kí pahchán ab tak nahín milí hai. Hán, ham phir kahte hain, ki Áo, aur Yahowáh ke liye nayá gít gáo. Puráná mat gáo, kyúnki Yahowáh kí mihrbáníán tum par gúnágún aur ajíb húi hain. Is liye tumhári shukrguzári bhí ziyáda aur dil se honí cháhiye. Hán nayá gít gáo, balki wuh nayá gít gáo jo firishton ne Masíh kí paidáish par gáyá, kyúnki yih Zabúr us ke dunyá meñ áne aur janam lene kí peshingoí hai, goyá yih Zabúr is bát ko

dastí ho, k̄hwáh k̄hushí ho, k̄hwáh gam ho, k̄hwáh tandurustí ho, k̄hwáh bímárí ho, hán, jo kuehh ho so ho, hamen nabí Habaqqúq kí tarah apne ímán men apne iṭtiqád ko milákar har hál men yún yá is tarah se kahná lázim hai, ki Harehand ki daraḡht na phúle, aur ták men mewa na lagen, aur zaitún ke liye jo mihnat húí lálhásil ho, aur khet men kuehh anáj paidá na ho, aur galla bhersále men se káṭ ḡalá jáwe, aur gác bail thán men na rahen; tis par bhí main K̄hudáwand kí yád men k̄hushí karúngá, hán, main apní naját ke K̄hudá ke sabab k̄hushwaqt hoúngá.—Hab. 3: 17, 18. Hán, ai dosto, hamen Dáúd kí tarah K̄hudáwand ke liye gáná eháhiye, balki K̄hudáwand men k̄hushí karní eháhiye, hán, Masíh men nae maḡhlúq hokar hamen nayá gít aur nae sur aur nae rág se gáná eháhiye, balki purání insániyat ko us ke fiṭlon samet utárná eháhiye, aur naí ko jo apne paidá karnewále kí súrat par naí ban rahí hai, pahinná eháhiye. Is liye kí purání insániyat jab gáwegí to apná hí puráná rág chheṡegí, hán, naí insániyat jo hai, so hí nayá rág aur nayá gít gá saktí hai, kyúnki wuh naí zabán se boltí, aur nae taur se ehaltí, nayá dá-ná khátí, aur nayá pání pítí, aur nae kám kartí, aur nae gít gátí hai. Us kí zabán Bábul aur Misr kí nahín hai, balki ásmání Kanaán kí hai. Is sabab se us kí guftogú insánon men goyá ján ḡáltí hai, aur us ká gáná K̄hudáwand ke jalál aur buzurgí ká sabab hotá hai. Lekin us ke aisá karne kí wajh

kiyá, ki garíbon ko khushkhabarí dún, mujh ko bhejá, ki tute dilon ko durust karún, qaidíon ko chhúte aur andhon ko dekhne kí khabar sunáun, aur jo beríon se gháyal hain, unhen chhuráun, aur K̄hudáwand ke sál i maqbúl kí manadí karún.

Lekin chúnki ham apne dibáje ko aur ziyáda túl dená nahín cháhte, is liye áo ham apní sanad ke mazmún par gaur karen, aur kásh, ki K̄hudá kí Rúh hamári aisí madad kare, ki jis se ham bhí us kí rahmaton aur us ke fazl kí beniháyat daulat ko ma'lúm karke Zabúr ke musannif kí tarah us kí hamd men ek nayá gít gáne ke láiq ho jáwen ! To

Sanad kyá farmátí hai ? Yih, ki *Yahowáh ke liye nayá gít gáo*. Ab ai dosto,—Jab ham apní sanad ke is awwal jumle par gaur karte hain, to goyá yih hamen hamáre bhúle húe farz ko yád dilátá hai. Tum to jánte ho ki insán ká awwal aur kháss farz kyá hai ? Yih, ki wuh is jahán men apne málik ká joyán aur dhúndhnewálá ho, aur ánewále jahán men us ke chihre ká tálib aur dekhnewálá ho ; kyúnki mubáarak we hain, jo pák dil hain, is liye ki we K̄hudá ko dekhenge. Hán, ai dosto, insán ká kháss aur awwal farz yih hai, ki Wuh fazl kí bádsháhat men us kí haqíqí aur khairkhwáh riáya ho, aur jalál kí bádsháhat men ek muqaddas ho. Is liye lázim hai, ki jo kuehh ham par is dunyá men bíte, yá jo kuehh ham par guzre, us sab men aur us ke liye, ham K̄hudá ke liye gáte bajáte rahen. Hán, khwáh iqbálmándí ho, khwáh tang-

Dáúd. — Us ke muqaddas bázú ne us ke liye us kí ummat ko bacháyá hai,

Mariyam. — Us ne apne bázú ká zor dikháyá, aur un ko jo apne dil ke k̄hiyál meṅ apne taīṅ bará samajhte haiṅ, pareshán kiyá.

Dáúd. — Yahowáh ne apní naját mashhúr kí; qaumon kí nigáh meṅ apní sadáqat záhir kí hai,

Mariyam. — Us ká rahm un par, jo us se ɗarte haiṅ, pusht dar pusht hai.

Dáúd. — Us ne apní mihrbání aur amánatdári ko Isráel ke gharáne ke wáste yád farmáyá,

Mariyam. — Us ne apne bande Isráel ko sambhál liyá, un rahmaton ko yád karke jo Abirahám aur us kí nasl par sadá ko thiṅ.

Ab ai dosto, agar tum in suwálí aur jawábí misron par gaur karo, to tumheṅ maḷúm ho jáegá, ki Dáúd aur Mariyam ká yih kalám kyá hí ajíb aur kyá hí dil-kash hai; aisá ki is par fikr aur gaur karte húe tum maḷúm karoge, ki jab Mariyam ne apní is k̄hushí o hamd o ɗaríf ke gít ko gáyá, tab goyá is Zabúr kí báteṅ us ke dil meṅ ek zúd-nawís ke mazmún kí mánind umanḍ rahí thiṅ. Aur ab yihí wuh k̄háss sabab hai, jis se ki ham yih kahte haiṅ, ki Go yih Zabúr baní Isráel kí Misr yá Bábul kí asírí se rihái aur k̄halásí páne kí shukrguzári meṅ bhí likhí gaí ho, tau bhí is kí báton kí púrí púrí takmíl us rihái meṅ jo Masíh ke wasíle se gunahgáron ko miltí hai, páí játí hai, jaisá ki Lúqá 4 báb 18wíṅ áyat se záhir hai, ki K̄hudáwand kí Rúh mujh meṅ hai, us ne is liye mujhe Masíh

men jā ba jā miltī hai, un sab men se yih apne mazmūn men yaktā hai, aur apnā sání nahīn rakhtī hai. Aur taajjub nahīn, ki yihī wuh k̄háss sabab ho, ki jis ke bájs aglon ne is ko *Mazmūr i Yatīm* kahā hai. Is wajh se ki 96wīn Zabūr men Masīh i mau-ūd ke áne ká iráda páyá jātá hai, aur is men, yāne 98wīn men wuh apne áne aur mujassam hone ke iráde ko tamám o kamál taur se púrá kartá hai. Is ke siwá ek k̄húbí is Zabūr men yih bhī hai, ki is men nau áyaten hai, aur har tīn áyaton men ek k̄háss mazmūn hai, yāne pahlī tīn áyaton men K̄hudá kī hamd o taṛíf ká sabab hai. Aur dúsri tīn yāne 4 se 6 tak men, tarz i taṛíf o hamd hai. Aur tísri tīn yāne 7 se 9 tak men, taṛíf o hamd karne ká hukm hai. Lekin is bayán par bhī agar ham is Zabūr kī nisbat k̄húb gaur karen, aur zará apne k̄hi-yálon ko daurāen aur insání tarz ko kám men láen, to ham yih kah sakte hai, ki yih Zabūr wuh ūmda Zabūr aur nazm hai, jis ká awwal misra Dáúd ne batur i peshingoí kahá, aur us ká jawábí misra Mariyam ne us waqt kahá, jab ki us ne us ko, jis kī nisbat yih Zabūr peshingoí kartī hai, haqíqat men dunyá men áte aur mujassam hote hūe dekh liyá, yāne :—

Dáúd. —Yahowáh ke liye nayá gít gáo,

Mariyam.—Merí ján K̄hudáwand kī barái kartī hai.

Dáúd. —Kyúnki us ne ajáib kám kiye hai,

Mariyam.—Kyúnki us ne jo qudratwálá hai, mujh par ihsán kiyá hai.

YAHOWÁH KE SÁT AJÁIB KÁM,

JO

US NE BANT ADAM KI NISBAT KIYE HAIN.

“Yahowáh ke liye nayá gít gáo, kyúñki us ne ajáib kám kiye hain; us ke dahne háth aur us ke muqaddas bázú ne, us ke liye us kí ummat ko bacháyá hai.”—Zabúr 98 : 1.

Ai azízo,—Agar tum Zabúr kí kitáb ke kull Zabúron par gaur karo, to tumhen małúm ho jáegá, ki un men̄ baž Zabúr aisí hain, ki jin ke úpar koí bhí sarnáma nahín hai. Aur baž hain, ki jin ke úpar musannif ká nám bataur i sarnáma páyá játá hai. Aur kitní hain, jin men̄ musannif ká nám aur sarnáma aur un ke tasníf kí garaz donoñ pái játí hain. Lekin kull kitáb men̄ yibí akelí Zabúr hai, jis ká sarnáma záhir men̄ kuchh adhúrá sá małúm hotá hai; kyúñki is ke sarnáma men̄ *mazmúr* ke lafz ke siwá aur kuchh nahín hai, aur isí kḥáss báis se Tálmuđí tafsíron men̄ yih Zabúr *Mazmúr i Yatím* yá *Faradí* ke nám se mulaqqab kí gaí hai. Lekin go ham is Zabúr ke sarnáma kí haqíqat ko, ki kyún is ko aglon ne *Faradí* yá *Mazmúr i Yatím* kahá hai, ab sahíh sahíh aur kamá-haq-qahú nahín batlá sakte hain, tau bhí itná to záhir hai, ki yih Zabúr Masíh kí pahlí ámad kí un peshingoíon men̄ se jo is kitáb

INDEX

1—The first of the year ... 1

2—The second of the year ... 2

3—The third of the year ... 3

4—The fourth of the year ... 4

5—The fifth of the year ... 5

6—The sixth of the year ... 6

7—The seventh of the year ... 7

8—The eighth of the year ... 8

9—The ninth of the year ... 9

10—The tenth of the year ... 10

11—The eleventh of the year ... 11

12—The twelfth of the year ... 12

13—The thirteenth of the year ... 13

14—The fourteenth of the year ... 14

15—The fifteenth of the year ... 15

16—The sixteenth of the year ... 16

17—The seventeenth of the year ... 17

18—The eighteenth of the year ... 18

19—The nineteenth of the year ... 19

20—The twentieth of the year ... 20

21—The twenty-first of the year ... 21

22—The twenty-second of the year ... 22

23—The twenty-third of the year ... 23

24—The twenty-fourth of the year ... 24

25—The twenty-fifth of the year ... 25

26—The twenty-sixth of the year ... 26

27—The twenty-seventh of the year ... 27

28—The twenty-eighth of the year ... 28

29—The twenty-ninth of the year ... 29

30—The thirtieth of the year ... 30

31—The thirty-first of the year ... 31

FIHRIST I MAZAMIN.

Safha.

- I.—Ajíb kám jo Yahowáh ne kiyá hai, so
yih ajíb o nádir álam yá jahán hai,... 9
- II.—Ajíb kám jo Yahowáh ne kiyá hai, so
us ká apní paidá kí húi k̄hilqat kí
nisbat ek ajíb o nádir hukúmat yá
intizám ko muqarrar karná hai, ... 18
- III.—Ajíb kám jo Yahowáh ne kiyá hai, so
yih hai, ki us ne is álam ko ajíb ajíb
tarah kí qúwateñ atá kí haiñ, 33
- IV.—Ajíb kám jo Yahowáh ne kiyá hai, so
yih hai, ki us ne is álam ke liye ek
ajíb naját taiyár kí hai, 43
- V.—Ajíb kám jo Yahowáh ne kiyá hai, so
yih hai, ki us ne is álam ko ek Ilhámí
Nawishhta, yane Kalám i Haqq atá
farmáyá hai, 54
- VI.—Ajíb kám jo Yahowáh ne kiyá hai, so
us ke kamál fazl ká izhár hai, 69
- VII.—Ajíb kám jo Yahowáh ne hamáre liye
kiyá hai, so yih hai, ki us ne hamáre
jismoñ kí ek ajíb tabdílí muqarrar kí
hai, 81
-

TABLE

1	— I
2	— II
3	— III
4	— IV
5	— V
6	— VI
7	— VII

D I B A J A .

Maḡhfí na rahe, ki is ahqar ká is áyat i bebahá ke mazmún par koí ḡháss risála likhne ká iráda na thá, par sirf itná hí madd i nazar thá, ki is par koí muḡhtasar sá waz likhkar apne us galle kí bheron ko jo Kalísiyá ke Buzurg Chaupán ne us kí sipurdagí meṇ rakhí haiṇ, kuchh rúhání ḡhurák pahuncháwe, aur us kí rúhání ḡhushí ko baḡháne ke liye Yahowáh ke un ajáibát meṇ se, jo us ne baní Ádam kí nisbat kie haiṇ, chand ko pesh kare. Lekin ḡhiyálon kí tamhíd yahán tak baḡh gaí, kí jin ke báis se ab is ká hajam ek risále kí súrat pakaḡ gayá. Is liye ab is ko fáida e ámm ke liye hadiya karná hí bihtar maḡlúm húá. So agar yih auráq ek rúh ko bhí fáida pahuncháne aur Masíh meṇ nafa meṇ kamáne ká báis aur sabab hon, to bas yih ahqar apní mihnat aur garaz ko pahunch jáegá.

J. J. C.

Feb. 1888.

15

THE STATE OF NEW YORK

IN SENATE

JANUARY

1880

REPORT

OF THE

COMMISSIONERS OF THE LAND OFFICE

FOR THE

YEAR

1879

AND

1880

1881

1882

1883

1884

1885

1886

1887

1888

1889

1890

1891

1892

1893

1894

1895

1896

1897

1898

1899

1900

ALBANY: PUBLISHED BY THE STATE PRINTING OFFICE, 1880.

THE STATE OF NEW YORK

582
71:
THE SEVEN WONDERS OF JEHOVAH.

YAHOWÁH KE SÁT AJÁIB KÁM;

JO

US NB BANT ADAM KI NISBAT KIE HAIN.

JIS KO

PADRI J. J. CALEB, ILAHABADI


NE

FÁIDA E ÁMM KE LIYE TAIYÁR KIYÁ.

ALLAHABAD :

PRINTED AT THE ALLAHABAD MISSION PRESS ;
FOR THE NORTH INDIA TRACT SOCIETY.

1888.



MG7

.C148y

INSTITUTE
OF
ISLAMIC
STUDIES

17979

★

McGILL
UNIVERSITY

*cl
68*

MG7
C148y